

MIMUYA I RE DZHELE ZWINO

 Ndi a ni livhuwa. Kha ri kotamise zwifhātuwo zwashu lwa tshifhinganyana.

Khotsi ashu wa Tadulu, ri livhuwa kha Iwe, namusi, kha iyi pfanelo ya u dovha u kuvhangana luthihi, ri tshi divha zwauri linwe duvha ri do kuvhangana lwa tshifhinga tshashu tsha u fhedza, sa vha faho, huno zwenezwo ri do kuvhangana vhudzuloni vhu re na vhugala na Iwe, huno vhothe vho rengululwaho vha zwikhathi zwe the vha do kuvhangana henehfo.

² Oo, mbilu dzashu dzi divhithela ntha, nga...nahone nga ndavhelelo khulwane, ro lindela uri iyo awara i swike! Nga izwo, nyofho dzothe dzi a ngalangala kha rine. A ri na tshine ra tshi ofha, a hu na tshine ra tshi tshuwa. Ri sedza phanda kha pfulufhedziso ye Muzzimu wa U Ya Nga Hu Sa Fheli a ri itela yone, huno ri a divha zwauri ndi Ngoho. Ndi ngazwo ri tshi tshila. Ri tshilela iyo, iyo awara, itsho tshifhinga, musi uyu u faho u tshi do shandukiswa, huno ri do itwa vhunga Ene, nahone a hu tsha do vha na vhulwadze, a hu tsha do vha na matungu, a hu tsha do vha na malambilu. Oo, zwi do vha two no di fhela. Huno nga dakalo la mbilu, rine, nga lutendo na tshivhindi, ri sedza phanda kha ilo Duvha.

³ Ndi ngazwo ro kuvhangana hafha namusi, Murena, u bula vhukhakhi hashu nahone ra humbela khathutshelo. Ndi ngazwo ro livhana na iyi alitari matsheloni ano, ngauri izwo ri a zwi divha uri ri vha faho, na uri hu na khakho nnzhi kha rine, nahone ro dala dziphoswo. Fhedzi ri da u bula vhukhakhi hashu, huno zwenezwo ra sedza Khotsi ashu wa Tadulu nga mbilu dzo vuleaho, u itela dziphātshutshedzo na mvusuludzo ya nungo na lutendo, uri U do ri nea kha ino awara, vhunga ro kuvhangana hafha u ya nga pfulufhedziso, "kha mafhetu a Tadulu kha Kristo Yesu." Ngauri ri ima kha la uri ro bva lufuni ra ya kha Vhutshilo, nga pfulufhedziso Yawe, huno ro takulelwa kha dzingamufhe la Tadulu, ro dzula Nae zwino. Ngavhe A tshi ri funza matsheloni ano zwithu zve A funa ri tshi zwi divha, huno a ri nea Tshinnkwa tsha Vhutshilo, uri ri kone u bvela phanda tshifhingani tshi daho tshi re phanda hashu. Zwi tendele, Murena. Iyi ndi thabelo yashu ine ra humbela nga Dzina la Yesu Kristo. Amene.

Ni nga dzula.

⁴ Ndi matsheloni avhudzi, kha muñwe na muñwe. Huno ndi zwavhuñdi nga maanda u kuvhangana hafha na inwi hafhu matsheloni ano, kha ili dzingamufhe la Tadulu la nduvho.

⁵ Tshifhinga tsho no ḥuwa zwiṭuku, ro vha na . . . dzińwe ḥingo vhukuma, vhukuma dzo vhifhaho miniti i si gathi yo fhiraho; mutukana o lala hangei, a tshi khou fa. Huno vhunga ndi tshi tou vha na ngoho ya uri ndo ima hafha, Murena o kwama muvhili wawe huno a mu ruma ndilani. Ngauralo . . .

⁶ Huno mu—mu—mutukana o ima hafha, ane a vha murwa wa muzwala wanga. Vhukuma vho vha vhe vha Katolika, tsha u thoma, fhedzi vho ya tshilaleloni matsheloni ano hūno tshińwe tshithu tsho vha vhudza uri vha de hafha. Huno ngauralo vho. . . Hu na tshanduko. Ngauralo vha khou—vha khou da nduni zwino, nahone vha lugisela ndovhedzo ya madini. Ngauralo zwenezwo vha—vha . . . hu tou vha zwithu zwi mangadzaho zwine Murena washu a ita tshifhinga tshothe. U dzulela u ita zwithu. Vha da uri vha dzhene, huno a vho ngo kona u dzhene. Vho ri a vho ngo tou wana ndila ya u dzhene.

⁷ Nda ri, “Zwo ralo, ni ḥodou amba na nñe,” huno nda ri, “ndi zwone, itonu da nñha nduni, huno ri do amba nga hazwo, heneffo.”

⁸ Ngauralo nda elekanya, ndilani yanga ya u ya New York zwino, kha uyu muṭangano u no khou ḫa, uri wo vha u tshi do tou vha wavhuđi nga maanda . . . ndi a zwi ḥivha zwauri ndo vha ndi tshi do dzivhuluswa uri ndi dzhene huno—huno nda thusa u funga mulilo wanga kha mulilo we nothe na vha no no vha nawo, huno ra ima lwa ḫuvha, matsheloni ano. Huno ro dzhena mulovha, mbamulovha, nga masiari.

⁹ Huno zwenezwo ra tea u ḥuwa. Ndo vha ndi tshi khou yo ḥuwa, masiari ano, fhedzi ndi elekanya uri ndi do ḥuwa . . . Huno ri thoma nga matsheloni, nga u ḫavhanya, vhukuma nga u ḫavhanya nga . . . Ri nga di vha na mahada dzindilani, na zwithu, vhukati ha hafha na New York. Ri tea u fhira nga Virginia, vhukati ha dzithavha, na hone vhukati ha zwa Allegheny, nahone kha tshipida fhedzi-ha tsha phasi tsha—tsha Adirondack.

¹⁰ Ngauralo ri thoma kha, ndi a hangwa, ndi vhugalatenga heneffo, vhuswa. Vho kwasha vhugalatenga ha kale ha Mukhethwa Nicholas, ndi a pfectesa. Vho fhaṭa uvhu vhuswa. Huno u ya nga hune nda ḥivha, ri wana mańwe masiku a u thoma e a vhuya . . . hayo o bviswa. Ngauralo izwo ri a zwi livhuwa, zwi tshi itelwa vhathu vha Pentekoste khulwane ya New York. Huno ndi elekanya uri ri na zwivhidzo zwo vhalaho zwine zwa khou nea tshumisano, huno ri khou lavhelela tshifhinga tshavhudī.

¹¹ Huno ri do vhuya, arali Murena a tshi funa, tshińwe tshifhinga vhege i daho. Huno—huno arali hu tshi do vha lufuno lwa Mudzimu, muļandu, ri fhulufhela u vha ri huńwe u itela Swondaha, vhege, u itela—u itela tshumelo ya nga matsheloni ya Swondaha.

¹² Huno zwenezwo nda dzhena heneffo ha mufunzi washu hafhu, sa zwine nda ita tshifhinga tshothe, ni a vhona, huno—huno ndo elekanya zwauri khamusi arali nda dzhena, nahone ndi sa vhuyi nda humbelu. Huno zwenezwo u vha heneffo hu na tshigwada tshavhuđi hafha, na vhatu vhane nda vha vhona vha bvaho doroboni, vha fhano; ndo elekanya uri khamusi, madekwana ano, arali mufunzi a si na tshiñwe tsha sipeshala, hu do vha uri ri do vha na tshumelo thukhu madekwana ano, ine ya tou vha pfufhi, nahone, zwo ralo, khamusi ra rabelela vhalwadze. [Murathu Neville na tshivhidzo vha a takala—Mudz.] Ndi a ni livhuwa.

¹³ Ri fulufhela uri ri do rabelela vhalwadze madekwana ano, ra amba nga ha phodzo ya Muya huno—huno ra rabelela vhalwadze. Ra thoma nga u ḥavhanya uri ri kone u bva nga u ḥavhanya. Huno arali mufunzi a tshi funa, mini... Kanzhi ni thoma nga hafu u bva kha awara ya sumbe. Naa izwo ndi zwone? Naa arali ri tshi nga thoma nga sumbe madekwana ano, sumbe? [Murathu Neville u ri, “Amene.”—Mudz.] Huno ntendeleni ndi thome nga hafu u bva kha awara ya sumbe, huno izwo zwi do ntendela u bva nga malo kana hafu u bva kha awara ya malo, huno zwenezwo zwi nea vhatu tshifhinga tsha u—u ḥuwa, arali izwo—izwo zwo—zwo luga. Muñwe na muñwe o sea musi ndi—musi ndi tshi ri malo, kana hafu u bva kha awara ya malo. Ndi—ndi—ndi fulufhela u bva nga itszo tshifhinga. U rabelela vhalwadze, ni a ḫivha, na kathihi a ri ḫivhi.

¹⁴ Ngauralo ro vha na tshi—tshifhinga tshavhuđi tshi bva tshee ra ni ḥutshela kha ulu Luṭavula lwo fhiraho, hu tshee nga u ḥavhanya, huno Murena o ri fhaṭutshedza kha zwithu zwinzhi zwihiwlwane. Izwo... Huno madekwana a ḥamusi, arali Murena a tshi funa, ndi ḥodou ni vhudza nga ha u dalelwah ha u fhedza he nda vha naho, hu bvaho ha Mudzimu, ngei Colorado, kha vhege dzi si gathi dzo fhiraho. Huno izwo ndi zwe nda elekanya uri ndi do ni ḥisela zwone zwino, khamusi nda ḥuṭuwedza lutendo u itela tshumelo yavhudi ya phodzo madekwana a ḥamusi, ya vhalwadze na vha ḥupheaho.

¹⁵ Zwino, matsheloni ano, u dzhena tshothe kha tshumelo, ndi... Tshiñwe tshithu tsho kwama mbilu yanga ḥwedzi wo fhiraho. Huno zwi nga di vha zwo ralo, zwino, ndi elekanya uri vha... Naa izwi vha khou zwi theipha? Naa izwi vha khou zwi theipha? Iina. Zwo luga. U itela uri ndi ḫivhe uri ngafhi, arali theiphi ya bva ya ya kha vhañwe. Ndi nga si ambe uri zwine nda khou yo amba nga hazwo matsheloni ano... ndi nga si ambe uri zwi—zwi—zwi... ndi a ḫivha zwauri ndi zwone, ni a vhona, tshipida tsha Mulaedza tshi do vha tshone. Fhedzi tshithu, tshire nda ḥodou ita, ndi mbudziso ḥalukanyoni yanga. I vhonala i ya vhukuma nga maanda. Huno naho zwo ralo tshi bva tshe nda dzhena, nahone tshi bva tshe nda... ndo zwi dzumbululelwah, ndo vha ndi tshi khou ofha nga maanda uri ndi do amba tshithu

tsho khakheaho huno tsha sia mbonadzo yo khakheaho kha vhathu. Huno ndi... Huno ndo...

¹⁶ Kha zwe nda vha na notsi dze nda nwala, nga ha zwe nda vha ndi tshi khou yo amba, ndo tumula tshipida tshazwo, u itela uri ndi songo ita uri u dziese. Ngauri, ni a vhona, arali mu—arali muthu... ndi—ndi funa Murena Mudzimu, nahone, ndila i yothe ine nda divha uri ndi a Mu funa, ndi ngauri ndi a ni funa. Ni a vhona? Iyo ndi yone ndila i yothe ine nda divha. Huno naho zwo ralo a—a thi tqdi u vha na tshithu tshe nda dzumbululelwu huno zwenezwo ndi si ni vhudze, arali tshi tsha u ni vhudza. Huno zwenezwo ndi a ofha uri arali nda amba tshiñwe tshithu tsho dziesaho zwituku, tshi nga vhaisa muñwe muthu. Huno, ni a divha, ndi... Ni tea u tou da kha pulatifomo huno zwenezwo na pfa ni tshi khadea u amba zwine na khou yo amba. Ndi zwenezwo fhedzi. Huno nga tshiñwe tshifhinga ni nga di amba tshiñwe tshithu, huno muñwe muthu a wana... muñwe a tshingamela khatsho, huno a vho do gidimela kha *ulwo* lurumbu; huno zwenezwo muñwe muthu a vho do ri, “Oo, itshi ndi *itshi*, ni a vhona.”

¹⁷ Fhedzi ndi tqda inwi ni tshi divha zwauri zwine nda khou yo amba ndi u sokou dzhia uri ndi ngoho, huno ipfi *u sokou dzhia uri ndi ngoho* li amba “u difunga ni si na maandalanga.” Ngauralo nne... a—a thi khou ri izwi ndi ngoho, fhedzi zwi tou vha muhumbulo muñuku une ndi nga u posela kha inwi, uri ni kone u u kala huno na vhona zwine na elekanya nga hawo. Huno zwenezwo u do ralo, a hu na zwiñwe, u do vha—u do vha wa Luhwalo, ngauri ndo vha ndi si nga reri tshi siho...

¹⁸ Fhedzi iyo awara yo no swika? Naa izwi zwo no swika kha iyi awara, nahone izwi zwithu zwo amba heyo? Ndi a rabela, nga zwothe zwi re ngomu hanga, uri a si yone. Ni a vhona? Ndi a rabela uri a si yone, uri a si iyo awara. I khou yo vha yone, fhedzi yo no swika kha itsho tshifhinga? Ni a vhona, itsho ndi tshone tshine nda tshi mangala. Zwino, muñwe na muñwe u a pfesesa, nga hothe, zwauri a thi divhi? [Tshivhidzo tshi ri, “Amene.”—Mudz.] Ndi tou... Naa ndi tshino tshifhinga? Arali tshi tshone, Mudzimu ri khathutshele. Fhedzi, arali hu si itsho tshifhinga, tendelani... tshi khou do da.

¹⁹ Zwino, musi ri tshi kona, ri na rekhodo ya u enda khulwane phanda hashu, Murena a tshi funa. Huno ndi tea u ya seli ha lwanzhe, zwenezwo nga murahu ha Khushumusi, ngei Uropa na Asia; Uropa, nga maandalamaanda. Huno zwenezwo ndi vhuya hafha United States, u itela tshumelo dzi si gathi, huno zwenezwo ndi humela murahu ngei kha la Afurika-Tshipembe. Ndi thoma nga la vhuvhili la—la Khubvumedzi, ngei Durban, huno nda bva u bva nga la vhuvhili, ndi a elekanya, u swikela tsini na la vhufumi, huno zwenezwo ndi na maduvha mararu a u bva afho u ya Johannesburg huno nda thoma hafhu. Fhedzi ndi elekanya uri ndi nwedzi wa Lambamai, ri thoma mashangoni a

Scandinavia, kha la Norway na Sweden na—na Finland, na—na Holland na Switzerland na Germany, na—na heneffo vhukati ha Uropa. Ngauralo ivhani vha u ri rabelela.

²⁰ Ri na miṭangano i si gathi hafha, tshifhingani tsha Khushumusi zwino, zwenezwo nga murahu ha Khushumusi. Habe, ri khou ḥodou vha hafha nga Khushumusi, hayani. Vhana vha ḥodou da hayani, nga Khushumusi. Huno ri—ri funa Arizona, fhedzi ni a ḏivha tshi—tshithu tshire ra tshi shaya, huno ri si kone u tou tshi da nga n̄ha, ndi itshi tshihidzo na inwi vhathu. A hu londwi uri ri ya ngafhi, zwine ra ita, zwi tou vha . . . Vhana, nne, mufumakadzi na vhoṭhe. Hu tou vha hu si na fhethu hu no nga afha. Izwo ndi zwone. Hu tou vha hu si na fhethu.

²¹ Ndo no alavha malwanzhe a sumbe, huno ndo—ndo no vha huñwe na huñwe, fhedzi a hu na fhethu hu vthonalaho ho khethea kha nne vhunga afha fhethu heneffha huṭuku. Afha ndi hone. Itonu ḫutshela kule naho luthihi, arali ni tshi ḥodou ḏivha. Hu tou vha na tshiñwe tshithu nga ha hafha. Ndo no rera shangoni loṭhe, zwavhuḍivhuḍi, huno na kathihi a thi athu, nga tshiñwe tshifhinga, huñwe fhethu, nda vhuya nda pfa Muya wa Mudzimu, ndi na mbofholowo na zwithu, vhunga zwine nda vha zwone ndo ima heneffha. Afha ndi hone.

²² “Mudzimu, zwi tendele . . .” Sa duvha ḥe nda vhea tombo la khuḍa hangei, ndo ri, “Murena Mudzimu, u songo i litsha ya wa.”

Vhathu who ri, “Nga miñwedzi mivhili, i ḥo vha i garadzhi.”

²³ Nda ri, “U songo i litsha ya wa, Murena. I ri i ime, na vhathu ngomu hafha vha tshi U renda musi Yesu a tshi vhuya.” Ndi a fhlulufhela zwi ḥo vha nga iyo ndila.

²⁴ Zwino kha ri vule Bivhili zwino, huno—huno ri lavhelele Murena u ri ḥea phaṭhutshedzo Dzawe. Huno ri ḥodou vhala mañwe Mañwalo. Ndi na mañwe Mañwalo o ḥwalwaho hafha phasi ane nda ḥoda u amba nga hao, na dziñwe notsi. Huno ndi ḥodou vhala fhethu huraru Bivhilini, huno ndi ḥo ni ḥea hone, u thoma. Ndi ḥodou vhala kha Yuda 5 na 6. Yuda i tou vha Bugu nthihi, ni a ḏivha. Huno zwenezwo ndi ḥodou vhala Petro Ya Vhuvhili ndima ya 2, 4 na 5. Zwenezwo ndi ḥodou vhala Petro Ya U Thoma, 3:18 u swika 20.

²⁵ Huno thoho yanga matsheloni ano, Murena a tshi funa, ndi: *Mimuya I Re Dzhele Zwino*. Uh-huh. *Mimuya I Re Dzhele Zwino*, yo valelwaho, yo laṭwaho lwa lini na lini. Na kathihi, a hu na ndila ya u tshidzwa, ni a vhona, mimuya yo valelwaho dzhele zwino.

²⁶ Zwino kha ri vhale nga hangei kha Bugu ya Yuda, u thoma. Ndi tenda uri ndo swaya hafha phasi fhethu ha u thoma, kha Yuda; na nga hangei kha Petro Ya Vhuvhili, huno zwenezwo—zwenezwo na hangei kha Petro Ya U Thoma. Zwino, Yuda, ndi ḥo takalela u i vhala yoṭhe; fhedzi u tou itela u vhulunga tshifhinga, ngauri yo no rwa hafu u bva kha awara ya fumi, ndi khou yo

thoma nga ndimana ya 5. Zwino, Yuda o vha e murathu, murathu o aluswaho, wa Yesu Kristo, sa izwo rōthe ri tshi zwi dīvha. Ni a vhona? O vha e murwa wa Yosefa.

Ngauralo-ha ndi do ni humbudza, naho izwi nga tshin̄we tshifhinga no zwi dīvha, nga ndila ye Murena, o tshidza vhathu shangoni la Egipita, ngavhuya a lozwa avho vha songo tendaho.

²⁷ O vha tshidza, u thoma, a vha bvisa Egipita, huno zwenezwo a tea u vha lozwa nge vha si bvele phanda na mulaedza wavho, ni a vhona.

Na vharuñwa vhe vha si vhulunge vhuīmo havho ha u thoma, fhedzi vha pfuluwa vhudzuloni havho, o no vha vhulunga kha tshanduko ya lini na lini fha-... ngedane swiswini u swika kha khaṭhulo ya duvha lihulwane.

²⁸ Vharuñwa vhe vha vhuya vha dzula Tadulu, huno vha si vhulunge vhuīmo havho na ndila ye vha vha vhe khayo, vha wa, huno zwino vha kha ngedane dza swiswi dza U Ya Nga Hu Sa Fheli, ngedane dza swiswi dza lini na lini, vho vhulungwa kha nyimele iyi u swikela Khaṭhulo ya Duvha lihulwane musi vha tshi dō haṭulwa na vhañwe vhadzia-u-sa-tenda vhōthe.

²⁹ Zwino kha Petro Ya Vhuvhili, ndima ya 2, ri tshi thoma nga ndimana ya 4, ine ya dō tou vha bugu kana mbili murahu hayo, ni a vhona.

Ngauri arali Mudzimu a songo tshidza vharuñwa vho tshinyaho, fhedzi a vha thudzela vhudzulavhafu, huno a vha ambadza ngedane dza swiswi, uri vha vhulungelwe khaṭhulo;

Huno a sa tshidze shango la kale, fhedzi a tshidza Noaxe, na vhathu vha malo, mureri wa u luga, a tshi disa mudalo kha shango la vha sa ofhi Mudzimu;

³⁰ Ho ngo tshidza Vharuñwa; o vha dzhenisa kha ngedane dza swiswi, nahone a laṭa shango lōthe nga ndozwo, ya—ya Noaxe.

³¹ Zwino kha Petro Ya U Thoma, ndima ya 1 na... Petro Ya U Thoma, ndima ya 3, nahone ri tshi thoma nga ndimana ya 18, ri vhala hafhu. Zwino, thetshellesani zwavhudi zwino.

Ngauri na ene Kristo nga tshin̄we tshifhinga o tambulela zwivhi, o lugaho a tshi itela vha songo lugaho, uri a kone u ri disa ha Mudzimu, o vhulawa lwa ḥama, fhedzi a hanyiswa nga Muya:... o vhulawa lwa ḥama, fhedzi a hanyiswa nga Muya:

We ngawo nahone a ya a rerela mimuya i re dzhele; a rerela vhathu dzhele;

Ye nga tshin̄we tshifhinga ya sa thetshellesi, musi nga tshin̄we tshifhinga Mudzimu nga u sa fhela mbili hawe a tshi lindela maduvhani a Noaxe, musi gungwa li tshi

khou lugiswa, he khalo vha si gathi, vhane vha vha, mimuya ya malo vha tshidzwa nga madi.

. . . vhunga tshifanyiso tshine na yone ndovhedzo zwino ya ri tshidza (hu si u kupula tshika ya nama, fhedzi u newa luvalo lwavhudzi kha Mudzimu,) nga mvuwo ya Yesu Kristo:

O yaho ṭadulu, huno a vha hu uri u kha tshanda tsha u la tsha Mudzimu; vharunwa na vhavhusi na vha maanda vha itwa uri vha mu luvhe.

Kha ri rabele hafhu.

³² Zwino, Khotsi wa Ṭadulu, mu—mutaladzi wo raloho wa Luñwalo hafha, thanzi tharu, fhethu huraru kha Luñwalo hu tshi nea vhuñanzi. Huno Iwe wo amba kha Ipfi Lau, zwauri, “Nga thanzi mbili kana tharu, ipfi linwe na linwe nga li khwañhiswe.” Zwino ndi a U rabela, Oo Mudzimu, uri Iwe u de kha vhathu huno u ṭalutshedze ili Ipfi, uyu Mulaedza, nga pfecteso ine wa tea u vha ngayo, uri munna muñwe na muñwe, musadzi, mutukana, kana musidzana, a kone u pfectesa nga vhukoni he Wa vha odeinela uri vha pfectese ngaho, nahone zwino ri tshi divha zwauri idzi thanzi tharu dzo hwala rekhodo ya Ngoho.

³³ Huno ndi rabela zwauri U rumele Muya Mukhethwa kha rine. Huno ri do sedza Khae Ene a re Khosi yashu, vhukati hashu matsheloni ano, Murena Yesu Kristo; he ra vuwa zwino nga lutendo, ro dzula fhethu afha ha Ṭadulu Khae. Ri lindela Mulaedza Wawe. U ambe nga kha rine, Murena, u pfe nga kha rine, sa izwo ri tshi U humbelu u rubisa milomo i no amba na nñevhe dzi no pfa, uri zwi vhe kha khuliso na vhugala ha Uyo A re Luñwalo. Ngauri ri zwi humbelu nga Dzina Ławé. Amene.

³⁴ Zwino, elelwani dzitshumelo madekwana a ñamusi, tshumelo ya phodzo. A thi elekanyi uri hu do vha na ñhodea ya u kovha garaña, ngauralo ri tou rabelela vhalwadze. Ndi na tshiñwe tshithu tshine nda ṭodou ni vhudza tshone, huno ndi—ndi a fulufhela zwauri tshi do tou disa tshivhidzo fhethu u swikela hune ha do sokou vha na tshakha dzothe dza phodzo. Ndi a divha zwauri zwi do ralo arali ri tshi do tou zwi tenda nga iyo ndila.

³⁵ Zwino iyi, mimuya ine ya vha dzhele zwino, mimuya i re dzhele zwino!

³⁶ Zwino, maya wa muthu a si muvhili wa muthu, ndi maya. Ni a vhona? Huno maya ndi tshiñwe tshithu tshi re ku—kudzulele kwa maya. Huno zwenezwo musi kudzulele kwa munna . . . Musi o ri, “Ro fa,” Luñwalo lu ri vhudza zwi tshi pfala zwauri, “ro fa, huno vhutshilo hashu ho dzumbama Mudzimuni nga kha Kristo, ro shatelwa heneffo nga Muya Mukhethwa.” Zwino, a si muvhili wañu we wa fa; a si maya wañu we wa fa. Ho fa kudzulele kwa maya wañu; ni a vhona, kudzulele, kune kwa vha maya. Kudzulele kwa maya wañu ndi—ndi Mudzimu, arali no bebwa

hafhu. Arali u si zwone, ndi wa shango. Tshiñwe na tshiñwe tshine tsha thoma tshi tea u guma, ngauralo-ha ndila i yothe ine ni nga vha na Vhutshilo Vhu Sa Fheli ndi u vha na Vhutshilo he ha sa thome na kathihi. Huno zwenezwo vhutshilo hanu ho thoma musi no no bebwá, musi Mudzimu o vhudzulela mufemo wa vhutshilo maningoni anu huno na vha maya u tshilaho, zwenezwo no thoma nga itsho tshifhinga. Fhedzi musi ni . . .

³⁷ Ukwo kudzulele kwe kwa vha ku kha inwi, nga kudzulele no vha ni wa shango, ni kule ha Mudzimu, vhukuma no vha ni phukha. Izwo ndi zwone kokotolo. Muñwe na muñwe u a zwi ñivha zwauri ri tshimama. Naa ndi vhangana vha no zwi ñivha izwo? Rine, ri tshimama, ri phukha ya malofha a dudelaho, fhedzi izwo ndi zwine ra vha zwone nga tsiko yashu ya lifhasi. Fhedzi, ni a vhona, tshe tsha ri ita uri ri fhambane na zwiñwe zwimama, ndi uri—ndi uri Mudzimu o vhea maya kha rine. Ni a vhona? Zwino, zwiñwe zwimama a zwi tei u ambara zwiambaro. A hu na iñwe phukha ine ya tea u ambara zwiambaro u dzumba ñhoni dzayo, nga nnnda ha rine. Ndi vhorine ri roþhe vhane vha ita, ngauri ri na maya. Fhedzi, ni a vhona, Mudzimu, u rangani, o ñivha zwe muthu a ño nga zwone. Huno O sika lifhasi, huno a bveledza tshakha dzoþhe dza dziphukha, u bva kha yeneyo ya fhasisa u ya kha ya nthesa; huno phukha ya nthesa ye ya bvelela, yo vha i muthu.

³⁸ Huno zwenezwo, tsha u thoma, muthu a itwa, o vha e muthu wa maya, nga tshifanyiso tsha Mudzimu.

³⁹ Zwine, “Mudzimu ndi Muya,” Yohane Mukhethwa 4. Zwino, “U mu—Muya. Huno avho vha Mu luvhaho, vha Mu luvha nga Muya na nga Ngoho. Huno Ipfi Lau ndi Ngoho.” Zwino, ri Mu luvha nga Muya na Ngoho. U mu—Muthu wa Muya.

⁴⁰ Zwenezwo ho vha hu si na muthu wa u lima mavu, huno zwenezwo Mudzimu a vhumba muthu nga buse la lifhasi.

⁴¹ Zwenezwo A dzhia kha lurumbu lwawe, tshiñungulwa, mbavu; huno, ngayo, a fhandekanya uyu muthu we a vha e na kudzulele kuvhili, kwe kwa vha ku kwa tshisadzini na tshinnani. Huno A bvisa wa tshisadzini, ngauri ho vha hu lufuno, huno A lu vhea ngomu ha muthu a no pfi Efa, we Adamu a mu vhidza Efa, we a vha e mufumakadzi wawe. Afho ndi he lufuno lwawe, lwa mupo, lufuno lwa zwipfi, lwa farelela kha mufumakadzi wawe. Iyo ndi ndila ine munna a tea u vha ngayo ñamusi, na mufumakadzi a vhe zwezwo kha munna wawe. Munna, wa tshinnani; musadzi, wa tshisadzini.

⁴² Huno zwenezwo, ni a vhona, nga murahu ha musi O no ita muthu nga tshifanyiso Tshawe Ene muñe, “O vha sika, munna na musadzi,” ho vha hu si na munna wa u lima mavu. Huno A mu vhea kha buse la lifhasi, huno ngauralo-ha a vha . . . o vha e uyo munna. Uyu munna a re muthu o vha e tshimama, ni a vhona, o vha e phukha; fhedzi O vhea uyu maya wa Mudzimu, vhutshilo,

ngomu hawe, huno a mu ita nga theo ya uri a kone u nanga. Huno zwenezwo musi uyu munna . . .

⁴³ Zwino ri elekanya uri ri tshiñwe tshithu. Itonu elelwa, ri mini? Gwada la tshika. Ndi zwenezwo fhedzi. "Huno ngauri iwe u buse, u ðo vhuyelela buseni." Ngauralo musi ni tshi vhona uyu munna a tshi tshimbila tshiñarañani, a tshi elekanya uri u muñwe muthu, ni a ñivha, nahone a na pfunzo ðukhu na zwithu; elelwani, ndi gwada la buse la Indiana. Ndi zwenezwo fhedzi. Huno uyo musadzi o ambaraho tshoþe dzishothi, huno a tshi daha dzisigarete nahone a tshi bvela phanda tshiñarañani, a tshi songa-songa vhunga shango loþe ndi lawe, ndi gwada la buse la Indiana, huno iyo ndi ñðila ine la humela murahu. Ngauralo tsha u thoma a ni tou vha muhulu nga maanda, ni a vhona. Ngauralo izwo, izwo ndi zwone, izwo ndi zwine na vha zwone.

⁴⁴ Fhedzi, uyo muya u re ngomu heneffho, ni a vhona, uyo muya ndi tshine Mudzimu a khou tshi shuma, ni a vhona. Arali fhedzi A tshi nga wana ukwo kudzulele, uyo muya, uri u tendelane Nae, zwenezwo ukwo kudzulele ku a fa, kudzulele na lufuno lwa shango zwi a fa, huno zwithu zwa shango zwe fa. Ni a vhona? Ngauri, "Arali ni tshi funa shango, kana zwithu zwa shango, lufuno lwa Mudzimu a luho kha inwi." Ni a vhona? Huno muthu u fanela u bebwa hafhu. Ngauralo, uku kudzulele ku tea u fa, huno kudzulele kwa Mudzimu ku a ña nahone kwa dzula kha inwi. Huno Mudzimu ndi tshone tshithu tshi tshoþe tshi re hone tshe na kathihi tshi si thome kana tshine tshi nga guma na kathihi.

⁴⁵ Ngauralo, ngauralo-ha, O ita vhufarakani, ni a vhona, huno a dzhia uyu muthu, wa ñifhasi, na uyu Muya wa U Ya Nga Hu Sa Pheli, huno a zwi vhea fhethu huthihi. Ngauri, Mudzimu o dovha a ñivhonisa kha hezwo, zwe A vha Muthu musi A tshi vha Kristo Yesu, huno O vha e Mudzimu, ni a vhona. Mudzimu o vha e kha Kristo; onoyo, ni a vhona, o dzula Khae, a tshi khou pfumetzanya shango na Ene muñe. Huno, nga kha uyo Muthu o fhelelaho, muñwe na muñwe washu a songo fhelelaho a no tenda kha Mudzimu nahone o ñanganedza Onoyo, u vha o fhelelaho Wawe.

⁴⁶ Huno na kathihi Ho ngo sia muvhili Wawe uri u sine, nahone Ho ngo sia muya Wawe vhudzulavhafu, fhedzi o Mu vusa nga ñuvha la vhuraru, huno U a tshila hafhu u ya lini na lini. Huno ri ño vha na muvhili u no nga muvhili wa vhugala Wawe Ene muñe.

⁴⁷ Ndi ngazwo ri tshi lovhedzelwa Dzinani Lawe, uri ri bvelele nga Dzina Lawe, lufuni Lwawe, kha mvuwo Yawe, uri ri vuwe hafhu, ri tshi khou ñanziela kha shango uri ri na Vhutshilo vhuswa, uri muthu wa kale o fa. Ro swiña ukwo kudzulele kwa u thoma. Ni a vhona? Ukwo kudzulele kwa u thoma a ku tsheeho, huno zwino ri kudzulele Kwawe. U dzula kha riñe, huno a ri iti lufuno lwashu. Ri ita lufuno Lwawe. A ri elekanyi mihibulo yashu. Ñhalukanyo, ñhalukanyo ndi yone ine ya

elekanya. Thalukanyo ye ya vha i kha Kristo Yesu i kha mutendi muñwe na muñwe. Ni a vhona, maya ngoyo—ngoyo, huno uyo ndi wone une ra khou amba nga hawo. Zwino, itsho ndi tshipida tshine nda khou elekanya nga hatsho zwino, itsho ndi tshine tsha vha ngomu hashu, maya.

⁴⁸ Zwino, arali ri tshi dzhiela nzhele, kha itshi, hu na zwithu zwinzhi zwine zwa bvelela tshinwe tshifhinga, huno ri a mangala uri ndi ngani zwi tshi bvelela, huno ra ñivhudzisa, nahone ra vhudzisa vhañwe. Fhedzi mafheleloni, nga murahu ha tshifhinganyana, ri wanulula uri, arali ri Vhakriste, zwi shuma tshoñhe zwavhudzi, nga ñiwe ndila. No no zwi vhona hezwo. Hezwo Vhakriste vhoñhe vha a zwi vhona. Ri a mangala uri ndi ngani ro zwi ita.

⁴⁹ Nga tshinwe tshifhinga ndo mangala, musi ndi tshi vhala Bivhili lwa u thoma, “Ndi ngani Mudzimu o litsha Abrahamu, uyo munna muhulwane, a tshi vhuya a ima heneffo huno a ri Sarah a si mufumakadzi wawe?” Na uri O mu litsha hani a ima heneffo huno a zwifha nga hae, na zwithu zwe a ita, na zwenezwo zwauri o vhuya A litsha hani Abrahamu u tутshela shango lo fulufhedziswaho he A mu vhudza zwauri a songo tuwa. Huno Muyuda a no tутshela shango lo fulufhedziswaho o gunea, ngauri Mudzimu o vha ñea lone huno a vha fulufhedzisa u dzula heneffo, ni a vhona, huno vho li tутshela. Ngauralo o tsela fhasi a dzhena Gerara. Fhedzi arali zwe vha zwi songo itelwa izwo . . .

⁵⁰ Huno zwenezwo Abimeleke, iyo khosi afho fhasi shangoni la Filista, a funa Sarah huno a vha a tshi khou yo mu mala, huno o vha e munna wavhudzi, munna o lugaho. Huno hu na khonadzeo ya uri nga murahu ha musi o no . . . Izwi zwi pfala zwi tshi seissa, fhedzi u zwi ita uri zwi vhe zwa vhukuma tshoñhe-tshoñhe kha inwi. Nga murahu ha musi o no ñamba nga madekwana nahone o no ambara phidzhama dzawe, nahone o no ita thabelo dzawe nahone o no ya vhulaloni, Murena a bvelela khae huno a ri, “U tou fana na munna o faho,” huno uyo munna o vha a songo ita tshithu. Ni a vhona? Zwa vhukumakuma o vha o fhurwa, nga Abrahamu na Sarah. Izwo ndi zwone. O ri, “Wo wana mufumakadzi wa muñwe munna, u a vhona. Huno Ndi—Ndi nga si pfe thabelo dzau, a hu londwi uri u rabela zwingafhani. U tou fana na musi wo fa. Fhedzi uyo munna ndi muporofita Wanga.” Ni a vhona?

⁵¹ Ni a vhona, izwo zwi a kondà u zwi pfesesa, ni a vhona. Fhedzi arali ho vha hu si hezwo, ro vha ri si nga ñivhi uri tshilidzi ndi mini.

⁵² Naa ndi ngani o ya huno a mala Hagara, nga murahu ha u vha na mufumakadzi wavhudzi vhunga Sarah? Huno o vha a sa funi u zwi ita, ni a vhona, fhedzi Sarah o mu vhudza. Huno zwenezwo Murena a mu vhudza, “U thetshelese zwe Sarah a u vhudza.” Mulandu? Ho ño tea u vha na Ishmaele, “uri musadzi wa phuli

na ḥwana wawe vha nga si le ifa na musadzi o vhofholowaho na ḥwana wawe.” Ni a pfeſesa zwine nda amba?

⁵³ Zwithu hezwi zweṭhe ndi zwifanyiso. Ndi ngani ula muporofita o do tea u mala murengisamuvhili huno a vha...na avha vhana, a vha na vhana vhavhili ngae? Sa tshiga. Ndi ngani muňwe o lala nga lurumbu lwave lwa tsha u la lwa mađuvhaha a mađana mararu na mahumi maňa, huno zwenezwo a lala mađuvhaha manzhi nga maanda nga luňwe lurumbu nga u ralo? Sa tshiga. Muňwe o bvula zwiambaro zwave huno a tshimbila phanda ha Israele. Huno, zwino, izwo zwithu zweṭhe, zwo vha zwi zwifanyiso na mirunzi, ni a vhona; huno ri tea u vha na izwo zwithu, u dadzisa.

⁵⁴ Huno, zwifhinga zwinzhi, zwithu zwi a bvelela kha riňe zwine ra mangala uri ndi ngani zwi tshi ralo. Ndi Mudzimu a no khou ri sumbedza tshiňwe tshithu tshi daho.

⁵⁵ Zwino, sa mutukana mučuku, nahone ni divha nganeavhutshilo yanga, tshifhinga tshoṭhe ndo—ndo tenda, unga ndi tshi kona u thoma nda elelwa... Tshiňwe tsha zwithu zwa u thoma tshine nda tshi elelwa... Zwino itshi, zwino, ni nga di vha no mmbudza tshiňwe tshithu mulovha, huno nda vho do vha ndo tshi hangwa namusi. Fhedzi hu na zwiňwe zwithu, murahu, zwe zwa bvelela mađuvhani a vhuswa hashu, vhunzhi hashu ri nga ndila heyo, uri tshifhinga tshoṭhe ri a elelwa. Huno izwi kačukutuku zwi pfala zwi tshi seisa u amba hezwi, fhedzi ndi a elelwa musi ndi tshi swenda, ndo ambara rokho ndapfu. Vhushie vhučuku, zwino vhanwe vhanu vhatu vha vhukale hanga izwo no vha ni tshi do zwi elelwa, vhushie ho vha hu tshi anzela u ambara dzirokho ndapfu vhukuma. Huno ndi elelwa ndi tshi swenda, nahone ndi tshi bvisa mahada milenzheni ya malume wanga nahone ndi tshi a la, musi vha tshi dzhena nahone vha ima tsini na tshivhaso.

⁵⁶ Huno zwenezwo tshithu tshi tevhelaho tshine nda tshi elelwa tshi tshi itea vhutshiloni hanga, ho vha hu bono, la u thoma le nda vhuya nda vha nalo, huno la mmbudza uri ndi do tshila tshipida tshihulu tsha vhutshilo hanga tsini ha muđi u no pfi New Albany. Huno ndo vha ndi lushie lutuku lwa thavhani henengei n̄tha, hu si na na dokotela ndi tshi bebwa. Huno—huno ndo—ndo... Ni a divha, vha... ndo dzula hafha lwa miňwaha i no anganyelwa mahumi mačanu, henefha; bono.

⁵⁷ Huno zwenezwo zwauri tshifhinga tshoṭhe ndo zwi divha hani uri hu na Mudzimu huňwe fhethu, huno ndi tshee ḥwana mučuku O amba na nne, “u sa daha na kathihi, kana u nwa, kana u tshikafhadza muvhili wanga,” izwo ndi u ita zwa vhuada na vhasadzi na zwithu. Tshifhinga tshoṭhe ndo vha na u zwi ofha, nahone ndi mučhannga.

⁵⁸ Huno zwenezwo nga tshiňwe tshifhinga ndo vha ndo bva ndi tshi khou zwima, he ha vhonala hu kudzulele kwa vhuvhili kha

nne, u funa u zwima. Huno ndo vha ndo bva ndi tshi khou zwima na mutukana, Jim Poole, nwana wavhudi. Ndi elekanya uri mutukana wawe u da tshivhidzoni fhano, Jim mutuku, na muṭa wavhudī wa vhathu. Vha ha Poole ndi a vha divha. Nne na Jimmy ro edela rothe nahone ra dzula rothe unga ro vha ri vhatukana vhaṭku tshikoloni. Ro vha ri tshi fhirana nga miñwedzi i no todou lingana miṭanu na muthihi, nga vhukale. Huno Jimmy o litsha tshigidi tshawe tshi tshi thuntsha, huno tsha nthuntsha tsha phuletshedza milenzheni yanga yothe, vhukuma tsini na nne, nga tshigidi. Nda hwalelwa sibadela, huno, henengei, ndo lala henengei ndi tshi khou fa, hu si na na penisilini kana tshithu mađuvhani ayo. Huno, zwino, vha vhea baphathi la raba fhasi hanga, huno nda divha uvho vhusiku... Vho vha vha tshi khou yo ita muaro nga matsheloni a tevhelaho.

⁵⁹ Vho tou dzhia nahone vha ḥanzwa mbonzhe, huno zwipida zwiḥulwane zwa qama zwa thuthuba, huno vha dzhia tshigero huno vha i tshea, huno nda tea u fara zwanda zwa muthu. Huno vho vha vhe na Frankie Eich, u kha di bvou tou divhulaha, huno vho do tea u fara, u lamulela zwanda kha zwinungo zwawe, musi—musi vho no fhedza. Ndo zhamba nahone nda lila, huno nda farelela nga u ralo, huno vhone vha tshi khou tumula itsho tshipida tsha mulenzhe. Ndo vha ndi na miñwaha ya fumi na miña nga vhukale, ndi tshi tou vha mutukana.

⁶⁰ Huno vhusiku uvho ndo lingedza u yo edela, huno vha... nda vuwa, tshiñwe tshithu tsha hasha. Huno hafha ho vha hu na malofha, a no ḥodou dadza hafu ya galoni, ndi a humbulela, o bvaho kha idzo tsinga. Huno vho vha vhe na... vho dzhia ekisirei, huno vha ri hala yo vha i tsini nga maanda na ulwo ludivhitha, kha luñwe lurumbu, lwe vetelo lituku lo vha li tshi do lu tshea lwa bva zwipida zwivhili, huno ndo vha ndi tshi ḥo thoma u bva malofha. “Zwo ralo,” nda elekanya, “uvhu ndi vhufhelo hanga.” Ndo vha vhe zwanda zwanga fhasi nga ndila *iyi* nahone nda zwi imisela n̄tha, na malofha a tshi khou eleta zwandani zwanga, ho vha hu malofha anga e nda vha ndo lala ngomu hao. Ndo vhidzelela, nda lidza tsimbi. Muongi a da, huno a sokou i tzwonzwa nga thaula ngauri ho vha hu si na tshithu tshe vha vha tshi nga ita.

⁶¹ Huno nga matsheloni a tevhelaho, kha idzo nyimele dici no kula nungo, vho vha sa nei phiriselo ya malofha kha ayo mađuvha, ni a divha, ngauralo vho—vho nnyita muaro. Huno vho nne etere. Huno musi ndi... Etere ya kale, ndi a humbulela ni a eelwa, ndi tshidzidzivhadzi tsha kale. Huno ndi kha iyo etere, musi ndi tshi bva, ndo vha ndi tshi khou bva kha etere nga murahu ha awara dza malo. Who do tea u nne nnzhi nga maanda, vho elekanya uri ndi nga si kone, ndo vha ndi si nga koni u vuwa. A vho ngo kona u mmvusa.

⁶² Ndi eelwa Vho-Mme Roeder vho ima tsini hanga, henengei nn̄da sibadela. Na kathihi a thi nga do hangwa uyo musadzi.

A hu londwi uri hu iteani, na kathihi a tho ngo mu hangwa. O vha a tshi kha di tou vha musadzi muswa nga itsho tshifhinga. Munna wawe o vha e mulavhelesi hafha fhasi kha mishumo ya dzigoloi. Huno ndi—ndi elelwa o ima tsini hanga, ene na Vho-Mme Stewart. Huno vhukuma vho vha vhone vhe vha badela bili yanga ya sibadela. A... A ro ngo vhuya ra vha na zwiliwa zwe ra vha ri tshi nga la, nduni, ngauralo ro vha ri tshi do badela hani bili ya sibadela, mađana a dzidolara? Fhedzi ene, nga tshitshavha tsha tshivhidzo tshawe na Ku Klux Klan, vho mmbadelela bili ya sibadela, vha ha Mason. Ndi nga si vha hangwe na kathihi. Ni a vhona? A hu londwi uri vha itani, kana mini, ndi kha di... hu na tshiñwe tshithu, huno itsho tshi dzula na nne, ni a vhona, zwe vha nnyitela zwone. Huno vho badela bili kha Dokotela Reeder. U kha di tshila, u dzula hafha Port Fulton, o vha a tshi nga ni anetshela itsi tshiñori.

⁶³ Musi ndi tshi bva kha etere, ho vha na tshiñwe tshithu tshe tsha bvelela kha nñe henengei. Tshifhinga tshothe ndo tenda uri ndi bono. Ngauri, ndo vha ndo kulea nungo nga maanda, huno nda... Vho elekanya uri ndi khou fa. O vha a tshi khou lila. Musi ndo no vula mađo anga, ndo kona u sedza, ndo kona u pfa a tshi khou amba, huno zwenezwo nda humela murahu u yo edela, huno nda vuwa, luvhili kana luraru. Huno zwenezwo nda vha na bono nga itsho tshifhinga. Huno zwenezwo nda vha na... .

⁶⁴ Nga murahu ha miñwaha i no ḥodou swika ya sumbe, ndo do tea u ḥuwa huno nda wana disiki dza tshigidi nahone zwiambaro zwi re na girisi zwa u zwima zwa bviswa milenzheni yanga; dokotela ho ngo i wana. Huno ngauralo ndo vha na mulimo wa malofha, milenzhe yothe yo vha yo no zwimba nahone yo kukumuwa kavhili fhasi hanga, huno vha ḥoda u tumula milenzhe yothe kha khundu dzanga. Huno ndo tou... nda ri, "Hai, itonu da nt̄ha huno ni i tumule *hafha* nt̄ha." A tho ngo tou kona u zwi kondelela, ni a vhona. Huno ngauralo mafheleloni, Dokotela Reeder na Dokotela Pirtle, vha bvaho Louisville, vha ita muaro, huno vha tshea ngomu heneffo huno vha i bvisa; huno ḥamusi ndi na milenzhe i mangadzaho, nga tshilidzi tsha Mudzimu.

Fhedzi kha bo—bono la u fhedza le nda vha na... .

⁶⁵ Bono la u thoma, musi ndi tshi dzivhuluwa, huno zwenezwo nda dzhena kha iyi nzulele i no nga khofhe. Huno ndo elekanya uri ndi vhudzulavhafu, zwi tshi tou vha khagala... .

⁶⁶ [Mukomana tshivhidzoni u ri, "Nkhangweleni, muñe wanga."—Mudz.] Uh-huh. ["Hu na musadzi nga hangeno o dzidzivhalaho, henehafho."] Zwo luga, muñwe nga a vhee zwanda zwawe khae, huno u... hu na khonadzeo ya uri a nga vha hu re na myua. Zwino onoyo o imaho heneffo, mu vheeni zwanda.

Kha ri rabele.

⁶⁷ Murena Yesu a funwaho, ngavhe khaladzi ashu a no khou lwala matsheloni ano, nahone o dzidzivhala lufherani, ngavhe tshilidzi Tshau na nungo na maända...hu na zwanda zwe vhewaho khae zwino, zwe imelaho Iwe. Huno Luñwalo lwo ri, "Izwi zwiga zwi do tevhela avho vhane vha tenda. Arali vha vhea zwanda zwavho kha vhalwadze, vha do fhola." Huno zwino ngavhe khaladzi ashu a tshi bva kha hovhu vhulwadze, huno a newa mutakalo u itela uri Mudzimu a wane vhugala. Nga Dzina la Yesu Kristo ri a zwi humbelia, nahone ri mu kumedzela kha Iwe. Amene.

⁶⁸ Zwino mu iseni hu re na maya. Hu na—hu na tshipfundamuya lu ofhisaho. Ndi a zwi pfa ndi hafha, vhukuma, vhukuma zwe vhifha. Hu tou vha na vhudipfi vhu dzidzivhadzaho, hafha kha pulatifomo. Ndo vhu pfa, lunä kana luñanu hafha. Arali hu na...misi a tshi pfa e khwine zwiñuku, mulandu, mu iseni hune a nga vha hu re na maya. Izwo ndi zwavhudi. Uh-huh. Ni a vhona, hu tou vha na tshipfundamuya lwo vhifhesaho nga maända, ni a ñivha. Vhathu vha a sika, muñwe na muñwe washu, zwikwea zwinzhi zwa dzinayo zwa vhulwadze fhedzi. Arali ni na, muñwe e na mađi heneñho, kana tshiñwe tshithu tshire tshi nga vhewa kha khaladzi. U—u do vha, o lugaho zwino. Ni a vhona? Zwo luga. [Mukomana tshivhidzoni u ri, "Kha ri vule zwashu mahothi, Mukomana Branham."—Mudz.] Iina, khamusi arali no vha ni tshi nga vula mahothi, khamusi, kana na ñea maya muñküñuku fhedzi, u ya nga hune ra kona, nga inwe ndila, ni a vhona.

⁶⁹ Zwino nga itsi tshifhinga, vhunga ndo vha na ili bono, nahone ndi tshi elekanya zwauri ndo—ndo no bva kha uvhu vhutshilo nda dzhena tshengeloni.

⁷⁰ Huno nga murahu ha miñwedzi ya sumbe, hafha Clark County Memorial Hospital, ndo vha na muaro wa vhuvhili. Huno nga itsi tshifhinga, misi ndi tshi bva, ndo elekanya zwauri ndo ima ndda Vhukovhela. Ndo do vha na liñwe bono. Huno ho vha hu na tshifhambano tshihuñwane tsha musuku lutomboni, na Vhugala ha Murena vhu tshi khou elela kha itsi tshifhambano. Huno nda ima zwanda zwanga zwi nga ndila *heyi*, huno uvho Vhugala vhu tshi khou wela khanani yanga. Huno nda...Bono la nnütshela. Khotsi anga vho vha vho dzula heneñho vho ntsedza, misi bono li tshi da.

⁷¹ Tshifhinga tshoñthe ndo pfa, inwi...Vhathu vhoñthe vho nndivhaho kha iyi miñwaha yoñthe, vha a zwi ñivha uri tshifhinga tshoñthe ndo ñoda u ya Vhukovhela. Ni a ñivha nga ndila ine zwa vha ngayo. Tshifhinga tshoñthe ho vha tshiñwe tshithu Vhukovhela. Fhedzi ngauri mugadanaledzi nga tshiñwe tshifhinga o mmbudza, zwenezwo zwithiñi, zwauri ndi tea u ya vhukovhela...Naledzi, misi dzi tshi pfuka mithevhetandu yadzo na zwiñwe-vho, ndo bebwu hu na itsi tshiga, huno na kathihi a thi nga vhi na mvelelo Vhubvaduvha; ndo ño tea u ya

Vhukovhela. Huno mahoła ndo ya, Vhukovhela, u khunyeledza zwe lutamo lwa vhutshiloni lwa vha lu zwone, ni a vhona, u—u zwi ita.

⁷² Ndi ngani ndi henengei? Ndi tshithu tshi no seisesa. Ndo dzula henengei nnđa phangani, ndi tshi badela dolara dza dana na fumi nga ḥwedzi, rennde, huno hafha hu na nnđu yo dzulaho hafha nt̄ha, nnđu ya mufunzi, yo ḥewaho nñe, ni a vhona. Fhedzi ndi u tevhela Murena, ni a vhona, izwo—izwo ndi zwenezwo fhedzi zwine nda divha u ita. Huno inwi ni a divha mabono na zwe zwa itea hangei nnđa. Zwino—zwino khā izwi ndi ḥodou amba na . . .

⁷³ Zwino arali khaladzi ashu a tshi pfa a tshi kulea nungo zwițuku, Mukomana Roy, huno a tshi ḥo . . . ḥodou u mu bvisela nnđa huňwe fhethu nahone a mu dzudza lufherani nga hangeno, hune a wana maya wo engedzeaho kana tshiňwe tshithu, huno izwo zwo luga tshothe-tshothe, ngauri, ndi a pfa uri u ḥo luga tshothe zwino, ni a vhona. Ho luga. U tou vha o dzidzivhalaho, a lwalaho. Huno ngauralo ndi—ndi a ni vhudza, arali a . . . arali ni tshi ḥodou mu disa nga hangeno hune maya . . . takuselani aya mafasit̄ere nt̄ha, Mukomana Roy, huno arali khaladzi a tshi ḥodou fhira, izwo—izwo zwi ḥo vha zwavhuđi. Ni a vhona, arali a tshi ḥodou u—u da nga hangeno, zwo luga, izwo ni songo zwi ofha.

⁷⁴ Ndi ḥodou vhea zwanda khae musi a tshi fhira hafha. Nothe ni ḥo mpfarela lwa tshifhinganyana. Huno Mudzimu a nkhangwele u . . . Izwo, izwo ndi zwone, mukomana.

⁷⁵ Khotsi wa Tađulu, uyu ḥwananyana Wau hafha o dzula hafha matsheloni ano, huno u da u pfa Mulaedza, nahone u na . . . Sařhane u khou lingedza u mu thudzela kule nawo, fhedzi a nga si kone u zwi ita. A nga si kone u zwi ita. “Sařhane a nga si kone, nga Dzina la Yesu Kristo.”

Zwo luga. Ndi zwone, vothi iļo, ndi elekanya uri arali vha si gathi . . . ? . . . vharathu, zwenezwo maya u nga kona u fhira hafha, wa yela kha inwi.

⁷⁶ Oo, ni amba nga ha tshipfundamuya, ni tea u dzhena huňwe ha afha fhethu ha seli ha lwanzhe hune vha sokou tsitsikana, vha na mapele na pfuko. Huno, yawee, nnenñe, ni nga si kone na u wana mufemo wanu, ni a divha, kha zwithu zwo raloho. Vha lala zwifhađoni izwo zwihiłuhulu, zwo sokou tshikafhadzwa nga—nga malwadze. Huno ni a divha zwine mapele a vha a tshi ḥo vha zwone. Henefho, vho lala benefho vha si na dzinđevhe, nahone hafu ya tshifhađuwo tshavho yo lea, na zwanda zwi siho, na phekhisi thukhu dza milenzhe, na zwithu zwo raloho, vho lala, vho tsitsikana. Nahone vhanzhi vhavho vha tshi khou fa nga tshifhinga tshenetsho, vho lala benefho nnđa, nga u tsitsikana, vha tshi khou lingedza u dzhena huňwe fhethu, ni a divha, u pfa Mulaedza.

⁷⁷ Huno zwino—zwino kha ili, ndi ni vhudza zwe zwa bvelela. Kha bono le nda vha nalo, ndi do humela murahu, ngauri ndo disa ayo, mabono mavhili ngomu, u ni sumbedza nga ha lithihi lao. Ndo vha ndi tshi tea u ya nn̄da Vhukovhela. Tshifhinga tshothe izwo ndo zwi tulutshela.

⁷⁸ Huno zwino, ndivho ya Mulaedza matsheloni ano ndi u rumela tshivhidzo, ngomu ha tshiñwe na tshiñwe tshine A do ntendela u rumela tshivhidzo khatsho, u ya nga hune nda divha, u swikela...ndi tshi khou bvela phanda. Huno izwi zwo nkwama, ngauralo ndo todou rumela tshivhidzo. Zwino, izwi zwi ya kha iyi thaberanakele fhedzi, ni a vhona, hafha. Zwino, huno kha ili bono, la u thoma, ngezwi zwe zwa itea.

⁷⁹ Huno nga murahu ha musi bono lo no nkwama, huno nda vha ndo no kulea nungo nga maanda, nahone ndo no fhela malofha othe, nahone nda ya...ndo pfa unga ndi khou mbwandamela kha Vhutshilo-tshothe vhu si na mugumo. Vhunzhi ha vho inwi no no mpfa ndi tshi li amba heli, nahone—nahone ndi tshi khou mbwandamela kha Vhutshilo-tshothe vhu si na mugumo. Tsha u thoma, ndo vha ndi tshi khou fhira vhunga makole, huno zwenezwo vhukati ha swiswi, nahone ndi tshi khou mbwandamela fhasi, fhasi, fhasi. Huno tshithu tsha u thoma ni a divha, nda dzhena kha madzingu a vho xelaho, huno ngomu heneffho nda—nda zhamba. Huno nda sedza, huno heneffho, tshiñwe na tshiñwe, ho vha hu si na mutheo khalo. A tho ngo kona u litsha u wa na kathihi. Lwa Vhutshilo-tshothe, zwo vhonala vhunga, ndo vha ndi tshi khou yo wa. Ho vha hu si na u ima, hu si na fhethu.

⁸⁰ Huno zwenezwo yo vha i phambano-de na bono le nda vha nalo hafha, a si kale, la u vha Vhugalani na vhathu, mbampedzo! Fhedzi kha ili, musi ndi tshi khou wa, mafheleloni, nda—nda huwelela khotsi anga. A hu na zwiñwe, ndi tshi tou vha ñwana, izwo ndi zwe nda vha ndi tshi do ita. Ndo huwelela khotsi anga, huno khotsi anga vho vha vha siho afho. Huno nda vhidzelela mme anga, “Muñwe kha mpfare!” Mma vho vha vha siho afho. Ndo vha ndi tshi khou sokou ya. Huno nda mbo vhidzelela kha Mudzimu. Ho vha hu si na Mudzimu afho. Ho vha hu si na tshithu afho.

⁸¹ Huno nga murahu ha tshifhinganyana ndo pfa mubvumo wa u lila nga maandesesa u fhira we nda vhuya nda u pfa, nahone ho vha hu vhudipfi vhu ofhisesaho. A hu na ndila...Na mulilo vhukuma u fhisaho wo vha u tshi do vha dakalo nga thungo ha zwe izwi zwa vha zwi zwone. Zwino ayo mabono ha athu khakhea na kathihi. Huno uvho ho vha hu tshi tou vha vhuñwe ha vhudipfi ho vhifhesaho he nda vhuya nda vha naho, na zwe zwa ita...

⁸² Ndo pfa phosho, yo pfala vhunga luñwe lushaka lwa ma—ma—mafhungo a tshuphaho. Huno musi li tshi, khou da, ndo

sedza, huno ho vha hu vhasadzi. Huno vho vha vhe na zwithu zwidala, ni tshi tou kona u vhona zwifha^{tu}wo zwavho fhedzi, nahone vho vha vhe na zwithu zwidala fhasi ha ma^{to} avho. Huno ma^{to} avho o vha a tshi vhonala unga a shavhela murahu, vhunga vhasadzi namusi vha tshi pennda ma^{to} avho, a tshi shavhela murahu nga *heyo* ndila, nahone hu tshi tou vha ma^{to} avho na tshifha^{tu}wo. Huno vho vha vha tshi khou ri, “Ooh, ooh, ooh, ooh!” Yawee, nñenñe!

⁸³ Ndo tou vhidzelela, “Oo Mudzimu, nkhatutshele. Ivha na khathutshelo, Oo Mudzimu! Naa U ngafhi? Arali U tshi nga ntendela fhedzi u humela murahu huno nda tshila, ndi a U fulufhedzisa, uri ndi *do* vha mutukana wavhu^{di}.” Zwino, itsho ndi tshone tshithu tshi tsho^{the} tshe nda kona u tshi amba. Zwino, Mudzimu u a divha, nahone nga *Duvha la Khathulo*, U *do* nkhatulela itsho tshitata mennde. Izwo ndi zwe nda amba, “Murena Mudzimu, ntendele u humela murahu, huno ndi *do* U fulufhedzisa u vha mutukana wavhu^{di}.”

⁸⁴ Huno musi ndi tshi thuntshwa, ndo vha ndo amba mazwifhi, nahone ndo ita tshi^{nwe} na tshi^{nwe} tshe tsha vha tshi tshi nga itwa, ndi tshithu tshithihi fhedzi tshire nda ri...ndi nga di tou tshi *łanzwa* ndi tshee heneffa zwino. Huno musi ndi tshi sedza fhasi nahone nda vhona ndo no thuthubiswa lwa hafu zwipi^{da} zwivhili, ka^łuku^łku, nda ri, “Mudzimu, nkhatutshele. U a divha zwauri na kathihi a thi athu ita vhupombwe.” Itsho tsho vha tshone tshithu tshi tsho^{the} tshe nda kona u tshi vhudza Mudzimu. Na kathihi ndo vha ndi sa athu *łanganedza* khangwelo Yawe, na izwi zwithu zwo^{the}. Ndi tou ri, ndo kona u ri, “Na kathihi a thi athu ita vhupombwe.”

⁸⁵ Huno zwenezwo vha mmbvisela heneffo nn^ada. Huno zwenezwo, khalo, nda vhidzelela, “Mudzimu, nkhatutshele. Ndi *do* vha mutukana wavhu^{di}, arali U tshi *do* ntendela fhedzi u humela murahu,” ngauri ndo zwi divha uri hu na Mudzimu hu^{nwe} fhethu. Huno ngauralo mpfarise, izwo zwivhumbwa zwo netaho u mona ho^{the}, ndi kha di bva u vha muswiko muswa. Huno uvho vhudi^{pf}i vhu shushesaho, ho vhifhaho, vhu si na Mudzimu khaho... Vhu tshi vhonala sa ma^{to} mahuluhulu, tsie khulu dzo bva nga *heyo* ndila, nahone a tshi shavhela murahu vhunga a tshimange, vhunga murahu nga *heyi* ndila; na zwithu zwidala, nahone vhu tshi nga ho ita tshilonda kana tshi^{nwe} tshithu.

Huno vho vha—vho vha vha tshi khou ri, “Ooh, ooh, ooh!” Oo, ndi vhudi^{pf}i-de! Zwino musi ndi...

⁸⁶ Zwenezwo nga tshifhinga tshi^łuku, nda vha ndo no vhuyeleta kha vhutshilo ha mupo hafhu. Itsho tshithu tsho nndina. Nda elekanya, “Oo, zwi tendele uri zwi vhe nga ndila ine ndi sa *do* ya fhethu ho raloho na kathihi; hu sa vhe na mu^{nwe} muthu a no *do* vhuya a tea u ya fhethu ho raloho.”

⁸⁷ Nga murahu ha miñwedzi ya sumbe, ndo vha na bono la u ima Vhukovhela, nahone ndi tshi vhona itsho tshifhambano tsha musuku tshi tshi tsela kha nñe. Huno ndo—ndo ñivha zwauri hu na madzingu a vho latwaho huñwe fhethu.

⁸⁸ Zwino, na kathihi a tho ngo zwi dzhiela nzhele lwo kalulaho u swika vhege dzi no ḥodou swika nña dzo fhiraho. Mufumakadzi... Na kathihi ho ngo vhuya a elekanya nga hazwo nga aya mavhangha. Vhege dzi no ḥodou swika nña dzo fhiraho, nñe na mufumakadzi ro tsela phasi ngei Tucson, u yo rengarenga. Huno musi ri tshee ro dzula... Mufumakadzi, ra ya ra dzhena dasi, huno—huno ho vha hu na tshigwada tsha vhatukana vha no ita zwi no nga zwa vhasidzana vho ita uri mavhudzi avho a lukiwe, ni a ñivha, vhunga zwine vhasadzi vha ita, na—na phendelo dzo gamelwa hafha phasi nga phanda, nahone vho ambara haya marukhu o yaho ntha vhukuma, vha tshi nga, ndi a humbulela mahwarahwara, kana zwenezwo zwine na vha vhidza zwone. Huno vho vha vhe ngomu henefho, na nnyi na nnyi o vha o vha sedza, huno ḥohoho dzavho dzo vha dzi khulu *zwingafha*, vhunga vhasadzi vha no ambara aya magerele a “mavhudzi mahuluhulu” hafha, ni a ñivha. Huno vho vha vhe henengei.

⁸⁹ Huno ha da musadzi muswa, huno a ri, “Naa vha elekanyani nga ha hezwo?”

⁹⁰ Nda ri, “Zwenezwo ni tea u dishonela, arali ni tshi nga elekanya hezwo.” Nda ri, “U na pfanelo dzo edanaho u zwi ita sa inwi. A hu na na muthihi wañu a re na pfanelo.”

⁹¹ Ngauralo nda ya apositizi, huno nda dzula phasi. Huno musi ndo ralo, ho vha hu na esikaleitha, yo vha i vhengeleni la J.C. Penney, huno esikaleitha yo vha i tshi khou disa vhatthu ntha. Ndi zwone, vhukuma nda thoma u lwala thumbuni, ndi tshi vhona avho vhasadzi vha tshi da henefho ntha; vhaswa, vho aluwaho, nahone vha si na dzangalelo, vha re na maonyeonye, vhaswa, na ndila inwe na inwe, vha na dzishothi thukhuthukhu; muvhili wavho wa tshika, na avho vhasadzi vho ambarelaho vhudzekani, vhe na idzo ḥohoho khulukhulu nga u ralo, huno ngevha vha a da. Huno muñwe a tshi khou tsa kha iyo esikaleitha, a tshi khou tou da ntha nga u ralo, he nda vha ndo dzula murahu tshiduloni, ndo dzula henefho ndo kotamisa ḥohoho yanga.

⁹² Huno nda rembuluwa nahone nda sedza. Huno muñwe wavho a tshi khou gonya zwitepisi o vha a tshi khou ri, “Ooh,” a tshi khou amba nga lwa Spain, na muñwe musadzi. O vha e musadzi wa mutshena a tshi khou amba na musadzi wa Spain. Huno musi ndi tshi sedza, [Mukomana Branham u lidza munwe wawe—Mudz.] nga khathihhi fhedzi nda vha ndo no shanduka. Henengei, ndo vha ndo no zwi vhona. Maño awe, ni a ñivha uri vhasadzi vha itani zwino, vha tshi pennda maño avho, a si kalekale, vhunga tshimange, ni a ñivha vha a isa ntha nga ndila

heyi, nahone vho ambara ngilasi dza tshimange na tshiñwe na tshiñwe, ni a ñivha, na maÑo e n̄tha nga ndila *heyi*, na izwo zwithu zwidala fhasi ha maÑo avho. Ho vha hu na itsho tshithu tshe nda tshi vhona musi ndi tshee ñwana. Heneffo ho vha hu na musadzi kokotolo. Huno nda tou oma hoÑhe-hoÑhe, huno nda thoma u sedza u mona hoÑhe, huno ho vha hu na avho vhathu vha tshi khou ñuñuna, ni a ñivha, vha tshi khou bvela phanda nga ha mitengo na zwithu tshifhañoni. Huno nda tou . . .

⁹³ Ho vhonala unga ndo tou shanduka lwa tshifhinganyana. Huno nda sedza, nahone nda elekanya, "Izwo ndi zwe nda zwi vhona vhudzulavhafu." Vho vha vhe heneffo, iyo pfuko. Nda elekanya zwauri ngauri vho vha vhe vhudzulavhafu he ha vha ita nga iyo ndila, vhudala na vhubuluu fhasi ha maÑo avho. Huno hafha ho vha hu na havha vhasadzi vho pendwaho nga vhudala na vhubuluu, nga ndila ye lila bono la amba miñwahani i no ñodou swika mahumi maÑa yo fhiraho.

⁹⁴ Ni a vhona, miñwahani i no ñodou swika mahumi maÑa yo fhiraho, ndi zwe zwa vha zwi zwone. Ndi na mahumi maÑanu na miña; ndo vha ndi na sumi na miña. Ngauralo kha miñwaha i no ñodou swika mahumi maÑa yo fhiraho, ndo . . . Huno iyo ndi—ndi. . . Iyo ndi nomboro, naho zwe ralo, ya khañhulo, ni a vhona. Zwino ho vha hu na . . .

⁹⁵ Ndo zwi vhona hezwo huno a tho ngo vhuya nda kona u amba na musadzi wanga musi a tshi da. O vha e nga hangei a tshi khou lingedza u wanela Sarah na vhana tshiñwe tshithu, tshi no nga ro—rokho kana tshiñwe tshithu tsha tshikolo, huno a—a tho ngo vhuya nda kona . . . a tho ngo vhuya nda kona u amba nae. O ri, "Bill, thaidzo ndi mini nga ha inwi?"

Nda ri, "Mufunwa, ndi tou nga . . . kañkuñuku ndi tou nga munna o faho."

Huno a ri, "Naa thaidzo ndi mini? Naa ni khou lwala?"

Nda ri, "Hai. Tshiñwe tshithu tshi kha ñi bvou bvelela."

⁹⁶ Zwino ha divhi. O lindela uri iyi theiphi i vhuye. Na kathihi a thi athu zwi vhudza muñwe muthu. Huno ndo elekanya zwauri ndi ño lindela, sa zwe nda fulufhedzisa, u thoma nda zwi ñisa kha tshivhidzo. Ni a vhona? U zwi ñisa kha tshivhidzo. Iyo yo vha i pfulufhedziso yanga. Huno ni ño limuwa, nga murahu ha madekwana a ñamusi, tshi no ita uri ndi lingedze u vhulunga pfulufhedziso yanga. Ni a vhona?

⁹⁷ Zwenezwo nda elekanya, musi ndi tshi dzhiela nzhele ayo maÑo a vhonalaho e na pfuko a re kha avho vhasadzi. Vho vha vhe vha Spain, vha France, na vha India, na vhatshena, na vhoÑhe, fhedzi idzo ñohoho khulukhulu, ni a ñivha, dzo gamelwa n̄tha, nga idzo gamu, nga ndila ine vha a gamela murahu, nga ndila khulu, huno zwenezwo a bvela nn̄da. Ni a ñivha, ni a ñivha uri vha a ita hani, vha a dzudzanya nga ngomu u fana na zwine vha zwi ita. Huno zwenezwo ayo maÑo a vhonalaho e na pfuko, na maÑo

a re na pennde, a gidimela murahu vhunga maṭo a tshimange. Huno vhone vha tshi amba, nahone nda vha ndi heneffo hafhu, ndo ima heneffo vhengeleni la J.C. Penney, ndo vhuyelela hafhu vhudzulavhafu.

⁹⁸ Nda—nda—nda thoma u ofha nga maanda. Nda elekanya, “Murena, nga ngoho a tho ngo fa, huno nahone Wo ntendela u da afha fhethu.”

⁹⁹ Huno heneffo vho vha, vha tshi khou ita...sokou mona nga u ralo, kha iło bono vhunga, no vha ni tshi nga tou kona u zwi pfa nga nđevhe dzaṇu fhedzi, ni a ḫivha. U nūnuna fhedzi na u bvela phanda, ha vhathu, na avho vhasadzi vha tshi da nga iyo esikaleitha na u tshimbila-tshimbila heneffo, na iyo, “Ooh, ooh!” Ho vha hu na ayo maṭo madala, a no vhonala a tshi kanukisa, nahone a tshi ṭungufhadza.

¹⁰⁰ Huno mufumakadzi a da. Huno nda ri, “Itonu nnditsha lwa tshifhinganyana, mufunwa.” Nda ri, “Arali ni sa vhilaheli, ndi—ndi—ndi ṭodou ya hayani.”

Huno a ri, “Naa ni a lwala?”

¹⁰¹ Nda ri, “Hai, itonu bvela phanda, mufunwa, arali ni na u renga-renga huṇwe-vho hune na ṭodou u ita.”

A ri, “Hai, ndo fhedza.”

¹⁰² Huno nda ri, “I ri ni ndi ni fare nga tshanda.” Ni a vhona? Huno nda bva.

A ri, “Naa thaidzo ndi mini?”

Nda ri, “Meda, ndi—ndi—ndi... Tshinwe tshithu tsho bvelela hangei n̄tha.”

¹⁰³ Huno musi ndo vha ndi tshi kha di vha kha hezwo, ndo elekanya hezwi, “Naa ri khou tshila ḫuvha-de? Naa uyu u nga vha Mururo Wa Vhuraru?” Zwino ndi na dzińwe notsi hafha.

¹⁰⁴ Yesu. Ri wanulula uri, Yesu, kha mushumo Wawe, nga murahu ha musi O no rerela vhathu. Zwino vhukuma ri khou yo tevhedza Luṇwalo kha hezwi. Nga murahu ha musi Yesu o no fhedza mushumo Wawe, nahone mushumo Wawe wo landulwa nga vhathu. Zwino ni do vhalo vhukati ha mitaladzi, na vha na muṭalukanyo waṇu. Elelwani zwe nda ni vhudza u thomani. Nga murahu ha musi O no rera...

¹⁰⁵ U da sa Uyo we a fulufhedzisela iło ḫuvha. Izwo rothe ri a zwi ḫivha. Maṇwalo o ḫivhadza Yesu Kristo sa Mesia. Izwo ndi zwone. Nga hothe, nga u khwathisa, o khwathisedzwa nga Mudzimu na Ipfi Ławę, uri O vha e Mesia. A hu na mbudziso. Arali nnyi na nnyi a zwi vhudzisesa, arali ni tshi ralo, zwenezwo ni tea u da kha aliṭari, uri, “O vha a si Mesia.” O ḫivhadzwa zwi khagala sa Mesia. Fhedzi nga murahu ha musi Ene nga ndila i re khagala... Mudzimu o Mu ḫivhadza.

¹⁰⁶ Vhunga Petro o amba nga Duvha la Pentekoste, musi a tshi amba na Sanhedrin henengei, kha mana...nga murahu ha mađuvha a no ḥodou swika mana. O ri, “Yesu wa Nazaretha, Munna we a tendelwa nga Mudzimu vhukati hanu nga zwiga na zwimangadzo, zwe Mudzimu a zwi ita Ngae vhukati, vhane rine rothe ra vha dzithanzi. Ni a vhona? No dzhia, nahone nga zwanda zwivhi, na vhamba Mukololo wa Vhutshilo; we Mudzimu a mu vusa, huno a ḥana izwi zwithu zwine na zwi vhona.” Ni a vhona? Kristo o bvela phanda na u tshila. A hu na zwinwe, u kha di tshila na ḥamusi.

¹⁰⁷ Zwino nga murahu ha musi Yesu o no da zwi khagala, o Didivhadza; Mudzimu o Mu ḥivhadza, huno A porofita. Huno nga murahu ha mađuvha a vhuporofita Hawe, naho o ḥivhadzwa nga Luñwalo, vhatu vho Mu landula. Izwo ndi zwone. Huno O rera-ha nga murahu ha musi vho Mu landula hafha, avho vhe vha vha na khonadzeo ya u tshidzwa. Eelewani, musi O vha a tshi khou rera, ho vha hu na khonadzeo ya uri nnyi na nnyi a nga tshidzwa. A ri ḥivhi uri ndi vhonnyi. Vho tiwa. Fhedzi O bvela phanda na u rera.

¹⁰⁸ Fhedzi nga murahu ha mađuvha a u rera Hawe, mushumo Wawe wo bvela phanda, ngauri tshigwada tsha u hedza tshe A tshi rerela ho vha hu mimuya ye ya vha i vhudzulavhafu, ye ya si kone u hangwelwa. Izwo ndo zwi vhala zwi khagala zwi tshi bva Bivhilini hafha, zwi tshi bva kha Petro Ya Vhuvhili. Ni a vhona? O ya nahone a rerela mimuya ye ya vha i dzhele, ine ya vha vhudzulavhafu, yo honelwaho u swika Duvha la Khañhulo.

¹⁰⁹ Ngauri, ni a vhona, Khañhulo a si ya zwino, nahone a hu na vhudzulavhafu vhu ḥugaho zwino. Muñwe u a ni vhudza, “Munna u vhudzulavhafu vhu ḥugaho zwino,” izwo two khakhea. Ni a vhona? Muhañuli wa lino ḥifhasi o luga lwo edanaho u sa lañu muthu na kathihi u swika a tshi diswa tsengoni. Huno na kathihi Mudzimu a nga si posele muthu ngomu na—ñandoni i fhisaho u swika a tshi thoma a lañwa nga milayo ya Mudzimu Ene muñ. O landula khathutshelo, ngauralo, ni a vhona, u tea u thoma a vha na tsengo, huno tsengo ndi Khañhulo Ya Khuluñoni Tshena Khulwane. Fhedzi zwino u fhethu hune ha vhidzwa nnq̄u ya dzhele.

¹¹⁰ Vhunga ndo vhona bono la fhethu hoñhe huvhili, nahone nga tshilidzi tsha Mudzimu...ndi khou amba hezwi hu si uri ndi vhe a ḥambuludzaho, nahone, arali two khakhea, Mudzimu nkhangwele. Ndi tenda uri ndo vha fhethu huvhili hoñhe, ni a vhona, fhethu huvhili hoñhe. Huno ndo vhona vho rengululwaho, vhaftutshedzwa; nahone ndo vhona vho xelaho, na he vha vha vhe hone. Huno ndi ngazwo ndo ima sa mukomana wañu, ḥamusi, u ni tsivhudza u shavha kha iyo ndila i tselaho fhasi. Ni songo tshimbila nga iyo ndila na kathihi. Huno ni na tshinwe na tshilela tshone, iyo ndila ya u ya nñha yo fhañtutshedzwaho, hune vho rengululwaho vha vha dakaloni

na mulaloni, nahone a vha koni u ita tshivhi. A vha koni—koni u pfa vhutungu. A vha koni. Hangei, a hu na tshithu; vho fhelela. Ndo vhona fhethu huvhili hothe! Ndi a divha uri itsho ndi tshitatamennde tshi shushaho tshine muthu a nga tshi ita, fhedzi, Mudzimu e Muhaṭuli wanga, ndi tenda ndo khwātha uri ndo vhona fhethu huvhili hothe. Ndi—ndi a zwi tenda hezwo.

¹¹¹ Huno, oo, kha zwi vhe kule na muñwe muthu u vhuya a dzhena kha ayo madzingu a vho xelaho! Arali no vha no ima ni na thale dzo vhorelwaho nga kha inwi, ni tshi shengedzwa nga ndila iñwe na iñwe, zwo vha zwi sa ðo fana na iyo tshengedzo i re hone ngomu afho fhethu. A hu na tshithu tshe tsha vha tshi tshi nga kona... Thalukanyo ya muthu yo vha i si nga koni, thalukanyo ya muthu a yo ngo kona u ṭalukanya zwine ayo madzingu a vho xelaho a vha zwone. A hu na ndila ya u zwi ṭalutshedza. Nahone a hu na ndila ya u ṭalutshedza zwine madzingu a vhaftaṭutshedzwa a vha zwone, ndi zwiḥulwane nga maanda. Izwo zwo vhifha nga maanda, huno Izwi ndi zwiḥulwane nga maanda—nga maanda, zwi bva kha zwi seisaho zwa ya kha zwi tamisaho. Ngauralo arali nnyi na nnyi a tshi mpfa...

¹¹² Huno ndi khou thoma u vha mukalaha. A thi divhi uri ndo salelwa nga tshifhinga tshingafhani. Hu si kale ndi ðo vha ndi na miñwaha ya mahumi mañanu na miñanu nga vhukale. Huno a—a thi divhi, u ya nga ha mupo, ndi nga di si vhe na miñwaha minzhisa. A thi divhi hune iyi theiphi ya ðo ya. Fhedzi i ri ni muñwe na muñwe a pfe, hafha na kha theiphi, kana huñwe na huñwe hune i nga di ya. Na kathihi ni songo ya thungo ya ayo madzingu a vho xelaho. Ni nga si kone u fanyisa vhudzulavhafu nga iyo ndila ye ha vhifha. Huno tshiñwe na tshiñwe tshire na ita, na kathihi ni songo wana tshiñwe...na hangwa hezwi, zwauri madzingu a vhaftaṭutshedzwa...ndo vha ndi tshi ðo amba hezwi, na Paulo Mukhethwa, “Ito a li athu vhona, nđevhe a i athu pfa, kana zwa dzhena mbiluni ya muthu, zwe Mudzimu a zwi lugisela avho vha Mu funaho.” Ngauralo imani, arali ni tshi khou thetshelesa theiphi, dzimani mutshini, huno ni shanduke arali ni songo tshidzwa, huno ni lugise mafhungo anu na Mudzimu.

¹¹³ Ndi khou amba izwi ndi na tshenzhemo i bvaho kha tshiko tsha vhubvo, vhunga ndi tshi tenda mbiluni yanga. Huno ndi ri, arali aya, arali mabono o mphura, Mudzimu nkhatutshele u ita tshitatamennde tsho raloho. Fhedzi ndi na vhufulufhedezi mbiluni yanga, ndi tshi divha zwauri a hu na na lithihi la ayo mabono lo vhuyaho la kundelwa, ndi tenda zwauri ndo vha afho fhethu huvhili hothe. Kha zwi vhe kule na muñwe muthu u tshimbila kha iyo ndila ya u tsela phasi!

¹¹⁴ Zwino, Yesu, nga murahu ha musi O no fhedza mushumo Wawe, o rerela iyo mimuya ye ya vha i sa koni u tshidzwa, ye ya si kone u vhuya ya tshidzwa. Zwino Bivhili i a ri vhudza hezwo. “O

ya nahone a rerela mimuya ye ya vha i dzhele, ye ya si shanduke.” Musi vha tshi newa khathutshelo, vho lamba khathutshelo, huno zwino vho lindela Khathulo. Oo, ndi tshifhinga-de tshe tsha vha tsho fanela u vha tsho vha hone! Oo, ndi tama ho vha hu na iñwe ndila ye nda vha ndi tshi nga dzinginyisa shango ngayo, uri vha kone u vhona zwine vhukuma ha vha zwone.

¹¹⁵ Huno Yesu o amba, Ene muñe, “Vhunga Khotsi o Nthuma, ngauralo Ndi a ni ruma.” Huno vhunga Khotsi o Mu ruma u rerela vha—vha tshilaho, kha avho vhe vha vha vhe na fulufhelo, huno zwenezwo a nekedza Mulaedza wonoyo muthihi kha avho vhe vha vha si na fulufhelo, zwi vhonala zwo tea, nga tshino tshifhinga, uri izwo zwi do tea u itwa, ngauri Muya wa Kristo u no tshila kha riñe a u shandukisi kudzulele Kwawe, kana a u shandukisi sistemé ya Mudzimu. U fanela u vha onoyo muthihi kha murafho muñwe na muñwe. U fanela u vha onoyo muthihi. Ho pfi, “Vhunga Khotsi o Nthuma, ngauralo Ndi a ni ruma.”

¹¹⁶ Mishumo i fanela u fana, lwe A amba... ndi vhona vhañwe vhanu vha tshi khou nwala Mañwalo. Yohane Mukhethwa 14:12, “A no Ntenda, mishumo ine Nda ita na ene u do ita-vho.” Ni a vhona, “mishumo,” u rerela vho xelaho, u fhodza vhalwadze, huno zwenezwo na kha vhe zwa si konadzee uri vha nga vhuya vha tshidzwa. Ni a vhona? Mushumo wo bvela phanda nga ndila i fanaho. Ngauralo, uyu wo vha, (uyu wo vha?) kha ndi zwi vhee nga ndila heyi, mushumo wa Yesu Kristo o dovha a vha ñama Tshivhidzoni Tshawe kha duvha ili la u fhedzisela. Izwo ndi zwine vhanzhi vhashu vha tenda. Ndi tenda na inwi. Ndi a zwi tenda hezwi. Arali ndo vha ndi songo zwi tenda, ndo vha ndi tshi do ita tshiñwe-vho nga hazwo. Ngauri, itali, uyu ndi nñe a no kwame-... uyo a no kwamea ngomu hafha. Huno arali Muya wa Mudzimu u kha inwi, ni a kwamea nga vhathe.

¹¹⁷ Ho vha hu na Luñwalo lwe tshifhinga tshothe lwa nnyakhamadza, uri Mushe o vha a tshi nga vhudza hani Mudzimu muhumbulo wa khwine u fhira we Mudzimu a vha e nawo, u swika ndi tshi wana uri ho vha hu Muya wa Kristo kha Mushe. Ni a vhona?

¹¹⁸ Mudzimu o ri, “Mushe, dikhaukanye navho. Ndi do lozwa tshithu tshothe, huno nda thoma na iwe.”

¹¹⁹ A ri, “Murena!” A diita philelo, a ri, “Nnzhie. Thutha dzina langa.” Vhathe vhenevhā vhe vha ita mvutshelano, mbilu yawe yo vha pfela. Ni a vhona?

¹²⁰ Huno musi mushumeli a no funa vhathe mbiluni yawe.... Naa ndo vha ndi tshi nga vhuya nda pfa ndi o lugaho kha lwanga... phanda ha Mudzimu, na kha nñe muñe, u vhuya nda dzumbela vhathe vhane nda vha funa u fhira nñe ndi tshi difuna tshinwe tshithu. Naa muthu a nga dzenisa hani muthu tshivhidzoni nga u mu khada, kana huñwe hu shasha, kana iñwe ndovhedzo ya khole-khole, kana tshinwe tshithu, huno a vha

litsha kha ḫhu—ṭhūṭhuwedzo ya mazwifhi huno a ḫivha zwauri Bivhili i heneffo, nahone a ri u funa uyo muthu?

¹²¹ Naho nda tea u humbelu uri ndi kone u tshila, zwiñwe na zwiñwe zwine zwa vha zwone, kha ndi vhe a fulufhedzeaho kha Mudzimu na vhathe, u vha vhudza Ngoho. Na kathihi ni songo ntendela ndi tshi vha mufhuri. Naa ndi nga fhura hani ane nda mu funa? Naho ndi tshi tea u vha vhaisa, naho zwo ralo ndi a vha funa. Ndi ngazwo ni tshi vhanda ḫwana wañu, ndi ngauri ni a mu funa. A si ngauri a ni mu takaleli; ngauri ni a mu funa. Arali o khakha, u do fa arali ni sa mu khakhululi.

¹²² Zwino, na mushumo wo vha nga u ralo. Sa zwe zwa vha zwi zwone, zwo ralo na ḫamusi. Wo rerwa, nahone wa khwaṭhisedzwa nga hoṭhe nga Ipfi ḫa Mudzimu, uri a ho ngo kona u vha muthu, hu tea u vha Mudzimu. Zwo tea u ralo. Dzhielani nzhele, zwiga zwa maya zwenezwiла zwithihi zwe Yesu a ita, zwo dovha zwa itea kha ḫifhasi mađuvhani a u fhedzisela. Tshenetsho tshiga tsha maya tshithihi tshe ngatsho A ḫidivhadza sa Mesia, tsho Mu ḫivhadza ḫamusi. U kha di vha Mesia! Zwiga zwenezwo zwithihi zwa matheriala zwo bvelela kha ḫifhasi, zwe zwa bvelela nga Ene, zwe A vha e zwone. Khavhu ya Mulilo yeneila nthihi ye Mukhethwa Paulo a i vhona, Yone yeneila nthihi, izwo zwoṭhe zwo dovha zwa itea hu na kudzulele kwonokwo kuthihi khayo, i tshi khou ita zwenezwo zwithihi.

¹²³ Yesu o ima kha ḫa uri Ho ngo ita tshithu u swika Khotsi o no Mu ḫanelu tshone. Huno Khotsi ndi Muya Mukhethwa, izwo ri a zwi limuwa. I tou vha tshidulo tsha Mudzimu. Arali zwi si zwone, zwenezwo ndi nnyi khavho a re Khotsi a Yesu Kristo? Yesu o ri Mudzimu ndi Khotsi Awe, huno Bivhili yo ri Muya Mukhethwa ndi Khotsi Awe. Zwino, ni nga si Mu ite uri a vhe ḫwana a si wa malofha, ngauralo Muya Mukhethwa ndi Mudzimu, ngauralo Yesu o vha e Mudzimu. Ngauralo, Mudzimu, Khotsi, Murwa, na Muya Mukhethwa ndi... Ndi... Izwo ndi zwidulo zwiraru zwa Mudzimu muthihi. Ndi zwiṭaluli zwiraru, Mudzimu onoyo muthihi.

¹²⁴ Inwi ni tshipida tsha Mudzimu, na nne ndi tshipida tsha Mudzimu, ni a vhona; fhedzi a thi wa Muđzimu tshoṭhe, huno na inwi a ni wa Mudzimu tshoṭhe. Ni a vhona? Ni a vhona? Ndi zwiṭaluli zwa Mudzimu kha riñe, sa vharwa vho ḫwanakiswaho nga Yesu Kristo. Zwe, Mudzimu Ene muñe a vha ḫama, u ri fela.

¹²⁵ Zwino, tshifhinga tshoṭhe Muya Mukhethwa wo Mu ḫanelu zwithu zwi no do ḫa, huno O vha a sa khakhi na kathihi. Tshifhinga tshoṭhe zwo vha zwo fhelela. Naa izwo ndi zwone? Ho ngo ḫine a thendo. O ḫea Mudzimu thendo. O ri, “Murwa a hu na tshire a nga ita nga Ene mune nga nnda ha zwine A vhona Khotsi a tshi zwi ita.” Huno Khotsi, Muya Mukhethwa, wo vha u Khotsi Awe. Naa izwo ndi zwone? “Yosefa, iwe murwa wa Dafita, u songo ofha u dzhia Maria mufumakadzi wau, ngauri Uyo o

imiwaho khae ndi wa Muya Mukhethwa,” we wa vha u Khotsi Awe. Huno Muya Mukhethwa o sumbedza Yesu zwithu zwi ḋaho, wa Mu vhudza zwe zwa vha zwi hone.

¹²⁶ Huno O vha e Muporofita-Mudzimu. Ngauri, Ipfi la Murena li dela muporofita fhedzi; zwi tshi sumbedza uri Maipfi o ḋa, nga tshivhumbeo tshiṭuku, vhaporofita vho ḓwala zwe Murena a vha vhudza zwone. Fhedzi Ene ho ngo ḓwala tshithu, ngauri O vha e Ipfi. O vha e Ipfi.

¹²⁷ Dzhielani nzhele, Muya Mukhethwa wonoyo muthihi we wa dzula Khae, “Hu tshee ho sala tshifhinganyana, huno shango a li tsha do mmbona; naho zwo ralo ni do Mmbona, ngauri Ndi do vha na inwi, na ngomu hanu, u ya vhufheloni ha shango. Ndi do ḋa kha inwi,” O ralo. “Ndi,” ho vha hu Khotsi we a vha e Khae, “a no do ḋa kha inwi.” Huno A ri, “Musi Muya Mukhethwa wo no ḋa kha inwi, U do dzumbulula izwi zwithu zwe Nda ni funza, nahone u do ni sumbedza zwithu zwi ḋaho.” Khezwo zwino.

¹²⁸ Zwino ri dzhieila nzhele, uri vhunga Muya Mukhethwa wo shuma Tshivhidzoni nga itsho tshifhinga, ngauralo Muya Mukhethwa wo ita zwithu zwenezwo zwithihi ḓnamusi kokotolo; u tshi khou ḋivhadza nga Khavhu ya Mulilo, kokotolo zwe zwa vha zwi hone u rangani, zwenezwo zwithihi. Huno a tshi vhona iyi i tshi da kha Yesu, Yohane o i ḋivhadza mulamboni wa Yorodane. Huno yo sedzesesa tshiñwe na tshiñwe, na zwifanyiso zwayo zwa saints. A i hanedzei. Yo ralo nga lwa saints. Yo vha i matheriala. Yo vha i si muhumbulo wa u tou humbulela. Yo vha i si saikholodzhi. Vhunga George J. Lacy o amba, “Ito la mutshini wa khamera li nga si dzhie saikholodzhi. Tshedza tsho kwama lenze.”

¹²⁹ Huno mini-ha nga ha inwi, tshivhidzo, hezwo miñwedzi i no ḡodou swika rathi kana malo yo fhiraho hafha, nahone ndo ima hafha, ndi tshi ri, “Ndi U RALO MURENA, uri ndi khou ya Tucson, Arizona. Hu do vha na muthathabo, huno Vharuñwa vha sumbe vha do bvelela.” Ni a elelwa? [Tshivhidzo tshi ri, “Amene.”—Mudz.] Nahone a . . . Mudzimu a tshi khou zwi ita zwa vhukuma nga maanda u swika magazini wa *Look* u tshi dzhia zwifanyiso zwavho. Zwa muya, zwo vhonwaho zwi sa athu ḋa, zwa tou itea nga ndila yeneyo nthihi kokotolo, Vharuñwa vha sumbe, vhe vha disa u khunyeledza ha Mañwalo othe. Ngauri, zwiphiri zweþhe zwa Bivhili yoþhe zwi kha Mapfundo A Sumbe. Ri a ñivha uri Iyo ndi bu—Bugu, pfundo Layo, i na Ilø li re nnnda. Ndi tshipphiri tsha Bugu yoþhe, tshi re kha ayo Mapfundo A Sumbe, ane Murena a ri tendela u a disa.

¹³⁰ Huno hu na vhanna vho dzulaho hafha, ḓnamusi, vhe vha vha vhe henehfala vhe na nñe musi zwi tshi bvelela. Magazini wa *Look* wo sedzesesa zwenezwo zwithihi, zwauri vhukuma zwe-zwo bvelela. Ngauri, Ho vha hu Mudzimu we a zwi amba. Ho vha hu Mudzimu ane a ima na Ipfi Lawe, u Li ita musi A tshi ri

U do zwi ita. Ngauralo-ha, a si muñwe munna, muthu wa nama vhunga nne, a re vhukati ha inwi vhathu. Ndi Mudzimu wa U Ya Nga Hu Sa Fheli.

¹³¹ U shumisa vhathu. Izwo ndi ngoho. Ha iti tshithu nga nnnda ha zwine A zwi ita nga vhathu. Izwo ri a zwi limuwa. Ene, uyo ndi zhendedzi Lawe—uyo ndi Lawe. Uyo ndi we A mu nanga. Mulandu, a thi divhi. O vha a tshi nga vha o ita duvha uri li rere Mafhungo-maqifha. O vha a tshi nga kona u ita uri maya u rere Mafhungo-maqifha. O vha a tshi nga kona u ita uri maya u ite zwithu, fhedzi O nanga vhathu.

¹³² Uyo wo vha u muhumbulo Wawe, uri muthu u do amba na muthu; hu si ene muñe, fhedzi, “Ipfi la Murena lo dela vhaporofita,” vhaporofiti, vhareri. Huno muporofiti a no hana Ipfi la vhubvo, a nga vha hani muporofita wa ngoho? Ni a vhona? A nga si vhe ene, ngauri u khou hana Ngoho ya Ipfi. Huno zwenezwo arali i sa iti, zwenezwo ili Ipfi, Lone line, Li tshi rerwa nga vhungoho ha Ipfi na nga vhungoho ha Muya Mukhethwa, Li do vhonadza pfulufhedziso inwe na inwe ye La fulufhedzisa. Iyo ndi ndila ine ra divha ngayo uri ndi lone kana hai. Izwo ndi zwe Yesu a amba, “Arali Ndi sa iti zwe zwa ñwalwa nga ha Nne uri ndi ite, zwenezwo ni songo Ntenda.” Ni a vhona? Zwino izwi zwithu ri a zwi vhona.

¹³³ Elelwani, Mapfundo A Sumbe o vuledzwa, huno musi ayo Mafhungo-ngoho a sumbe o dzumbululwaho . . .

¹³⁴ Linwe lao, O vha a si nga ri tendeli u li divha. Riñe . . . Naa ndi vhangana vhe vha vha vhe hone kha Mapfundo A Sumbe, nahone vha pfa? [Tshivhidzo tshi ri, “Amene.”—Mudz.] Inwi nothe, ndi a humbulela. Ni a vhona, pfu—Pfundu La Vhusumbe, Ho ngo zwi tendela.

¹³⁵ O ima henefhalá lufherani huno a dzumbulula linwe na linwe lao. Huno arali ndo vhuya nda rera tshiñwe tshithu vhutshiloni hanga, ndo susumedzwa, tsho vha tshenetsho. Huno zwi fanela u vha ngoho, kha inwi. U ima hafha huno nda ni vhudza zwauri zwi khou do bvelela, huno na ya henengei, na yone saints na tshiñwe na tshiñwe-vho, vhutodesi ha saints na tshiñwe na tshiñwe, tshiphiri kha vhathu, zwo sumbedza uri zwo bvelela henefhalá. Huno na vhuya murahu na zwi pfa zwi tshi bvela khagala, nahone zwa ita Ipfi linwe na linwe lone kokotolo. Naa ri khou tshila kha duvha-de? Naa ri ngafhi?

¹³⁶ Huno elelwani, kha ilo Pfundo La Vhutanu Na Vhuthihi, hune, Porompiña dzothe dza Sumbe dza lila kha ilo Pfundo La Vhutanu Na Vhuthihi. Musi ri tshi swika khalo, izwo ni do zwi vhona. Porompiña dziñwe na dziñwe dza (sumbe) dzo itea kha ilo Pfundo La Vhutanu Na Vhuthihi.

¹³⁷ Tshifhinga tshothe sumbe ndi tshiphiri. Sedzani iyo sumbe, iyo ndi yone magumo. Iyo yo vha i U Da ha Murena. Tađulu lo vha lo dzika, lo fhumula, ha si vhe na we a sudzuluwa. Ngauri,

Yesu Ene muñe o ri, “Na Muruñwa wa Tađulu ha ñivhi uri Ndi do vhuya lini. Nñe a thi khou vhuya nda zwi ñivha, Nñe muñe, uri tshifhinga-de. Khotsi o vhea hezwo thalukanyoni Yawe.” Mudzimu e eþhe u a zwi ñivha, wone Muya. Ho pfi, “A tho ngo zwi ñivha.” Zwenezwo, a zwe ngo dzumbululwa. Musi iyo Porompiña Ya Vhuñanu Na Vhuvhili i tshi lila... kana Muruñwa Wa Vhuñanu Na Vhuvhili, pfu—Pfundu lo pfunululwa, zwenezwo ha vha na u dzika Tađulu. Ni a vhona, a lo ngo ñewa, zwe zwa vha zwi tshi ðo itea.

¹³⁸ Fhedzi ndi kha Pfundo La Vhuñanu Na Vhuthihi, he Porompiña idzi dla vulea. Elelwani, fhasi heneffho, ri wanulula uri Ngwana yo ða, yo bvelela vhuponi. O vha o no ñuwa Tshidzuloni Tsha Khathutshelo. Mushumo Wawe wa thengululo wo vha wo no fhela. Huno O ða nahone a dzhia Bugu tshandani tsha u la tsha Uyo o dzulaho kha Khulunoni, huno “tshifhinga tsho vha tshi si tsheeho.” Huno khathihi fhedzi muruñwa a bvelela kha ndima ya vhuñanu na vhuvhili, kana ndima ya 10 na ndimana ya 7, a tshi ri... Uyu Muruñwa o tsa huno a ana, uri, “tshifhinga tsho vha tshi si tsheeho.”

¹³⁹ Fhedzi, ni a vhona, Buguni iyi ho vha hu na zwe zwa rengululwa. Yo vha i Bugu ya Thengululo. Huno tshinwe na tshinwe tshe A vha o no tshi rengulula tsho vha tsho ñwalwa kha iyo Bugu. Zweþhe zwe A zwi fela zwe ñwalwa Buguni, huno Ho ngo kona u ðutshela Tshidzulo Tshawe tsha vhupfumetzanyi u swika O no rengulula nga hoþhe. Huno Ho ngo kona u zwi rengulula kha tshifhambano, ngauri zwe vha zwe tiwa Buguni ya Vhutshilo ya Ngwana, huno O ðo tea u dzula Heneffho u rabelela vhañwe u swika uyo muthu wa u fhedza o no fhela. Vhugala!

¹⁴⁰ Fhedzi linwe duvha O vuwa Heneffho, a ða. Naa Bugu yo vha i ngafhi? Yo vha i tshi kha di vha kha Muñe a sa vhonaliho, Mudzimu Ramaandothe. Huno Yohane o sedza u mona hoþhe, nahone a tswimila, ngauri ho vha hu si na muthu we nahone a vha o fanela u sedza Bugu huno, nga maanda, a pfunulula Mapfundo, u dzumbulula zwe tshipphiri tsho dzumbiwaho tsha vha tshi zwone.

¹⁴¹ Zwiphiri zwe vha zwi kha Mapfundo A Sumbe. Musi aya Mapfundo A Sumbe o no pfunululwa, izwo zwe vula Bivhili yoþhe. Mapfundo A Sumbe; Yo vha yo shatelwa nga Zwiphiri Zwa Sumbe, huno kha haya Mapfundo A Sumbe ho farwa tshipphiri tshoþhe Tshayo. Huno yo vha i Bugu ya Thengululo, Testamente Ntswa.

¹⁴² Hu si ya Kale. Yo andadzela fhedzi Testamente Ntswa. “Vho itwa... vha nga si itwe vho fhelelaho vha si na riñe,” Vhaheberu 11. Ni a vhona? Ni a vhona? Zwino, thengululo yo ða fhedzi musi Murengululi o fa. Huno nga khonadzeo vho vha vhe fhasi ha malofha a dzingwana, hu si Murengululi; vho vha vha sa athu rengululwa, u swika Murengululi o no ða.

¹⁴³ Dzhielani nzhele zwino musi uyu Murengululi... Yohane o sedza u mona hothe, huno Mudzimu o dzula hafha kha Khuluñoni, e na Bugu tshandani Tshawe, yo pfunelwaho nga Mapfundo A Sumbe, huno pülane yothe ya thengululo yo vha i khayo.

¹⁴⁴ Huno yo xedzwa nga lushaka lwa muthu, Adamu. Huno Mudzimu... Yo humela murahu ngafhi? Satiane ho ngo kona u i dzhia; o tou mu ita uri a i xedze. Fhedzi Bugu yo ya ngafhi-ha? A yo ngo vha ya lushaka lwa muthu. Phaþutshedzo a dzo ngo vha dza hafha; hafha lushaka lwa muthu lwo i xedza. Ngauralo yo humela murahu kha Muñe wayo wa vhubvo, uyo o vha e Mudzimu.

¹⁴⁵ Hafha O dzula Nay, huno A vhidza muñwe munna, muñwe muthu, u ða nahone a I vhila.

¹⁴⁶ Yohane o sedza u mona hothe, huno ho vha hu si na muthu Tadulu, hu si na muthu kha lifhasi, hu si na muthu, hu si na Muruñwa, a hu na tshithu tshe tsha vha tshi tshi nga dzhia Bugu kana u pfunulula Mapfundo, kana u vhuya a I sedza. A hu na muthu we a vha o fanela. Yohane o ri o tswimila nga ndila i vhavhaho.

¹⁴⁷ Zwenezwo Muruñwa a ða khae, ha pfi, "U songo tswimila, Yohane, ngauri Ndaa ya Tshitshavha tsha Yuda yo kunda, nahone Yo fanela."

¹⁴⁸ Huno Yohane o sedza uri a vhone ngwana... kana a vhone ndau, huno o wanani? Ngwana, nahone yo vha i Ngwana i re na Malofha, Ngwana yo þavhiwaho. Naa u bva lini? U bva tshee shango la tewa.

¹⁴⁹ Ngwana yo ða, ya ya kha Uyo we a vha e na Bugu tshandani Tshawe tsha u la, huno ya tanganedza Bugu; ya namela Khuluñoni huno ya dzula fhasi. Izwo ndi zwone. Zwo fhira (lini?) müsi Mapfundo a tshi dzumbululwa. Musi wa u fhedza, we a vha e tshinwe na tshinwe tshe A tshi rengulula, ho vha hu si na tshithu...

U ða u rengulula.

¹⁵⁰ Hu pfi, "Ndi ngani A songo vha rengulula miñwaha ya mahumi maña yo fhiraho? Miñwaha ya zwigidi zwivhili yo fhiraho?"

¹⁵¹ Ni a vhana, madzina avho a kha Bugu ya Vhutshilo, Buguni iyo. Huno O do tea u ima hafha, ngauri yo vha i ndivho ya Mudzimu u vha rengulula. Madzina o ñwalwa kha Bugu ya Ngwana ya Vhutshilo shango li sa athu tewa. Ngwana yo vhewa heneffo nayo, u þavhiwa. Ngwana ngeyi i a ða, musi yo no þavhiwa, i a vhuya u rabelela vhañwe.

¹⁵² Mu sedzeni! Hu ðo vha na u edza hunzhi, vhunzhi ha tshinwe na tshinwe-vho, fhedzi vhukuma ho vha hu na muñwe muthu we a vha a tshi khou yo tshidzwa, ngauri Ene... Tshivhidzo

tsho telwa u sa vha na badzi kana tshilavhi. Tshi khou yo vha Henengei. Huno Ngwana yo fela iyo ndivho. Huno zwenezwo musi dzina la u fhedza kha iyo Bugu lo no rengululwa, Ngwana yo da nahone ya dzhia Bugu, “Ndi nne Uyo we A zwi ita!”

¹⁵³ Vharuňwa, Vhakherube, Vhahulwane vha mahumi mavhili na vhaňa, Mavhanda, tshiňwe na tshiňwe, zwa ñibvula dzikhare, zwa gwadama phasi phanda ha Khuluñoni, huno ha pfi, “Iwe wo fanel!”

¹⁵⁴ Yohane o ri, “Tshiňwe na tshiňwe Tađulu na kha lifhasi tsho mpfa ndi tshi khou t̄avha mukosi, ‘Amene,’ ndi tshi khou zhamba, ‘Haleluya,’ na dzithendo kha Mudzimu.” U zhamba ha gonya. Mulandu? Madzina avho o vha e kha iyo Bugu, i no do dzumbululwa, huno Ngwana yo no i dzumbululwa.

¹⁵⁵ Ngwana yo no i rengulula, fhedzi Ho ngo kona u da u swika dzina linwe na linwe lo no dzumbululwa, huno izwo zwo vha zwi tshi khou itea kha Pfundo La Vhuťanu Na Vhuthihi, phanda ha musi la Vhuťanu Na Vhuvhili li tshi vulea. Zwenezwo i si na tshilavhi... Zwenezwo Ngwana yo dela zwe A vha o no rengulula. I da u whila zwe A vha o no rengulula. Yo no zwi wana, heneffa Buguni, yo I dzhia tshandani Tshawe. Zwino U khou dela u t̄anganedza zwe A rengulula. Uyo ndi mushumo Wawe. O phetha. O dela u i t̄anganedza. Oo, ndi tshi—ndi tshifhingade! O zwi sumbedza, Pfundo La Vhuťanu Na Vhuvhili lo zwi sumbedza. O vhuya nahone a dzhia Bugu ya Thengululo!

¹⁵⁶ Dzhielani nzhele, ho vha hu tshi khou do vha Mulaedza wa muruňwa wa vhuťanu na vhuvhili we wa vha u tshi khou yo dzumbulula la vhuťanu na vhuvhili, Mapfundu A Sumbe. Nzumbululo 10:7, zwino, ni do zwi wana. Ni a vhona?

¹⁵⁷ “Huno o vhona uyu Muruňwa a tshi tsa, a vhea mulenzhe Wawe kha shango na kha lwanzhe,” uyo o vha e Kristo, “o vha e na musingavhadzimu kha thoho Yawe.” Mu dzhieleni nzhele, ni do Mu wana kha Nzumbululo 1, hafhu, “e na musingavhadzimu kha thoho Yawe; a tshi vhonala sa jaspere na sardiasi,” na mariwe-who. Ngoyu U a da, u vhea tshanda tshithihi... “Mulenzhe muthihi kha shango, muňwe kha mađi; a imisa tshanda Tshawe. O vha e na musingavhadzimu kha thoho Yawe,” nangwe. Uyo ndi mulanga. O vha e Muruňwa wa Mulanga, we a vha e Kristo; o itwa muťuku u fhira Vharuňwa, u tambula. Ngoyu U a da, “Huno a takusela zwanda Zwawe ngei Tađulu, huno a ana nga Uyo a no tshila lini na lini na u ya ho ya,” Ene wa U Ya Nga Hu Sa Fheli, Khotsi, Mudzimu, “uri tshifhinga a tshi tsha do vha hone,” musi izwi zwi tshi itea. A tshi tsheeho. Tsho phethea. Tsho guma.

¹⁵⁸ Huno zwenezwo Luňwalo lu ri, “Huno kha—kha Mulaedza wa muruňwa wa vhuťanu na vhuvhili wa lifhasi,” mudinda kha lifhasi, Tshikhathi Tsha Tshivhidzo tsha vhuťanu na vhuvhili nahone tsha u fhedza, “u rangani ha mushumo wawe,” musi

u tshi thoma kha lifhasi, nga itsho tshifhinga, “tshiphiri tsha Mudzimu, tsha aya Mapfundo A Sumbe, tshi tea u divhadzwa nga itsho tshifhinga.” Zwino ri vhona hune ra vha hone. Zwi nga vha zwo ralo, dzikhonani, zwi nga vha zwo ralo? Dzhielani nzhele, zwe¹⁵⁹the zwi a konadzea.

¹⁵⁹ Vho^{the} vho no rengululwaho Buguni, U ^{dela} thengululo. Vho^{the} vhe vha vha vha tshi khou yo rengululwa vho vha vhe Buguni, vho tiwa shango li sa athu tewa. U da u Li rengulula. Vho^{the} vhe A vha rengulula vho vha vho nwalwa ngomu henecho.

¹⁶⁰ Ndi khou ^{to}dou ni vhudzisa mbudziso zwino. Huno inwi vhatu kha theiphi, thetshelesani zwavhu^di. Ayo ma^{to} a shavhisaho, iyo ^{tho}ho i shavhisaho, izwo zwi nga vha uri ndi ngani uyu Mulaedza wo lwa nga maanda na vhasadzi vha tshikhathi tsha musalauno? Naa uyu u nga vha u Mulaedza wa uyo muruⁿwa wa u fhedza? Naa O ri mini ngei mulamboni, miⁿwahani i no ^{to}da u swika mahumi mararu na miraru yo fhiraho? “Vhunga Yohane o ruⁿwa,” ni a vhona, “u divhadza u da ha u thoma ha Kristo, Mulaedza wau u do divhadza U Da ha vhuvhili.” U mona na shango, huno izwo ndi zwe wa ita, zwenezwo U Da hu fanela hu tsini. Sedzani zwi no bvelela zwino.

¹⁶¹ Mulandu? Ndo veta ^{tho}ho yanga. Ndo vhumbuluwa kha musiamelo wanga. Ndo tshimbila fhasi. “Thaidzo ndi mini nga inwi?”

¹⁶² Ma^duvha a si gathi o fhiraho, ndo vhudzisa vhanna vhavhili vhe nda vha ndo namela navho. Ndo vhudzisa Jack Moore tshiⁿwe tshifhinga. Huno inwi no^{the} ni divha Jack Moore. Ndi khou ya khae Shreveport. Nda ri, “Mukomana Jack, no vha khonani ya tsini ye nda vha nayo kha lifhasi.” Huno ndi sa athu mu vhudzisa, ndo vhudzisa mufumakadzi wanga.

¹⁶³ Arali muⁿwe muthu a tshi divha tshiⁿwe nga ha nne, zwo vhifhaho zwanga na—na zwe^{the}, ndi mufumakadzi wanga, ni a vhona, muthu a funwaho. Huno ndo amba nae liⁿwe duvha, nda ri, “Mufunwa, sa munna wanu, ndi mushumeli wa Mafhungomadifha. A thi khou ^{to}da u disa lunyadzo kha Uyo ane nda mu funa. Hai. A thi ^{to}di u ni vhaisa. Ndo vha ndi si nga disi lunyadzo kha inwi. Mudzimu ha tendi ndi tshi vhuya nda ita tshiⁿwe tshi no do ni huvhadza. Huno ndi tshingafhani tshithu tshe tsha vha tshi tshi do vhaisa Mudzimu, ndi Mu funa zwingafhani! Ni mufumakadzi wanga; Ene ndi Mutshidzi wanga na Mudzimu. Ndi ^{to}dou ni vhudzisa mbudziso. Ni songo shumisa nungo dzanu. Mmbudzeni ngoho.” Nda ri, “Ndo guda nga maanda . . .”

¹⁶⁴ Huno ndo mangala. Nne, ndi—ndi nne a diitisaho, a seisaho, o pambuwaho. Izwo ndi a zwi divha. Muⁿwe na muⁿwe o ri, “Ndi muthu wa lushaka-de!” Zwo luga, ni a vhona, ni nga si diite. Ni zwine na vha zwone, nga khathutshelo ya Mudzimu.

¹⁶⁵ Huno ndo—ndo—ndo ri, “Naa ndo ḥangana thoho zwiṭuku, ni a ḫivha, nahone—nahone ndo ṭuwa?” Nda ri, “Naa ndi ngani ndi tshi khou laṭekanya avho vhasadzi, lu sa fhidzi, ngeno ndi tshi vha funa?”

¹⁶⁶ Vha vhidza, vho ri ndi “muvhengi wa vhasadzi,” a thi tou vhenga . . . ndi tou “vhenga vhasadzi.” Ni a vhona? Izwo zwo khakhea. Ndi a vha funa vhasadzi, ndi khou amba, sa khaladzi dzanga.

¹⁶⁷ A thi khou yo ni phaphatha kha muṭana, ndi tshi khou zwi vhona uri no khakha. Izwo ndi nga ni vhudza zwone. Ndi ni funesa nga maandesa u fhira hezwo. Kha vhaṇwe vhanna vhe nda vha ndi tshi ḫo ita izwo, ndi lushaka lwo fhambanaho lwa lufuno. Ni a vhona? Ndi a ni funa ngauri ndi funa zwine na vha zwone; ni muthusi kha murwa wa Mudzimu, nahone ni tshipida tshawe. Ni a vhona? Nahone ndi—ndi a ni funa nga n̄thami ha uri—uri no itwa nga tshifanyiso tsha munna, huno munna o itwa nga tshifanyiso tsha Mudzimu, ngauralo-ha, noṭhe, ni vhathihi kha Kristo. Ndi ngazwo ndi tshi ni funa. Tshiṇwe, tshiṇwe tshithu, a si tshithu khalwo. Izwo Mudzimu u a zwi ḫivha, vhutshilo hanga hoṭhe. Ni a vhona? Izwo ndi zwone. Ndi a ni funa. Ndi ngani ndo vha ndi tshi ḫo ima nahone lu sa fhidzi . . .

¹⁶⁸ Musi vha tshi ri, “Vhudzani vhasadzi vhoṭhe, musi, arali vha tshi khou ḫo da vha pfa Mukomana Branham a tshi rera, vha game mavhudzi avho nga ndila yo fhambanaho. Ambarani muṇadzi kana tshiṇwe tshithu kana tshiṇwe, ngauri u do thoma u thuthubisa nga ha mavhudzi mapfufhi, na zwanu . . . Ni songo dola zwidolodolo,” na zwiṇwe nga u ralo. Izwo ndi zwe vha ita. “Zwoṭhe zwe a amba nga hazwo!”

¹⁶⁹ Muṇwe o ri, “Ndi ngani ni sa . . .” Ha pfi, “Vhathu vha tenda uri ni muporofita. Naa ndi ngani ni sa funzi vhasadzi uri vha nga ḥanganedza hani mikovhe mihilwane ya muya, na zwithu zwa u ralo, vhudzuloni ha u lingedza u vha funza zwithu zwi no nga hezwo?”

¹⁷⁰ Nda ri, “Arali vha sa ḫo guda ABC dzavho, vha ḫo ḫivha hani aligebra?” Ni a vhona? Tsha u thoma, itani zwone.

¹⁷¹ Huno ndi tshi rera lwo engedzeaho, zwi ḫaṇa u vhifha. Zwenezwo ni ri, “Naa ndi ngani ni sa litshi?” Hai, muṇe wanga. Hu tea u vha na ipfi, ḫhanzi ya u lwa nazwo.

¹⁷² Muṇwe wa vhanna vhahulwanesa mushumoni ḫamusi, a si kale o mmbea zwanda zwawe, ha pfi, “Ndi khou yo ni rabelela, Mukomana Branham, arali ni tshi ḫo ntendela u zwi ita, uri Mudzimu a bvise hezwo mbiluni yaṇu.” Ha pfi, “Litshani avho vhasadzi, kha izwo zwithu.”

¹⁷³ Nda ri, ndo ri, “Naa izwo ni a zwi tenda, muṇe wanga? Ni mureri wa vhukhethwa.”

¹⁷⁴ A ri, “Vhukuma. A thi zwi tendi, fhedzi,” ha pfi, “izwo zwi—izwo zwi kha . . .”

Nda ri, “Hai.”

A ri, “Izwo zwi kha vhafunzi.”

Nda ri, “A vha khou zwi ita.”

¹⁷⁵ Muňwe u tea u zwi ita. Mulambo u tea u pfukwa. Lukanda lu tea u bviswa. A thi khou ḥodou zwi ita. Mudzimu u a ḫivha uri a thi khou ḥodou zwi ita. Vhunzhi ha avho vhasadzi vha kanzwa vhananga, náhone vha nga lovhisa vhutshilo havho vha tshi itela nné, kačukučuku. Ni a elekanya, nahone tshilidzi tsha Mudzimu tsho shululwa nga Muya Mukhethwa, ni elekanya uri ndo vha ndi tshi nga ima nda tokomelwa huno nda vhona uyo muthu a ṭungufhadzaho a tshi fhufhela ngei nnnda kha Vhutshilo-tshothe a si na fulufhelo, arali ndi sa zwi ḥavheli mukosi?

¹⁷⁶ A si u ḥodou vha muthu o thanyaho; fhedzi muya wa ulu lushaka, muya wa tshivhidzo, a si Muya wa Kristo, zwino; muya wa tshivhidzo, dinomineisheni, wo kudza havha vhasadzi hangei nnnda ngomu ha ayo maṭapatapa. Huno nné ndi ipfi fhedzi, li vhidzelelaho, “Ibvari khalo. Shavhani iyo tshika.” Ni songo tendela diabolo a tshi ita tshithu tsho raloho kha inwi. Zwo khakhea!

¹⁷⁷ Huno inwi Khuvhangano dza Mudzimu, ni tendela vhasadzi, ni tendela vhasadzi vha tshi fhungudzela mavhudzi avho, fhedzi na vha dzivhisa u ḫola zwidolodolo. Vhukuma a hu tou vha na Luňwalo lu lwaho na zwidolodolo, fhedzi lu hone lu no lwa na u fhungudzela mavhudzi anu. Ho ngo vhuya a tea u rabela phandá ha Mudzimu, Bivhili i rało. Munna wawe u na pfanelo ya u mu nea muṭalano huno a mu ṭutshela. Ndi zwone. U ḫimela kha shango sa musadzi o tshikafhalaho. Bivhili yo ralo. U nyadzisa munna wawe ene muṇe musi a tshi zwi ita. Izwo ndi zwone kokotolo zwe Bivhili ya amba. Ni a vhona?

¹⁷⁸ Ndi zwone, fhedzi musadzi a no ḫola zwidolodolo, ri wana musadzi o zwi ita Bivhilini, muthihi fhedzi. Ho vha hu Jesebele. Uyo ndi uyo we a vha e ene. Muthu fhedzi Bivhilini we a vhuya a ḫola zwidolodolo, o vha e Jesebele, huno nga khathihi fhedzi Mudzimu a mu kumedzela kha—kha maṭarelwa uri a mu le. O vha a shonisaho, nahone na zwawe . . . Tshińwe na tshińwe, tshithu tshińwe na tshińwe tshi sa lavhelesei tshi tshavhuđi tshi vhidzwa Jesebele.

¹⁷⁹ A ni tei u ita hezwo. A ni tei u zwi ita. Naa ndi tshini tshi no ita uri ni zwi ite-ha? Muya wa diabolo.

¹⁸⁰ A ni zwi limuwi. Ndi a ḫivha uri a ni ralo. Ni—ni vhathu vhavhuđisa. Ni vhavhuđi. Ni a nkhađa, ni amba na nné.

¹⁸¹ Huno ndi a ni funa. Izwo ndi zwone. Fhedzi arali izwo ndi tshi zwi vhona, ndi nga si vhe muhoi naa . . . Paulo o ri, “A tho ngo litsha u ni vhudza Ndayo yothe ya Mudzimu.” Ngavhe hu sa

vhi na malofha a musadzi a no vhilwa kha nne nga ilo Duvha, kana a munna. Ndo ni vhudza Ngoho. Huno ndo zwi vhenga u zwi ita; hu si u vhenga ngauri a thi t̄odi u ita zwine Mudzimu a mmbudza uri ndi zwi ite, fhedzi ndi a ni funa. A thi t̄odi u ni vhaisa, ngauralo ndi khou yo itani? Fhedzi Lufuno Lukhethwa lwo kunaho, lu do ni khadela u zwi ita.

¹⁸² Yesu o vhuya a rabela u tinya tshifhambano. “Naa zwi a konadzea uri tshinwelo tshi fhire?” Ha pfi, “Naho zwe ralo, hu si lufuno Lwanga, Lwau.”

¹⁸³ Naa nne ndi khou yo vha muthu a no amba hezwi? Naa nne ndi khou do tea u dzhia avho vhasadzi vha vhut̄hogwa vhane vha vha vhavhud̄i nga maanda na tshiñwe na tshiñwe, huno nda sokou vha tzhakekanya? Naa nne ndi khou do tea u ralo? Naa nne ndi khou do tea u dzhia vhakomana vhanga vha re vhashumeli, huno nda ima henefho nahone nda vha vhudza uri vha funa tshelede na di—dinomineisheni u fhira u funa Mudzimu khavho? Nne, kha vhakomana vhanga vha vhut̄hogwa vha no vhea tshanda tshavho... Oo, ndi tea u zwi ita hezwo? Oo Mudzimu, u songo ntendela u zwi ita.

¹⁸⁴ Fhedzi a tho ngo litsha u ni vhudza Ndayo yothe. Ndi Lufuno vhukumakuma lwe lwa nkhadela u zwi ita.

¹⁸⁵ Naa izwo ndi ngazwo uyu Mulaedza wo vha nga ndila iyi? A hu na huñwe fhethu-vho shangoni hune wa vha hone. Naa u kha mini? Zwo luga. Vha a ofha. Ni a vhona? Fhedzi wo vha u si na nyofho. Kokotolo. Tshifhinga tshothe Mudzimu u nga iyo ndila, ni a vhona. Zwo luga. Naa izwi ndi ngazwo vhasadzi vho kaidziwa nga maanda nga uyu Mulaedza? Ndi sa divhi, wo vha u songo dzumbululwa. Ndo t̄anelwa wone, fhedzi a wo ngo da kha nne u swika liñwe d̄uvha. Ni a vhona? Sedzani hafhalā. Zwo luga. Ngoho zwi fanela mushumo.

¹⁸⁶ Zwino imani lwa tshifhinganyana. Naa ho vhuya ha vha na tshifhinga tshe ha vha na shango la musadzi? Iina. U ya nga divhazwakale, mađuvhani a Eliya, ho vha hu na musadzi o rinwaho Jesebele. Huno o wana u vhusa tshivhidzo tsha Mudzimu, zwine Bivhili ya ri u do ralo hafhu mađuvhani a u fhedzisela; mya wawe, nga kha tshivhidzo, dzangano. Nahone tshi do vha phombwe, na zwiñwe zwivhidzo zwothe natsho zwi do vha vharengisamivhili, u tou fana na zwine tsha vha zwone. Naa izwo ndi zwone? [Tshivhidzo tshi ri, “Amene.”—Mudz.]

¹⁸⁷ Nzumbululo 17, yo ri, “Ndi phombwe, nahone ndi MME A DZIPHOMBWE.” Avho vha nga si vhe vhanna. Avho ndi vhasadzi. Ni a vhona? Huno vhot̄he vho poselwa, vha tshi khou tshila, ngomu Dzivhani la Mulilo, huno vha swa. Izwo ndi ngoho? Khezwo.

¹⁸⁸ Dzhielani nzhele, musi uyo Jesebele a tshi vuwa vhuponi, ho vha na munna we a lwa nae. Mudzimu o disa munna. A ri vhuyi ra divha na hune a bva hone. O vha a si na zwa murahu zwa

mushumo wawe. Na kathihi ho ngo vha tshifhe kana tshiñwe tshithu. O tou da, munna wa kale wa vhuhali wa daka we dzina lawe la vha li Eliya, huno a vhea mbado tsindeni la muri, nahone vha mu vhenga. A si izwo fhedzi, fhedzi tshivhidzo tshawe tshothe tsho mu vhenga.

¹⁸⁹ Huno nga tshiñwe tshifhinga o elekanya zwauri o ima e eþe. O ri, “Hai, Ndi kha di vha na vha zwigidi zwa sumbe vhane vha kha di vha na iwe.” Ni a vhona? Itsho tsho vha tshi itsho tshigwada tsho nangiwaho, ni a vhona. Tshifhinga tshoþhe hu na itsho tshigwada. Ha pfi, “U songo ofha, Eliya. Ndi a zwi ðivha uri u elekanya zwauri wo fhelelwa, ngauri dinomineisheni dzo u pandamedza hangei nþha ha muvhundu. Fhedzi,” ha pfi, “Ndi na vha zwigidi zwa sumbe vha no tenda zwenezwo zwithihi zwine wa khou zwi rera. Ni a vhona, Ndi navho.”

¹⁹⁰ Zwenezwo nga murahu ha ðuvha lawe, Roma ya thoma u langa, huno ho mbo da tshifhinga tshe ha vha na shango la musadzi hafhu, fesheni dzoþhe dza—dza vhasadzi, nga ndila ine vha bva nga dzikapi na zwithu, ni a vhona. Huno Mudzimu o vusa muñwe a re na Muya wonoyo muthihi khae, Muya wa Elisha. Naa izwo ndi zwone? Huno o ri, “Mbado yo vhewa tsindeni la muri.”

¹⁹¹ Huno ho vha hu na musadzi muñku wa kale wa swili ngomu heneþho, o malaho wawe... o þutshelaho munna wawe, a mala mukomana wawe, Herode. Herodiasi, huno o vha e mu—mudziamirubo o penndwaho wa iþo ðuvha, a tshina. O funzedza musidzana wawe u tshina. O vha e na ñwananyana, nga khotsi awe vho mu alusaho, kho—khotsi vho alusaho; nga khotsi, mukomana wawe. Herodiasi! Uyo o vha e ñwananyana wa—wa—wa uyo musadzi. Huno zwenezwo o mu funzedza u tshina, huno a vha mutshini vhukuma a bvulaho zwiambaro, o dzhielelaho mme awe. Huno o elekanya zwauri a nga mala luña kana luþanu, a ita tshiñwe na tshiñwe tshe a þoda.

¹⁹² Huno Herode ngoyu u a bva. Vhoþhe vho vha vhe Vhayuda, zwino elelwani. Vho vha vhe vhatu vha tshivhidzo. Herode ngoyu u a bva, na tshivhidzo tshawe, u pfa uyu muporofita, vhatu vho tenda uri ndi muporofita.

¹⁹³ O tshimbila o livha zwifhaþuwo zwavho, huno a ri, “Mulayo a u zwi tendeli zwauri u nga vha nae.” Huno izwo zwo ita uri a thathabe! Ni a vhona?

¹⁹⁴ Zwino, muñwe munna zwawe o vha a tshi do vha o ri, “Hu tou ita hani, Herodiasi? Ro takala nga ngoho u vha na inwi tshivhidzon tshashu ñamusi.” Fhedzi hu si Yohane.

¹⁹⁵ Yesu o ri, “Naa no vha no yo vhona nnyi, musi no bva u yo vhona Yohane? Naa no vha no ya u vhona uyo o ambaraho vhunga tshifhe? Hai, ane a nga kona, ulwo lushaka lu khisa lushie nahone lwa swiþa vhafu.” Ni a vhona? O ri, “Naa no vha no yo vhona mini? Muya, luþanga lu no dzinginyiswa nga

muñwe myua-vho? Vha ri, 'Ida hangeno, Yohane. Ri do u badela lwo engedzeaho arali wa ri rerela. Nahone, riñe, ri dzangano lihulwane nga maanda.'?" Hu si Yohane. Hai, na kathihi ho ngo ya u vhona hezwo.

¹⁹⁶ Ho pfi, "Naa no vha no ya u vhona mini, zwenezwo, musi no ya u pfa na u vhona Yohane, muporofita?" A ri, "Huno Ndi ri, kha inwi, a fhiraho muporofita!... ni nga zwi tanganedza, uyu ndi ene we muporofita a amba nga hae uri u khou da, 'Ndi do ruma mudinda Wanga phanda Hanga, huno u do lugisa ndila ya Murena.'" O vha e muqinda wa Mulanga. A ri, "A hu athu vha na munna, o bebwaho nga musadzi, a re muhulwane sa ene." Ni a vhona?

¹⁹⁷ Ulwo ndi lushaka lwa munna we Mudzimu a mu vusa a tshi itela ilo duvha, Eliya, mudzia-u-dzulađakani. Yohane, zwenezwo zwithihi. Ni a vhona? Muya wa Eliya wo vha u kha Yohane. Huno U ri, musi hu tshi da duvha la musadzi hafhu, uyo Muya u do vuwa hafhu, "Murena a sa athu U Da, musi lifhasi li tshi do fhiswa, huno vho lugaho vha tshimbila ntsha ha mi-milora ya vhavhi, vhunga milora fhasi ha milenzhe yavho." O zwi fulufhedzisa, hafhu, mađuvhani aya. Dzhielani nzhele, izwo Muya Mukhethwa wo zwi fulufhedzisa. Zwo tea kha tshifhinga tshine ra khou tshila khatsho.

¹⁹⁸ Hu fanela u vha na muñwe a no vuwa. Uyo u tea u da, ngauri ndi U RALO MURENA, Maleaxi ndima ya 4. Itsho ndi tshone kokotolo tshe A amba uri tshi do vha tshiga, "Hu sa athu da Duvha lihulwane li ofhisaho la Murena, Ndi do ni rumela Eliya." Huno u do itani? "U do rembulusa mbilu dza vhana dza vhuyeleta kha Pfunzo ya vhokhotsi, murahu kha Bivhili," vha bva kha idzi phambano dza dinomineisheni, "huno vha vhuyeleta kha Bivhili, murahu kha Mudzimu." Izwo ndi zwe a vha a tshi do ita. Dzhielani nzhele tshifhinga tshihulwane tshine ra khou tshila khatsho.

¹⁹⁹ Avho vhaporofita vho kaidza avho vhasadzi vha musalauyo wa mađuvhani avho, huno vhothe vho zwi badela nga vhutshilo havho. Divhazwakale i sumbedza uri tshinwe na tshinwe tsha izwo zwifhinga tsho vha tshi shango la musadzi, musi vhasadzi vha tshi langa.

²⁰⁰ Sedzani ñamusi. Ri do vha na inwe, Phuresidennde, nga liñwe la haya mađuvha, zwi vhonala zwi tshi nga zwi nga bvelela zwa zwino. Vhukuma, wa musadzi ndi Phuresidennde. Ni a vhona? Wa munna u tou vha murangaphanda a si na maanda. A si kale-kale hafha, kha luñwe lwa dziñwe tshakha, wa musadzi o vha a tshi khou wana thendo khulu na tshinwe na tshinwe kha vhathu vhothe, u swika Phuresidennde, ene muñe, a tshi ri, "Ndi nne munna wawe" Phuresidennde wa United States, ni a vhona. U vhekanya dzifesheni, vhasadzi vha tshi khou zwi tevhela, ni a vhona, u tou fana na zwe Jesebele a ita. No pfa theroyangana

ha *Vhurereli Ha Jesebele*. Ni a ñivha. Ni a ñivha nga hayo. Ni a vhona hune ra vha hone zwino?

²⁰¹ Ni a vhona zwe bvelelaho hafha, vhege kana mbili dzo fhiraho, hafha mudini? Mushumeli wa Lutendo lwa Luther o ramba tshifhe wa Katolika wa Mbilu Khethwa uri a de nahone a yo mu rerela, huno a ralo, huno mushumeli wa Lutendo lwa Luther a ya ha tshifhe wa Katolika huno a yo mu rerela.

²⁰² Khorø ya Zwihidzo ya henengyeo zwino, i no khou kuvhangana Roma. Ulu luñwalo lwa phiriselo lwe khonani yanga yavhudzi, David duPlessis; musi ndo dzula henehala huno nda mu lilela malugana nalwo, kha Fourteen-Mile Creek, zwi si zwa kale-kale; a sa limuwi zwauri o kudza tshivhidzo henehfo ngomu Babele, musi muñwe na muñwe a tshi ri, “Oo, zwihidzo zweþe zwi khou yo vha zwithihi zwino.” Iina, izwo ndi a zwi ñivha, ni a vhona, zwi tou vha kokotolo zwe zwa ñwalwa kha bugu yanga ya vhaporofita nga 1933, zwi no do itea. Mulandu, a ni limuwi zwauri Sañhane u khou þanganya fhethu huthihi? Bivhili i a zwi amba hezwo. Huno nga murahu ha tshituku, lwa tshifhinganyana fhedzi, musi zwi tshi vha zwithihi, zwenezwo dinomineisheni ya muþanganelano ndi hone yo fhera, ni a vhona. Henehfo hu do vha na luswayo lwañu lwa ñivhanda, ndi zwone. Ni a vhona?

²⁰³ Ndi tou vha ndi si na tshifhinga tsha u bvela phanda na hezwi, fhedzi, i þodou rwa kotara ya fumimbili. Ni a vhona, ndi þodou fhedza hezwi, wanani tshiga hetshi. Ndi khou tou adza Mañwalo haya ngomu hafha hune ni nga kona u vhona khonadzeo ya hune ra vha hone, huno zwenezwo ri do vala nga miniti i si gathi.

²⁰⁴ Zwino dzhielani nzhele fhedzi zwe zwa itea. Vha—vhaporofita vho kaidza avho vhasadzi kha ayo maðuvha huno vha vhidzwa “vhavhengi-vha-vhasadzi.” Izwo ndi zwone. Ñivhazwakale i sumbedza uri zwe vha zwe ralo.

²⁰⁵ Zwino imani lwa tshifhinganyana. Ni khou ñwala Mañwalo, ni fanela u ñwala Timotheo Ya U Thoma 5:6. Bivhili yo ri, “Musadzi a no tshila e kha—e kha u ñiphina nga lwa shango.” Hu nga si vhe u ñiphina ha Mudzimu; ngauralo zwi tea u vha nga u ralo, ni a vhona. “Musadzi a no tshila e kha u ñiphina nga lwa shango o fa naho a tshi khou tshila.” Izwo ndi zwe muporofita a amba, Paulo Mukhethwa, “Musadzi a no tshila kha nyimele iyi ya shango o fa musi a tshi kha di tshila.” Huno arali a tshi landula khathutshelo, a nga pfuka mukano hune ha si tsha vha na fhethu hawé. Huno zwenezwo hune a vha hone, na maþo awe o penndwaho, mavhudzi awe o þunywaho? Huno o pfuka mutalo, ha na ndila ya u vhuya, huno hu na mushumo u no tea u rerelwa ene. Fhedzi elelwani, nga itsho tshifhinga, zwe fhera tshoþhe. Zwe phethea. Zwi tou þupha.

²⁰⁶ Hu do vha na mushumo une wa do tana zwimangadzo zwihiwlwane, Juele o amba nga u ralo, fhedzi a hu nga do vha na tshifhinga tsha thengululo. Zwo fhela tshothe. Ngwana yo no dzhia Bugu Yayo, huno Vhawe who rengululwaho vho fhela. Vhunga Yesu o thoma a rera huno a landulwa, huno zwenezwo a ya nahone a thupha avho vhe vha vha vhe ngomu heneffo, a rerela avho vhe vha vha vhe dzhele, vhe vha si kone u shanduka, vha si na tshifhinga tsha tshidzo, wonoyo mushumo muthihi u do tea u dovha wa vha hone hafhu. Mini-ha arali uyo wo vha u tshi nga vha Mururo wa Vhuraru, kha who xelaho U Ya Nga Hu Sa Fheli. Mini-ha arali u hone? Ndi a fulufhela a uho. Mini-ha arali u hone? Edzonu zwi elekanya lwa tshifhinganyana zwino. Mini-ha arali u hone? Mudzimu ha tendi. Ndi na vhana. Ni a vhona? Fhedzi nga ngoho u vhonala u tsini nga maanda fhano.

²⁰⁷ Ndi ngani lila bono lo da musi ndi nwana? Ndi ngani ndi songo elekanya nga halo na kathihi? Ndi ngani u farwa nga khofhe zwiłuku uho ho da afho lufherani linwe duvha, ha ri, “U hafha”? U heneffo vhukati ha vha songo tshi-...mi-mimuya yo xelaho. Huno Yesu o i rerela, a tanziela, fhedzi yone—yone a yo ngo shanduka na kathihi. Huno ndi tshi rera lwo engedzeaho, vha tou na. A hu na tshanduko. A hu na fhethu hayo.

²⁰⁸ Ngwana yo dzhia Bugu Yayo musi, Pfundo La Vhułanu Na Vhuvhili lo no dilugisela yone uri li pfuñululwe, Pfundo La Vhułanu Na Vhuthihi. Elelwani, O ri dzumbela Pfundo La Vhułanu Na Vhuvhili. Ho ngo zwi ita. Musi Muruñwa o ima, duvha na duvha, a tshi khou zwi amba, fhedzi-ha Ho ngo zwi ita kha helo. Ho pfi, “Hu na phumulo Tałulu.” A hu na we a divha. Ho vha hu U Da ha Murena.

“Oo,” inwi ni ri, “zwi nga si vhe nga u ralo.” Ndi a fulufhela a zwo ngo ralo.

²⁰⁹ Itonu ri ri tou ya phanda zwiłuku hafha. Ndi na tshiñwe tshithu tsho nwalwaho, ni a vhona. Zwo luga.

²¹⁰ Elelwani, “Uyo a no tshila e kha u diphiña nga lwa shango” nga zwithu zwa shango, a tshi difara vhunga lone. O vha a tshi nga ya tshivhidzoni nahone a difara vhunga mukhethwa, izwo a zwi na na mushumo nazwo lini, ni a vhona, fhedzi, “o fa naho a tshi khou tshila.”

²¹¹ Vhonani zwe dinomineisheni dza mu itela zwone. Dzo mu ita mufari wa Ipfi Likhethwa, zwine zwa fhambana na Bivhili. Dzo mu ita mureri. Luñwalo a lu zwi tendi. Nahone zwino u itwa uri a vhe muvhusi, nedorobo, vhaluvhisi, tshiñwe na tshiñwe shangoni, na mushumeli nquni ya Mudzimu.

²¹² Ngeno, e na mulandu wa tshivhi tshiñwe na tshiñwe tshe tsha vhuya tsha itwa, ndi ene tshivhangi tshatsho. Ndi zwone. Zwino, nne a thi khou; nne a thi khou amba nga ha dzipfanelo. U na mulandu. Ndi ene we a vhanga uri lushie luñwe na luñwe lu bebwe lu sa vhoni. Ndi ene we a vhanga uri tshalo tshiñwe

na tshiñwe tshi gwiwe. Ndi ene we a vhanga tshivhi, vhulwadze, matungu. Ambulentsi i nga si lile nn̄dani ha musi o i vhanga. A hu na vhutshinyi vhune vhu nga itwa, a hu na tshivhi, a hu na lufu, a hu na matungu, a hu na thambulo, nga nn̄da na zwe musadzi a ita. Huno Mudzimu ha mu tendeli u ya kha phuluphithi u rera, fhedzi naho zwo ralo vha a zwi ita. Dinomineisheni, ni a vhona hune ya vha hone?

²¹³ Ndi ene mudzimukadzi. Nga ndila ine diabolo a shuma! Mulandu, vhathu vha Kaçolika vha ita avho, vhasadzi, midzimu, vha vha rabela; izwo ndi zwone, mudzimukadzi Maria, na vhañwe-vho. Ndi vhona he kha Khoro Ya Tshikriste Ya U Vhuedzanya vha amba uri zwi do khunyelela zwine vha do rabela zwo engedzeaho zwiñuku kha Yesu arali zwi tshi do farisa Vhaporotestanti u dzhena. Ni a vhona? Ni a vhona? Oo, izwo zwo fhomiwaho nga tshugela! “Zwi sa shandukisei,” vha ralo. Ni a vhona? U kha di vha onoyo diabolo muthihi wa kale. Bivhili yo ri, “Huno o vhanga uri vhothe vha ḥanganedze luswayo kha phanda dzavho, vhe madzina avho a si ñwalwe Buguni ya Ngwana ya Vhutshilo.”

²¹⁴ Nne ndi khou amba na Tshivhidzo tsho tiwaho, hu si avho vha re ngei nn̄da. Hai, muñe wanga. Kha tshigwada tshiñwe na tshiñwe, O kokodzela nn̄da Vhawe vho tiwaho. Avho ndi vhone vhane A khou dela vhone, kha tshikhathi tshiñwe na tshiñwe.

²¹⁵ Fhedzi ngoyo o ima. Ngoyo. Uyo ndi ene; rerani Ipfi, farani Ipfi, ivhani mudzimukadzi, na tshivhangi tsha tshivhi tshiñwe na tshiñwe. Bivhili yo ri, “Musadzi a thi mu tendeli u funza, kana u shumisa maan̄da, fhedzi nga a vhe wa u thetshelesa sa mu—mulayo na wone u tshi amba.” Ni a vhona? Huno a nga si zwi ite. Fhedzi vha mu ita muvhusi wa shango, nedorobo, muluvhisi; hu si kale u do vha Phuresidennde. Ngoho. Khezwo. Iyo ndi ndila, iyo ndi ndila ine zwa tshimbila ngayo, ni a vhona. Huno vhathu hezwo vha a zwi ita ngauri vha sa londi ili Ipfi. Na kathihi vha nga si zwi vhone.

²¹⁶ Vhonani vhalia Vhayuda vho imaho fhalia, zwikola, vhanna vhavhuđi. Huno Yesu o ri, “Inwi ni vha ha khotsi anu, diabolo.”

²¹⁷ Mini-ha arali ndo vha ndo Mu disa tsengoni zwa zwino phanda hanu? Kha ri tou zwi lingedza lwa tshifhinganyana, huno Mudzimu a nkhangwele u lwa Nae; fhedzi lwa tshifhinganyana, u ni sumbedza tshiñwe tshithu.

²¹⁸ Mini-ha arali ni tshi ri, “Zwo luga, nne, vhugala kha Mudzimu, ndo amba nga dzindimi! Haleluya! Ndi a divha. Nne, iina, ndo—ndo U wana. Fhatutshedzanî Mudzimu. Iina!” Uhuh, no ralo?

²¹⁹ Elelwani vhathu vha Israele. Bivhili yo ri, nga murahu ha musi O vhidzela vhathu nn̄da, huno a vha tshidza kha la Egipita, O vha lozwa nge vha si tevhele Mulaedza. Ni a vhona? Vho la mana a bvaho Ṭadulu. Vho la mana e Mudzimu a a nisa kha

lifhasi u itela vhone uri vha le, huno vha ima vhuhoneni ha mudinda, huno vha vhona Khavhu ya Mulilo, huno vha pfa Ipfi la Mudzimu, nahone vha li vhona li tshi khwaθisedzwa. Huno zwenezwo, nge vha ṭodou tenda Kora, “Hu nga vha na vhanna vhakhethwa who engedzeaho. Hu nga vha na *hetshi*, *hetsho*, kana *tshiñwe*. Ri tea u vha vhakhethwa, na riñe-vho. Ri tea u ita *hetshi* tshothe. Vhathu vhothe ndi vhakhethwa.”

Mudzimu o ri, “Dikhaukanye navho. Tutshela kule na henehfo.”

²²⁰ Mushe a ri, “Vhothe vha no ima na Murena, idani na nne.” Izwo ndi zwone. Ni a vhona? Huno O tou vula lifhasi a vha mila. Ni a vhona?

²²¹ Vho vha vhe vhathu vhavhuđi, na vhone-vho. Ngoho, vho vha who ralo. Vho vha vhe vhathu vhavhuđi. Ee, muñe wanga, fhedzi hezwo a zwo ngo zwi ita. “A si vhothe vha no ri, ‘Murena, Murena,’ nga nnđa ha uyo a no ita lufuno lwa Khotsi Anga.” “A si uyo a no thoma; ndi uyo a no fhedza.” Hezwo, a hu na ndila dza u khauledza; ni a kundiswa magumoni a mbambe. A dziho ndila dza u khauledza. Ni fanela u da fhedzi nga ndila ye Luñwalo lwa amba.

²²² Arali Lu tshi ri, “Shandukani, huno ni lovhedzwe nga Dzina la Yesu Kristo, huno ni do ṭanganedza tshifhiwa tsha Muya Mukhethwa,” a hu na ndila ya u khauledza, u khađana, u vha muthihi na tshivhidzo kana dinomineisheni. Inwi ni da nga heyo Ndila! Nnđani ha musi ni tshi fa kha inwi muñe, huno na bebwā nga Muya wa Mudzimu, no—no—no xela. Ndi zwenezwo fhedzi. A hu na ndila dza u khauledza.

²²³ Inwi ni ri, “Zwo luga, ndi wa tshivhidzo.” Ndi a divha. Izwo ndi zwavhudi. “Zwo luga, mme anga . . .” A thi zwi timatimi hezwo, fhedzi uyu ndi inwi ane nda khou amba nae. Ni a vhona? Ni tea u da nga heyo Ndila, ngauri a hu na ndila dza u khauledza; ni a kundiswa Khañhuloni. Inwi ni da nga Ndila nthihi.

²²⁴ Hu na Ndila nthihi fhedzi, huno Kristo ndi iyo Ndila. Nahone Kristo ndi Ipfi li no tshila ngomu hanu, li no khwaθhisira uri tshiñwe na tshiñwe ndi ngoho tshe A fulufhedzisa nga khalañwaha yatsho. Ni a vhona? Naa izwo no zwi pfesesa? [Tshivhidzo tshi ri, “Amene.”—Mudz.] Zwo luga. Dzhielani nzhele zwino.

²²⁵ Vhanwe vha ri, “Avha vhathu ndi vhavhuđi.” Ngoho. A thi khou ri a si vhathu vhavhuđi. A thi khou ri Cecilia Mukhethwa na vhañwe vhothe who vha si vhasadzi vhavhuđi; na mme anga who vha who tou ralo, fhedzi nñe nga ngoho a thi vha rabeli. Zwa vhukuma hai. Zwa vhukuma, ndo no vhona vhathu vhanzhi vhavhuđi, fhedzi a vha midzimukadzi. Vha vhasadzi, vhanna. “Hu na Mupfumedyi muthihi fhedzi vhukati ha Mudzimu na muthu.”

²²⁶ Zwenezwo ndi ngani, ndi ngani munna o vha a tshi do, Mupentekostala, munna wa shango... ulwo luñwalo lwa phiriselo lwe Mukomana duPlessis, mukomana washu wa vhuthogwa, a tea u lu phadaladza. Khamusi vhanwe vhanu vho lu wana. Lwo vhewa... Iina, no lu wana. Kha Khoro Ya Tshikriste Ya U Vhuedzanya, o disendeka nga mupapa, huno a ri, "Zwo vha zwi zwa maya nga maanda." Uho ndi u ɏalukanya ha maya, a si zwone? "Oo, Muya wa Murena wo vha u hone, zwi zwa maya nga maanda." Iina. Khezwo.

²²⁷ Mulandu? Ngauri ndi tshikhala u ḥanganya Vhaporotestanti na vhenevho fhethu huthihi, zwe ra zwi lwela lwa miñwaha, huno Bivhili yo themendela nahone ya ri vhudza uri izwo zwi do da. Huno vhashu... muñwe wa vharangaphanda vhashu vhahulwane u a dzhena ngomu heneffo, ha pfi, "Izwo ndi zwone. Izwo ndi zwine ra ita," huno tshivhidzo tsha Porotestanti tshothe tshi fhurwa ngazwo.

²²⁸ Huno ndi zwone kokotolo, arali ni tshi do sedza hangei n̄tha, U RALO MURENA. Tsha u thoma, Ipfi lo zwi amba. Zwenezwo Muya wa Murena wa amba, nga 1933, wa amba izwi zwiñwe zwithu zweþhe nga ha tshakha dzi tshi ya nndwani, na nga ndila ine mitshini ya do vha ngayo, na tshiñwe na tshiñwe nga u ralo, wo ri izwo ndi zwone kokotolo zwi no do itea vhufheloni. Huno ngezwi. Na kathihi a zwi athu kundelwa. Huno hafha ri zwi vhona zwi tshi khou vhumbearia.

²²⁹ Ni a elelwa theroyanga nga ha *Vhurereli Ha Jesebele* zwi si zwa kale-kale? Ni a elelwa Elisha a tshi khou tsa nga ndila matsheloni ayo, u vha vhudza? Izwo, ndo rera nga hazwo. Ni a vhona? Na nga ndila ye nda bvumba-ha uri tshifhinga tshi do da musi iyi Khoro Ya Tshikriste Ya U Vhuedzanya mafheleledzoni i tshi do vha luswayo lwa livhanda, ngauri i do vha tshithu tshithihi na livhanda. I khou zwi ita. Kha tshikhathi tshanga, ndo tshila nda zwi vhona. Huno hafha Vhaporotestanti, vhe dzimilioni, vha fhurwa ngazwo. Mulandu? Izwo ndi zwine vha khou zwi ḥoda.

²³⁰ A vha vhone! Yesu o vhudza vha la Vhafarisei, "Inwi vharangaphanda vho pofulaho vha mabofu. Arali bofu li tshi khada bofu," A ri, "ha nga weli oþhe museleni?" Huno afho ndi hune vha wa. Ndo vha ndi tshi nga vhuya nda tenda hani uri munna we a ima na nñe nahone a amba na nñe, a nga vhuya a dzula nahone a bvisa muhumbulo wo raloho! Ni a vhona, "Lo dzumbiwa, maþo, kha vho ɏalifhaho na vho thanyaho, huno a Li dzumbululela vhusie vhu no do guda."

²³¹ Ndi a zwi diyha uri liñwe ðuvha ilo li khou yo lovhisavhutshilo hanga. Izwo ndi zwone. Li khou yo ralo, fhedzi hafha Ngoho i khou ðihwa. Uh-huh.

Wa u thoma u fela iyi pułane ya Muya
 Mukhethwa,
 O vha Yohane Mulovhedzi, fhedzi ho ngo hana;
 o fa sa munna;
 Ho mbo da Murena Yesu, vha Mu vhamba,
 O rera uri Muya u tshidze muthu tshivhini.
 (Naa izwo ndi zwone?)

Vho mbo kanda Stefano, o rera a tshi lwa na
 tshivhi,
 O vha sinyusa nga maanda, vha kwashekanya
 thoho yawe;
 Fhedzi o fa e Muyani, a nekedza maya,
 Huno a ya u tangana na vhañwe, ayo magogo a
 no nea vhutshilo.

Ngoyo Petro na Paulo, na Yohane mukhethwa,
 Vho nekedza vhutshilo havho uri Mafhungo-
 madifha a penye;
 (Naa vho itani?) Vho vanganya malofha avho,
 na vhaporofita vha kale,
 Uri Ipfi la ngoho la Mudzimu li ambiwe nga u
 fulufhedzea.

Mimuya i re phasi ha alitari, yo vha i tshi khou
 lila, “U swika lini?”
 Uri Murena a de u phanisha vhothe vho
 khakhaho;
 Fhedzi hu khou yo vha na vho engedzeaho vha
 no do nea malofha a vhutshilo havho (ee,
 izwo ndi zwone)
 U itela aya Mafhungo-madifha a Muya
 Mukhethwa na muðalo wao mutswuku.

²³² A dzulela fhedzi u rotha malofha! Ee, a do zwi ita nga linwe
 duvha, fhedzi ndo lindela iyo awara musi zwo no khunyelela.

²³³ Munwe khaladzi u kha di bvou wana muloro. O u rumela kha
 nne, ha pfi, “Ndo vha vhona, tshila tshivhidzo tsho dzudzanya
 ndila i no khou yo vhulaha” nne, lwa tshimbewha, tshinwe
 tshifhinga ndi tshi bva goloini yanga, ndi tshi khou dzhena, nda
 thuntshwa zwi tshi bva... Fhedzi ha pfi, “Zwenezwo Muya wa
 ri, ‘Hu si nga tshino tshifhinga, fhedzi tshi do da ngavhuya.’”
 Uh-huh.

²³⁴ Mudzimu ha tendi ndi tshi tendelana na tshinwe tshithu. A
 thi qivhi tshithu nga nda ha Yesu Kristo na u vhambwa Hawe.
 Ri khou tshila kha duvha lo vhifhaho. Tshivhi tsho ita hezwi. Ee.
 Vho—vho kanda Stefano. Vho ita uri thoho ya Yohane i tumulwe,
 wa musadzi o ralo. A thi qivhi uri ri do nekedza hani hashu,
 fhedzi zwi do vha nga linwe duvha. Zwo luga, dzhielani nzhele.

²³⁵ Kha Yohane Mukhethwa, arali no ḥoda ulwo Luñwalo nga ha hezwo. Yohane Mukhethwa 6:49, ndi hune vha ṽa mana, huno Yesu o ri, “Huno, muñwe na muñwe wavho, o fa.”

²³⁶ Hu pfi, “Ndi zwone, khaladzi anga—anga, ndo—ndo vhona yyu musadzi a tshi tshina Muyani.” Oo, iina. Uh-huh. “Ndi vha vhona vha tshi ita hezwo. Ndo mu vhona a tshi amba nga dzindimi. Ndo mu vhona . . .” Iina.

²³⁷ Yesu o ri, “Vhanzhi vha do ḫa kha Nne nga ilo ḫuvha, huno vha ri, ‘Ndo ita hezwi zwithu zwoñhe.’” Ni a vhona? “Vha ṽa mana sogani,” Yesu a ri, “huno, muñwe na muñwe wavho, o khaukanywa lwa U Ya Nga Hu Sa Fheli. Vho fa.” Izwo ndi u ḫuwa lwa U Ya Nga Hu Sa Fheli. Vho lovha henefho sogani.

²³⁸ Ni a elelwa Vhaheberu ndima ya 6, “Avho vhe vha vhuya vha ḫivhadzwa Ngoho, huno vha hana u tshimbila Khayo, a hu tshe na tshanduko khavho.” Ni a vhona, mutendi a re kha luko- . . . Musi Ngoho i tshi ḫekedzwa muthu lwa u fhedza, huno vha hana u I ḫanganedza; u ya nga Bugu ya Vhaheberu, ni a vhona, vha do . . . a hu na na tshithu shangoni tshine tshi nga vhuya tsha vha tshidza.

²³⁹ Vho fhela. A hu na tshanduko, a hu na thengululo, a hu na tsho vha salelaho. Vho khaukanywa lwa U Ya Nga Hu Sa Fheli. Bivhili yo amba nga u ralo, “Vho lindela mulilo u ofhisaho na tsinyuwo zwine zwa do mila swina.” Huno musi Ngoho ya Mafhungo-maqifha yo no sumbedzwa, yo no khwathisedzwa nga hothe, huno zwenezwo vha rembuluwa huno vha I furalela, vho fhela. Ndi zwenezwo fhedzi. Zwi a ofhisira, fhedzi ndi tea u zwi amba.

²⁴⁰ Elelwani Vharuñwa vhe vha si vhulunge vhuimo havho ha u thoma, fhedzi vha ḫuwa henefho kha iyo nn̄du ya dzhele swiswini, hune shango ṽa khou tshimbila ḫamusi kha yeneyo dzhele nthihi, a hu na tshanduko.

²⁴¹ Elelwani miñwaha i si gathi yo fhiraho, ndo ri, musi ndi tshi ḫa ngeno ndi tshi bva Chicago, “America li do i ḫanganedza nañwaha, kana na luthihi ḫi nga si i ḫanganedze.” Ni a vhona he ḫa ya? Iina.

²⁴² Zwino ndi a mangala uri hu nga vha hu Mururo wa Vhuraru? Oo Mudzimu, ngavhe u tshi vha kule na hezwo! Naa izwo ndi zwine Mururo wa Vhuraru wa vha wazwo? U nga vha u wone? Yawee, nñenñe! Zwi elekanyeni, dzikhonani. Zwi elekanyeni; a thi khou takálela u ralo.

²⁴³ Yesu o ri, “Ulu lushaka lwa u hoyo . . .” Arali hezwo ni tshi ḫodou zwi ḫwala, Mateo 23, -sumbe. Ndo—ndo wana hafha, “vhalani hezwo,” fhedzi ni kona u vhona. “Inwi Vhafarisei vho pofulaho!” Tendelani . . .

²⁴⁴ Naa ni na miniti i si gathi lwo fhambanaho? [Tshivhidzo tshi ri, “Amene.”—Mudz.] Kha ri vhone. Kha ri rembulutshele

kha heyo, ngauri ndo ri “i vhaleni.” Ho vha hu na tshinwe tshithu heneffho tshire nda todou tshi vhalo ndi sa athu... Zwino khamusi ndi do tumula tshinwe tshithu-vho nda tshi bvisa, fhedzi kha—kha ri wane fhedzi hetshi lwa tshifhinganyana. Mateo 23, lwa tshifhinganyana, zwo luga, huno ri khou yo thoma kha ndimana ya 27. Itonu thetshelesa zwino. Ni vhale tshithu tshothe musi ni tshi ya hayani, arali ni tshi funa. Hu ḥodea fhedzi miniti yo engedzeaho i si gathi.

²⁴⁵ Zwino sedzani hafha. Mateo 23, huno ni thome kha ndimana ya 27, “Khombo kha inwi, vha mañwalo!” Zwino, elelwani, havha ndi vhanna vhakhethwa vhane A khou amba navho.

Khombo kha inwi, vha mañwalo na inwi Vhafarisei, vhahoi! ngauri ni fana na zwalo zwo hulungwaho nga phemba (avho ndi vhathu vho faho, ni a vhona), zwalo zwo hulungwaho nga phemba, zwine ngoho zwa vhonala zwo naka nga nnda, fhedzi nga ngomu zwo dala marambo a vhafu, na tshika dzothe.

²⁴⁶ Vhunowa na tseda na mufhirifiri, nga ngomu havho; nga nnda, “Ndi Dokotela Mukenenene.”

Na inwi nga nnda ni vhonala sa vho lugaho kha vhathu, (vhonani Khoro Ya Tshikriste Ya U Vhuedzanya na Vhapentekostala vho dzula henengei), fhedzi nga ngomu no dala vhuñowa na vhuvhī.

²⁴⁷ Vhuvhī ndi mini? Tshinwe tshithu tshire na divha uri ndi tshone huno ni sa do tshi ita. Yesu, zwino sedzani zwe A... murafho une A kapea izwi zwino.

Khombo kha inwi, vha mañwalo na Vhafarisei, vhahoi! ngauri ni fhaṭa zwalo zwa vhaporofita, huno na ḥama zwalo zwa vho lugaho, ni a vhona, “Oo, vhaporofita!”

Huno na ri, Arali ro vha ri hone mađuvhani ayo a vhokhotsi ashu, ro vha ri tshi do vha ri songo vha na mukovhe navho kha malofha a vhaporofita.

²⁴⁸ “Ro vha ri tshi do vha ro tenda Ipfi la Murena arali ro vha ro tshila murahu hangei.” Sedzani.

Ngauralo-ha inwi ni vhe ḥanzi ya vhoiwi vhañe, ya uri ni vhana vha avho vho vhulahaho vhaporofita.

Thaphudzani zwe vhokhotsi anu vha siedza.

²⁴⁹ Izwo zwi tou vha zwine zwa khou itea. Zwino sedzani zwine A amba hafha.

Dzinowa ndinwi, na mađana a mavuluvulu, ni nga ponyoka hani mulandu wa vhudzulavhafu?

²⁵⁰ Naa ni nga zwi ita hani? Zwino U khou amba na vhashumeli, ni a vhona, izwo ndi zwone, vhanna vhakhethwa. Naa ni nga ima hani na divha uri Bivhili i a bula nahone ya vhudza avho vhathu

uri vha songo ita hezwo, huno na ima na tendelana nazwo u itela dołara dzi si gathi dzi sa takadzi, dzi no nukha, u itela huñwe hu takalelwa, na uri muñwe a ni phaphathe muñanani huno a ni vhidze “Dokotela”? Naa ni nga amba hani uri avho vhathu ni a vha funa?

Ndi khou rera kha dzitheiphi, na nñe-vho. Ni a vhona?

²⁵¹ Ni nga kona hani, ni nga kona hani uri ni funa avho vhathu, huno na tendela tshithu tsho raloho tshi tshi itea? Ni a vhona? Inwi—inwi Vhafarisei, inwi no pofulaho, inwi dzinowa, inwi madana a mavuluvulu, ni khou yo ponyoka hani mulandu wa vhudzulavhafu? Musi ni . . . Naa muthu ñamusi a nga kona hani, ane a ñivha uri izwi zwithu two khakhea, huno a ima henefho uri a fare tshivhidzo tshawe, u ita uri dinomineisheni yawe i aluwe, huno a kundelwa u vhudza vhasadzi na vhanna? Naa ni khou yo ponyoka hani mbiti dza vhudzulavhafu, hu uri dzo itelwa inwi? Naa ni khou yo zwi ita hani? Ni a vhona?

²⁵² Thetshelesani, thetshelesani hafha. Naa i khou yo vha mini? “Ngauralo . . .” ndimana ya 34.

. . . *vhonani, Ndi ðo ni rumela vhaporofita, . . .*

²⁵³ “Ndi ðo,” tshifhinga tshi ðaho. Ngevho Vhafarisei vhañu vha tshi khou vhuya hafhu. Ni a vhona?

. . . *vhanna vho ðalifhaho, . . . vha mañwalo: huno vhañwe vhavho ni ðo vha vhulaha na vha vhamba kha zwifhambano; huno vhañwe vhavho ni ðo vha rwa sinagogoni dzañu, huno na vha tovhola u bva kha mudi u ya kha munwe:*

²⁵⁴ O bulu zwauri U ðo vha rumela vhaporofita, vhe na Ipfi la Murena. Huno vho vha vha tshi ðo itani? Zwenezwo zwithihi zve vhokhotsi avho vha ita, ngauri izwo ndi zwine na vha zwone. Ni a vhona, mimuya a i fi. Vhathu vha re nayo vha a fa, fhedzi mimuya a i fi. O ri, “Inwi ni vhana. Inwi ni vhone.” Huno itonu dzhiela nzhele ndila ine izwi zwithu zwa vha ngayo.

²⁵⁵ Nga ndila ye Paulo Mukhethwa a ima henefho (inwi ni a tenda zwauri o vha e muporofita?) huno a latekanya vhasadzi, u fhungudzela mavhudzi avho; a latekanya madzangano avho; a ñivhadza zwauri muthu muñwe na muñwe we a vha a songo lovhedzwa nga Dzina la Yesu Kristo u fanela u ða huno a lovhedzwe hafhu. Izwo ndi zwone.

²⁵⁶ Huno ñamusi vha a tendelana nahone vha zwi ñifhisa. A vha ñivhi phambano, nangwe. Zwi pfisa vhuñungu. Arali awara yo fhira, ndi nga di amba hezwi, ni a vhona: vho vha vho pofula, vho telwa u pofula. Mudzimu khathutshela. A vho ngo kona u zwi vhona.

²⁵⁷ Yesu o ri, “Inwi no pofula. Inwi vha mañwalo na Vhafarisei no pofulaho, inwi vhahoi! Musi ni tshi vhala Ipfi ñenelo lithihi le vhothe vha li vhala, huno ngezwi ni a ða na Nndaña. Huno Nñe

ndi kokotolo zwe Ipfi la amba uri li do vha zwone nga lino duvha. Ndo vha wa u vha Mudinda wa lino duvha. Ndi nne Mesia,” O amba, nga maipfi manzhi nga maanda. “Ndi nne Mesia. Naa Ndo kundelwa u zwi sumbedza? Arali Ndi songo ita zwe zwa nwalwa malugana na Nne, zwenezwo Nndañeni. Huno inwi Vhafarisei vho pofulaho ni khadela vhatu vhañu heneffo ngomu ha tshithu tsho raloho, huno na rumela tshigwada tshothe.” Ha pfi, “Ndi zwone, bofu li khada bofu.” Ha pfi, “Inwi ni . . .”

²⁵⁸ Inwi no ri, “Oo, arali ro vha ro tshila murahu kha tshifhinga tsha Paulo Mukhethwa, iina, ndo vha ndi tshi do vha ndo ima na Paulo Mukhethwa.”

²⁵⁹ Inwi vhahoi! Ni a vhona? Naa ndi ngani ni sa imi na Pfunzo yawe? No vha ni tshi do vha no ita zwenezwo zwithihi nga itsho tshifhinga u fana na zwe na ita zwino, ngauri ni vhana vha vhokhotsi anu, vhokhotsi anu vha madzangano: Vhafarisei, Vhasadukei, na vha no diita vho lugaho. Izwo ndi—izwo ndi zwone. Uh-huh. Ndi do ni vhudza, nahone—nahone kha awara ine ra tshila khayo, a thi divhī arali uyu u Mururo Wa Vhuraru? Lwa tshifhinganyana zwino, ni a vhona, Yesu o ri, “Holu lushaka lu wana mulandu muhulwane.” Ni a vhona? Naa a zwi ofhis?

²⁶⁰ Sa Muamerika muhulwane, nga tshiñwe tshifhinga, musi swina lo vha li tshi todou dzhia ili shango, ho vha hu na munna kha awara ya vhusiku vhuhulu, we a fhufhela kha bere huno a gada ndilani, a tshi khou huwelela, “Swina li khou da!” Ho vha hu Paul Revere.

²⁶¹ Nne ndi Muamerika, na nne-vho. Huno ndi khou gada, kha iyi awara ya vhusiku vhuhulu, ndi sa khou ri swina li khou da lini, fhedzi li fhano! A li khou da; lo no di vha fhano! Lo no di kunda. Ndi a ofha uri zwo guma; a tshi khou kunda, kha iyi awara ya vhusiku vhuhulu.

²⁶² Elelwani, ngei Tucson, Vharuñwa vha sumbe, zwe Mulaedza wa vha u zwone, “U khunyeledzwa ha tshiphiri tsha Mudzimu.” Khathihi fhedzi nga murahu ha zwenezwo, ndi tshi khou tsa na muduba . . .

²⁶³ Inwi nothe no no pfa nga ha dzithavha. Dzhielani nzhele. Mukomana Fred u na zwiñwe zwifanyiso dzadzo, na Mukomana Tom. Huno nne ndi na zwiñwe zwifanyiso, miñwe mimuvi, tshiñwe na tshiñwe. Ri khou yo i sumbedza hafha liñwe duvha, u ni sumbedza he dza vha dzi hone. Inwi nothe ni a divhā ayo mafhungo.

²⁶⁴ Sedzani, ḥodzi tharu. O ri, “Ngoyo wañu wa U Thoma, wa Vhuvhili, na wa Vhuraru.”

²⁶⁵ Huno Mukomana Fred u na tshifanyiso tshazwo tshavhuvisa, musi ene na Khaladzi Martha vho na fhira. Makole o no gonya a tshi bva kha muñunu wa mavu, huno o no dzumba dziñwe zweþhe, huno zwi khou tou ḥana Miruro Miraru; muthihi hafha, muthihi hafha, na muñwe afho. Ni a vhona? Iyo sumbe!

²⁶⁶ Sedzani, wa U Thoma, miraru. Tharu ndi khunyeledzo. Izwo ndi musi mushumo u tshi thoma.

²⁶⁷ Mururo Wa Vhuvhili wo vha hu u ḥalukanya mimuya, vhuporofita. (Wa u thoma wo vha hu u fhodza vhalwadze.) Wa Vhuvhili wo vha u vhuporofita he ha ḏa, huno ha ḏivha tshipihiri tsha mihumbulu, musi Ipfi Lone ḥine li tshi vhonadzwa. Zwine, izwo ndi tshilidzi.

²⁶⁸ Fhedzi, elelwani, wa vhuṭanu na vhuvhili ndi wa u fhedza. Naa uyu u nga vha u Mururo wa u fhedza, zwo guma? Naa zwi nga vha zwo ralo? Zwi elekanyeni zwino. Itonu zwi elekanya. Naa ni kha mini? Ni a vhona? Tshifhinga tshoṭhe sumbe ndi ya u fhedza. Miruro Miraru!

²⁶⁹ Mushumo wa Yesu Kristo wo vha u na Miruro Miraru. Naa izwo no zwi ḏivha? Dzhielani nzhele! Nahone ivhani a fulufhedzeaho, arali no no vhuya na ralo vhutshiloni hanu, zwino lwa tshifhinganyana, miniti i si gathi.

²⁷⁰ Mururo Wawe wa U Thoma wo vha hu u fhodza vhalwadze. U vha munna a takalelwaho nga maanda. Muńwe na muńwe o Mu tenda, zwo tou nga zwezwo. Naa izwo ndi zwone? Musi A tshi ya u fhodza vhalwadze, muńwe na muńwe o Mu ḥoda tshivhidzoni tshawe.

²⁷¹ Fhedzi ḥińwe duvha O rembuluwa huno a thoma u porofita, ngauri O vha e Ipfi, nahone O vha e Muporofita we Mushe a amba nga hae. Huno musi A tshi ya u vha vhudza, na u vha vhudza uri vha khou tshila hani, na zwithu zwe vha vha vha tshi khou zwi ita, U vha nga maanda a sa takalelwı. Uyo wo vha u Mururo Wawe Wa Vhuvhili.

²⁷² A thi divhi uri wo fanyisa zwa ngeno murahu hafhu? Itonu elekanya lwa tshifhinganyana. Naa zwi nga vha zwo ralo? Wa U Thoma, u fhodza, muńwe na muńwe. Wa Vhuvhili: “Oo, wo vha u tshi nga vha Yesu Fhedzi. Wo vha u tshi nga vha Belesebulu, wo vha u tshi nga vha . . .” Izwo ndi zwenezwo zwithihi zwe vha ita hangei. Ni a vhona? Mimuya yeneyo mithihi i tshilahlo kha vhathe vha lushaka lwonolwo luthihi, vhathe vho laṭwaho vhane vha si nga tshidzwi na kathihi, ngauri vho vha vho no laṭwa; vhone, vhunga Yudas Isikariote, o bebwaho e murwa wa tshinyalo.

Inwi ni ri, “Yudasi?” Ngoho.

²⁷³ Elelwani, o vha e wa vhurereli nga maanda, fhedzi ho ngo kona u ya phanda na Mulaedza. O kona u dzhia tshipida tshawo, fhedzi ho ngo kona u kondelela tshińwe tshipida tshawo. Vha kona u dzhia phodzo na zwithu zwo ralohu, fhedzi musi zwi tshi ḏa kha Mudzimu a tshi amba ḥhura dza vha hone, zwenezwo izwo ndi zwa ngoho-ngoho nga maandesha khavho. “Zwi nga si vhe nga u ralo!” Uyo o vha e Yudasi. Muya wawe u nga tshila u swika afho fhethu. A nga si ye phanda nazwo nga murahu ha hezwo. Ni a vhona?

²⁷⁴ Vho kona u dzhia Mushe sa o lugaho musi a tshi vula Lwanzhe Lutswuku, na zwiñwe nga u ralo. Fhedzi musi zwi tshi da kha u amba, uri vho vha vha sa tei, vhañwe vho the vho vha vha sa tei u ita *hetshi* kana *hetsho*, kana *tshinwe*: “U ñiita Mudzimu, kha riñe.” Ni a vhona, a vho ngo kona u dzhia hezwo, Kora na vhañwe. Ngauralo, vho ño tea u vha na dzangano, ngauralo Mudzimu o tou vha mila.

²⁷⁵ Mushumo wa Yesu, musi A tshi khou fhodza vhalwadze, “O vha a tshi mangadza, uyo Muporofita muswa wa Galilea! Mulandu, U ita uri mabofu a vhone. Nahone O vusa vhafu. Ri na tsumbo tharu dzaho. Vhukuma U vusa vhafu.”

²⁷⁶ Fhedzi liñwe ñuvha O rembuluwa, A ri, “Inwi madana a mavuluvulu. Ni ñanzwa nga nn̄da ha ndilo. Ni vhonaña ni vhakhethwa, fhedzi ngomu hanu, a ni tshithu nga nn̄da ha muvhuli wa dzinowa.” Oo, musi uvho vhuporofita vhu tshi da, vhu tshi latekanya ilo dzangano, zwo mbo shanduka. Vha Mu shandukela. Izwo ndi zwone. Huno mafheleledzoni, nga u Mu landula, vha Mu vhamba.

²⁷⁷ Fhedzi ni nga si vhulahe Mushumo. U bvela phanda. Ni nga di ededza mudinda, fhedzi ni nga si ededze Mulaedza. Uh-huh. Ndi zwone. O bvela phanda na u tshila. Huno dzhielani nzhele musi Mururo Wa Vhuraru wa mushumo Wawe u tshi ña. Wa U Thoma wo vha hu u fhodza vhalwadze.

²⁷⁸ Wa Vhuvhili wo vha u tshi kaidza madzangano, nahone u tshi porofita; zwe vha ita, zwe vha vha vhe zwone, na zwe zwa vha zwi tshi khou ña. Zwine zwa vha, zwine zwa vha, zwi ño ña; huno zwe zwa vha, zwine zwa vha, huno zwi ño ña. Izwo ndi zwe A ita. Naa izwo ndi zwone? [Tshivhidzo tshi ri, “Amene.”—Mudz.]

²⁷⁹ Fhedzi Mururo Wa Vhuraru Wawe wo vha musi A tshi rerela vho xelaho vhe vha vha si tsha ño kona u tshidzwa. Vho vha vhe henengei fhasi he ayo maño mahulu, o pendwaho a vha e hone, “Ooh, ooh!” O rerela mimuya ngei vhudzulavhafu, ye ya sa tanganedze khathutshelo, fhedzi ya khaukanywa lwa U Ya Nga Hu Sa Fheli na Vhuhone ha Mudzimu. Fhedzi naho zwo ralo vho ño tea u zwi limuwa, zwe A vha e zwone, ngauri Mudzimu o Mu ita uri a vhe henefho.

²⁸⁰ A thi ñivhi arali mushumo Wawe u tshi namela nga ndila yeneyo nthihi maðuvhani a u fhedzisela, sa zwe wa vha u zwone? “Vhunga Khotsi o Nthuma, ngauralo Ndi a ni ruma. Mishumo ine Nda ita na inwi ni ño i ita-vho.”

²⁸¹ Vho xelaho, na kathihi a vho ngo kona u tshidzwa. Vho landula khathutshelo. Uyo wo vha u Mururo Wa Vhuraru Wawe.

²⁸² Zwino hu na mbudziso? Mururo Wa U Thoma Wawe, O fhodza vhalwadze. Naa izwo ndi zwone? [Tshivhidzo tshi ri, “Amene.”—Mudz.] Mushumo Wa Vhuvhili Wawe, O vha a tshi khou porofita. Mushumo Wa Vhuraru Wawe wo vha u wa u rerela

vho xelaho U Ya Nga Hu Sa Fheli. Thavha tharu, na zwiñwe; vho xelaho, lwa U Ya Nga Hu Sa Fheli!

²⁸³ Mushumo wa Noaxe, mishumo yothe, yo ita zwenezwo zwithihi. Noaxe o rera. Izwo ndi zwone kokotolo. O dzhena gungwani. Huno musi o no dzhena gungwani, ho vha na mađuvhaha a sumbe e ha sa bvelele tshithu. Vhuñanzi hawe ho rerela vho tewaho nga khathulo.

²⁸⁴ Sodoma na Gomora! Yesu o amba nga hayo yothe sa ine ya khou ða. “Murwa-muthu a sa athu ða, zwi ðo ralo zwa nga mađuvhani a Noaxe, zwi ðo ralo zwa ngå zwe zwa vha zwi zwone mađuvhani a Sodoma.” O amba nga ha Noaxe.

²⁸⁵ Noaxe o vha e na Miruro Miraru, huno Wa Vhuraru wawe wo ya kha vho xelaho nga murahu ha musi vothi lo no valwa. Ngauri, Mudzimu o li litsha la dzula henehala, he ha vha hu si na muthu we a vha a tshi ngå kona u dzenenä kana u bva. Vho vha vhe nga ngomu. Ngauri, (vhunga kha thavha ya vhuñanu na vhuvhili) thavha ndapfusa, afho ndi hone he A dzudza gungwa, thavha. Ni a vhona? Izwo ndi zwone?

²⁸⁶ Mađuvhani a Sodoma, Mururo Wa U Thoma wo vha u Loto o lugaho. Huno Bivhili yo ri, “Zwivhi zwa Sodoma zwo dina maya wawe wo lugaho đuvha na đuvha,” nga ndila ye avho vhasadzi vha ñifara nahone vha ita.

²⁸⁷ Ni a elelwa, “Sa zwe zwa vha zwi zwone mađuvhani a Noaxe.” Naa vho vha vha tshi khou itani? “Vho vha vha tshi la, vha tshi nwa, vha tshi dzea, vha tshi dzewa.” Vhasadzi, ni a vhona, vhasadzi. Naa ho vha hu na mini mađuvhani a—a Sodoma? Vhasadzi.

²⁸⁸ Huno mulaedza wa U Thoma wo vha u Loto. Vho mu sea lwa u mu nyala.

²⁸⁹ Zwenezwo vha rumela vhañwe vhađinda, vhuvhili havho, huno vha tsela fhasi. Uyo wo vha u Mururo Wa Vhuvhili Wawe u itela Loto . . . u itela Sodoma.

²⁹⁰ Fhedzi sedzani Uyo we a ya murahuni, ho vha na khathutshelo yo engedzeaho na yo engedzeaho. Zwo vha zwo no guma nga itsho tshifhinga, zwo no guma nga itsho tshifhinga. Uyo Mudinda wa vhuraru we a tsela henengei, Mururo Wa Vhuraru, O vha e mini? Naa O vha e na lushaka-de lwa mushumo? O dzula na vhanangiwa, huno a vha vhudza zwe zwa vha zwi tshi khou itea murahu Hawe. Izwo ndi zwone? Fhedzi musi A tshi tsa a dzhena Babele, kana ngomu Sodoma, O ñoda u wanulula . . .

²⁹¹ Na Abrahamu, a tshi khou lila, “Arali ndi tshi nga wana vha mahumi mađanu vho lugaho?” U ya phanda u swika kha “vha fumi vho lugaho?”

Mudzimu a ri, “Ee, wana vha fumi vho lugaho.”

²⁹² Ntendeleni ndi ni vhudze tshiñwe tshithu, khaladzi, lwa tshifhinganyana. Ni nga di vha ni mulala, fhedzi ni na tshiñwe tshithu tshine idzi khosikadzi dza vhudzekani dza si vhe natsho. Ni na tshiñwe tshithu tshine na kathihi i nga si vhe natsho. Ndi zwone. Ni nga di vha ni mulala kha kuambarele kwanu, ambarani vhunga mufumakadzi. Vha nga di ri, “Vhonani uyo muvhumbuluwi-mukhethwa wa kale.” Ni songo vhilaela. U na tshiñwe tshithu tshine iyo khosikadzi thukhu ya kale ya vhudzekani, ine ya vha na shango lothe lo i sedzaho ngeyo nn̄da, i si vhe natsho. Na kathihi i nga si vhe natsho. O xela, lwa U Ya Nga Hu Sa Fheli. O tewa nga khatulo. Ni a vhona? Na kathihi ha... Ni na vhudilisi; ni na maanda. Yone a i na tshithu. Yone i na tshiunzwedzi tshi no fasha mimuya tsha i dzhenisa vhudzulayhafu. Vho pofulaho vha tshimbila ngomu hayo. Zwino, inwi ni na tshiñwe tshithu.

²⁹³ Ni a divha, ni nga di vhuya na si vhe kha bugu ya tshividzo, fhedzi vhu nga di vha vhu vhutshilo hanu ho lugaho ho faraho mbiti dza Mudzimu kha shango ñamusi. Shango a li nga zwi tendi. Inwi musadzi a no vhidzwa muvhumbuluwi-mukhethwa, inwi munna mułuku ane a sa divhe na tshithu, fhedzi ni lilela Mudzimu, masiari na vhusiku, u itela zwivhi zwa shango, ni nga di vha ni uyo o faraho mbiti uri dzi si duge. “Arali Ndi tshi nga wana fumi, Ndi do li tshidza. Arali Ndi tshi nga wana fumi!” “Sa zwe zwa vha zwi zwone mađuvhani a Sodoma, zwi do vha nga u ralo.” Ni a vhona zwine nda amba?

²⁹⁴ A si, “Arali Ndi tshi nga wana Vhamethodisi vha fumi, arali Ndi tshi nga wana Vhabaphuthisi vha fumi, arali Ndi tshi nga wana Vhapentekostała vha fumi, arali Ndi tshi nga wana vhoraałletiki vha fumi, arali Ndi tshi nga wana vhatendelamilayo vha fumi, arali Ndi tshi nga wana vhashumeli vha fumi.”

²⁹⁵ Fhedzi, “Arali Ndi tshi nga wana vha fumi vho lugaho!” Hu na Muthihi o lugaho, uyo ndi Kristo. Kristo a no khou tshila kha Muthihi, avho vha fumi, ni a vhona, “Ndi do u tshidza.”

²⁹⁶ Fhedzi uyo Muđinda wa u fhedza o rerela vho tewaho nga khatulo. Inwi ni ri... O tsela henengei phasi. Luňwalo a lu ambi zwe zwa bvelela, fhedzi mulilo wo wa nga matsheloni a tevhelaho, ndi zwone, nga murahu ha musi O no ita izwo zwiga, khathihi fhedzi nga murahu ha musi O no ita mushumo Wawe wa vhuporofita. “Naa ndi ngani Sarah o sea?”

O ri, “A tho ngo ralo.”

Ha pfi, “Ee, wo ralo.” Ni a vhona?

²⁹⁷ Zwino, khathihi fhedzi nga murahu ha hezwo, A dzhena Babele, kana o tsela phasi ngomu Sodoma. Na kathihi Ho ngo vha wana, ngauralo mulilo wa wa. O wana Loto na vhananyana vhawe vhavhili, ha pfi, “Ibva hafha zwa zwino.” Ni a vhona? O bva. A tsela phasi henengei. Elelwani, O vha e ndilani Yawe ya

u tsela fhasi. A rumा vhadinda phanda Hawe, fhedzi Ene muñe A tsela fhasi, ndi zwone, u wanulula arali itshi tshithu tshothe tsho vha tsho ralo. Huno O u wana wo dala mini? Vhasadzi vha zwifhañuwo zwo pendwaho. Mulaedza kha vho tewaho nga khañhulo. Naa vho itani? Who u sea.

²⁹⁸ Naa ñamusi vha itani? Zwenezwo zwithihi. “Ndi wa Dzikhuyhangano. Ndi wa Vhuthihi. Nñe ndi—nñe ndi...ndo tshina Muyani. Vhugala kha Mudzimu, ndi amba ñga...” Zwo luga, isani phanda. “Ndi ño ñunya mayhudzi anga arali ndi tshi ñoda u ralo. Ndi ño ita *hetshi*. Ndi ño—ndi ño tou amba *hetshi*. A thi tei u lovchedzwa nga Dzina ña Yesu. A—a thi londi zwo ambiwaho. Paulo ndi muvhengi wa vhasadzi wa kale, naho zwo ralo. Izwo ndi...” Zwo luga, isani phanda.

²⁹⁹ Nga liñwe ña haya mađuvha, arali ni sa athu, ni ño pfuka uyo mutalo. Na kathihi ni nga si tsha tama na luthihi u ita zwi re zwone. Naa no pfa zwe nda amba? Ndi fhungo. Mukomana, khaladzi, ni a limuwa zwo ambiwaho? Ni ño pfuka uyo mutalo, huno na kathihi ni nga si tsha ñoda u zwi ita. Ni kha ñi ño pfa Mafhungo-mađifha, ngoho, fhedzi ni nga si A ñanganedze na kathihi. Ni nga si kone u A ñanganedza. Fhedzi Mafhungo—mađifha a ño rerelwa vho teaho khañhulo, avho vho xelaho lwa U Ya Nga Hu Sa Pheli, vhane vha nga si tshidzwe, na luthihi. No no ñi vha afho fhethu, huno a ni zwi ñivhi. Ni elekanya uri ni khou tshila nga u ñiphiña, huno no fa ni tshi kha ñi tshila.

³⁰⁰ Oo, thetselesani. Avho vhothe vho landulaho Mulaedza wa awara, hu sa athu ña khañhulo, Mafhungo-mađifha o rerelwa vho teaho khañhulo, u thoma, vha sa athu ñuwa; vha si na khathutshelo. Noaxe, a tshi vala, ho vha hu vhuñanzi. Mudzimu o vala vothi, nga murahu ha Mururo Wa Vhuraru wawe. Nga murahu ha Mururo Wa Vhuraru ngei Sodoma, mahothi o valwa. Ho vha hu si tshe na khathutshelo na luthihi. Vha fumi a vho ngo kona u wanala. Huno vho xelaho vho ño rerelwa Mafhungo—mađifha, vhe vha si kone u tshidzwa, ngauri ho vha hu tshi tou vha... Zwo vha nga iyo ñdila tshikhathi tshiñwe na tshiñwe, tshikhathi tshiñwe na tshiñwe tshi landula Mulaedza hu sa athu ña khañhulo.

³⁰¹ Naa vho zwi ita hafhu? Naa uyo u khou bvelela kha Khavhu ya Mulilo hafha fhasi kha mulambo? Naa izwo na zwone zwi khou bvelela kha Mulaedza wa u tshea vhasadzi, na u posela fhethu hune wa tea u vha hone, na u kaidza avho vhashumeli vha no ima na dinomineisheni vhudzuloni ha u kwambatela Ipfi? Ngeno, Mudzimu o khwañhisézda nga hothe uri ndi Ene, huno a si tshiñwe tshithu tshi ñungufhadzaho tshi sa ñivhi tshi songo funzeaho vhunga muthu. Ndi Mudzimu! Huno zwino ro ña fhethu hune Mururo Wa Vhuraru wa ño vhuya hafhu kha vho xelaho, lwa U Ya Nga Hu Sa Pheli?

³⁰² Naa izwo two vha zwi ilo bono le nda newa, ndi tshee mutukana mučukučuku ngei nn̄da? Huno nda ya Vhukovhela, huno ngetsho Tshifhambano tsha musuku tsha Mafhungomadifha tshi no penyela phasi, tsho divhadzaho tshiga tshi bvaho Tađulu, two tou kokotolo. Elelwani, Tshifhambano tsho vha tshi vhuponi vhu no khou fhira, vhunga phi—vhunga phiramidi, na yone, yo fhačwa. Ni a vhona? Naa i nga vha i uri ndi tshipida tsha thoho he ya guma, huno ya thoma u bva *hafha* huno ya da kha vhukoma?

³⁰³ Vhunga phiramidi, i tshi da nga Luther, Wesley, Pentekoste, huno zwenezwo ha da u tibedzwa ha thodzi ya tombo. Naa uho hu nga vha hu hone? Arali uho hu hone, ri ngafhi? Hone, uhu hu nga di vha. Ndi a fulufhela uri a si hone, fhedzi hu tea u vha hone. Hu khou vha hone. Itonu elelwa, iyo mishumo i tea u vha yone, tshifhinga tshothe i a andana lune ya tou fana, na muñwe. Hu tea u da. Huno Mudzimu ha shanduki. Zwi elekanyeni!

³⁰⁴ Lumani luvalo lwaču nga mano anu a maya, huno ni wanulule hune ra vha hone. Mini-ha arali hu hone, huno ni tshi kha di vha nga ndila ine na vha ngayo? Zwenezwo ni nga di tou tshimbila zwaču... No fhela, avho vha re nn̄da. Nga murahu ha musi Bugu yo no dzhiwa nga Ngwana, Pfundo La Vhučanu Na Vhuthihi li a dzumbululwa na Mapfundo othe, two fhela. Zwi nga di vha two ralo. Ndi a fulufhela a two ngo ralo. Zwi nga di vha two ralo. Two luga.

Zwino, naa izwo ndi ngazwo uyu Mururo Wa Vhuraru wo mona-mona tshifhinga tshilapfu?

³⁰⁵ Ni dzhiela nzhele, Mururo Wa U Thoma na Mururo Wa Vhuvhili wo bva kha muñwe wa ya kha muñwe. Ndo bula, ni a elelwa, musi ndi tshi thoma, nga ha Wa U Thoma. Huno ndo ri, “Hu do da tshifhinga tshire nahone Wa do divha zwiphiri zwa mbilu.” Ni a elelwa? Naa ndi vhangana? Mūlandu, inwi nothe ni a zwi elelwa hezwo, kha mičangano yanga u mona hothe. Huno vhuñwe vhusiku ndo tou dzhena Regina, henengei n̄tha, huno nda tshimbila kha pulatifomo; na Mukomana Baxter e heneffo, vhatu vha re na tshivhalo vha tshigidi. Huno munna a gonya pulatifomo, [Mukomana Branham u lidza munwe wawe luthihi—Mudz.] huno tsha vha tshi heneffo. Huno u bva afho two vha zwenezwo zwithihi.

³⁰⁶ Fhedzi ho no fhela miñwaha tshee nda vhuja mudavhini, miñwaha miña, i no ḥodou swika mičanu tshee nda vhuja. Naa ndi mini? Naa ndi mini tsho itaho hetshi? Naa izwo ndi ngazwo izwo two vha zwi tshi nga rangani, kha Genesi, “U sa fhela mbilu ha Mudzimu”?

³⁰⁷ Elelwani, musi A tshi ita shango, nga ḥuvha la vhučanu na vhuvhili Ho ngo ita tshithu. O awela. Ni a vhona? Mudzimu o vha a sa fheli mbilu nga uyo nwaha wa vhučanu na vhuhihi, a sa funi

na muthihi a tshi xela, fhedzi uri vhothe vha de kha u shanduka. Mudzimu o vha a sa fheli mbilu.

³⁰⁸ Hafhu, nahone, kha Genesi 15:16, arali ni tshi todou i nwala, 16, 15. O vhudza Abrahamu, "Hangei shangoni la Vhaamori, vhuvhi havho," vho vha vhe Vhannda zwino. "Ndi nga si kone u ni dzhenisa afho ngomu zwa zwino, ngauri vhuvhi ha Vhaamori, Vhannda, a vhu athu dala. Fhedzi Ndi do vha haṭula. Ndi do da kha uyo murafho wa vhuṇa, huno zwenezwo Ndi do haṭula ulwo lushaka nga mugo wa tsimbi." Naa izwo ndi zwone?

³⁰⁹ Naa ho no vha tshifhinga tshingafha, tshe u sa fhela mbilu ha Mudzimu, mushumo u sa fhidzi, nga theiphi na tshiñwe na tshiñwe-vho, wo gama u budekanya na shango, u vhona arali hu tshi kha di vha na muñwe hafhu? Fhedzi khamusi uyo muñwe wa u fhedza u kha di bvou dzhena. Naa ho vha vhuvhi ho itaho uri hu vhe—hu vhe tshifhinga tshilapfu? Arali Yesu e onoyo muthihi, ane A vha, Vhaheberu 13:8, Mulaedza Wawe u fanela u vha wonoyo muthihi. (Ndi tsini na u vala.) Nyito Yawe i fanela u vha yeneyo nthihi.

³¹⁰ Arali Mururo Wa U Thoma na Wa Vhuvhili i si na u vhudziseswa! Naa hu na mbudziso ḥhalukanyoni yañu malugana na Mururo Wa U Thoma na Wa Vhuvhili? Naa yo khunyelela u tou fana na zwe A amba? [Tshivhidzo tshi ri, "Amene."—Mudz.] Zwenezwo ndi ngani ni tshi vhudzisesa Wa Vhuraru? Ni a vhona? Ndi ngani no vha ni tshi do U vhudzisesa? Mivhili ya u thoma yo divhadzwa nga Luñwalo. Ndo ni sumbedza matsheloni ano uri Wa Vhuraru u divhadzwa nga Luñwalo, na wone-vho.

³¹¹ Sedzani shango, vhonani hune la vha hone. Sedzani uri vho landula hani Ngoho, na uri yo divhadzwa hani nga ndila yo fanelaho, tshipida tsha vhuporofita. Zwino ri ngafhi? Oo Mudzimu, khathutshela! Izwo zwi ita uri mbilu yanga i bve malofha nga ngomu. Mini-ha nga hayo? Naa ri ngafhi?

³¹² Elelwani, idzi ḥthodzi dza sumbe hangei n̄tha, dzo vha dzi tshi nga ni vhudza. Ndi... A hu na iñwe ḥthodzi nga phanda ha hedzo. Dzi kha Continental Divide. I dzhena afho phangani, u bva heneffo. Vhutshilo-tshothe vhu a dzhena. ḥthodzi dza sumbe, heneffo kha Continental Divide. Afho ndi vhukati ha zwi re zwone na zwo khakheaho. Huno magumoni ayo, Mururo Wa Vhuraru wo vha Mururo wa u fhedza wa muduba wa dzithavha. Naa izwo ndi zwone? Ni a vhona? Zwo luga.

³¹³ Noaxe o dzhena, zwenezwo nga murahu ha mađuvha a sumbe, a hu na tshe tsha bvelela, ni a vhona. Nga mađuvha a sumbe khaṭhulo ya da. Arali fhedzi... Thetshelesani zwino, u valani. Arali fhedzi, tshifhingani tsha Noaxe, vho vha vha tshi do vha vho divha itsho tshiga! Arali vho vha vha tshi do vha vho divha fhedzi! Zwino ndi khou yo vala. Arali vho vha vha tshi do vha vho divha fhedzi itsho tshiga, shango nga ilo ḫuvha!

Hezwo, Mudzimu o sumbedza hafha, nga u vhalwa ha Luñwalo, tshifhinganyana tsho fhiraho, O lozwa avho vhathu.

³¹⁴ A si uri ho vha hu si na khathutshelo; khathutshelo yo rumelwa khavho nga muporofita. A vho ngo funa u zwi tenda. Mudzimu ndi wa khathutshelo, fhedzi, O rumela khathutshelo fhedzi a vho ngo funa u i ḥanganedza. Tshifhinga tshothe u rumela khathutshelo, u thoma.

³¹⁵ Mini-ha arali vho vha vha tshi do vha vho divha zwauri itsho tshiga tsho vha tshi tshiga tsha tshifhinga tsha vhufhelo? Huno musi vho no vhona, khathihi fhedzi, tshidzo a i tsha vha na maanda. A hu na muthu, ni a vhona. Fhedzi, tshithu tsha u thoma ni a divha, vothi lo valwa. Arali vho... Ho vha na muthu muthihi fhedzi we a divha itsho tshiga, uyo o vha e Noaxe na tshigwada tshawe. Uyo o vha ene fhedzi we a divha. Musi ilo vothi li tshi levhluwa, Noaxe o zwi divha. Noaxe o zwi divha uri uvho ndi vhufhelo. O zwi divha. Izwo ndi zwone. Arali fhedzi no divha tshiga!

³¹⁶ Oo, arali fhedzi vho vha vha tshi do vha vho divha itsho tshiga, musi vha tshi vhona Uyu a tshi dzhena heneffho, o vha e na Abrahamu ngei nt̄ha!

³¹⁷ Arali vho vha vha tshi do vha vho divha fhedzi uri uyo Billy Graham wa ilo duvha, o tsela henengei, ene na Oral Roberts, huno a rera uyo mulaedza kha avho vhathu vho populaho! Arali vho vha vho divha fhedzi, avho Vhamethodisi vho lugaho vha kale na Vhabaphuthisi murahu hangei vho vha tshiga khavho tsha ilo duvha, Loto, musi zwivhi zwi tshi dina wonoyo maya wavho. Zwenezwo Vhamethodisi na Vhabaphuthisi vho vha mini? Vhunga zwe Loto a ita, zwenezwo zwithihi. Fhedzi vho lugaho, heneffho, vho bva. Ngoho.

³¹⁸ Mini-ha arali ho vha hu musi Billy Graham o tsela fhasi, a tshi khou yela tsheo, vha tshi khou ḥafuna tshingamu, vha tshi khou rwana nga mavili, nahone vha tshi khou sea, mavhudzi o fhungudzelwa, zwifhaṭuwo zwi zwe penndwaho, huno vha sa vhuye vha sudzuluwa zwiṭuku malugana nazwo. A vhuya ḫuvha li tevhelaho, huno Billy a ri, “Ndi na zwigidi zwa mahumi mararu; nda vhuya nga murahu ha ḫwaha, huno a thi na na vha mahumi mararu.”

³¹⁹ “Oo, ndo dzhia tsheo. A—a—a thi khou ya vhudzulavhafu; Ndi khou ya Tađulu, ni a vhona,” a tshi ambuwa tshivhini. Arali fhedzi vho vha tshi do vha... .

³²⁰ Huno zwenezwo Mafhungo-madifha a tshi khou rerwa nga Maanda, na zwiga na zwimangadzo, hu na Khavhu ya Mulilo nga nt̄ha hazwo, huno na tshiñwe na tshiñwe tshi tshi khou bvela phanda kokotolo, huno ho bulwa nahone ha dzudzanywa. Arali vho vha vhe na... Vho ri, “Tshigwada tsha vhavhumbuluwi-vhakhethwa. Ndi u vhala muhumbulo. Luñwe lushaka lwa maya wa vhuloi. Diabolo, ndi zwenezwo fhedzi zwine La vha zwone.

Ni songo Li tenda. A li kha dzangano lashu. A ri na mushumo Nalo.” Arali vho vha vho divha fhedzi tshiga! Arali vho vha vho divha fhedzi!

³²¹ Yesu o ri, o ri, “Arali wo vha wo divha fhedzi duvha lau, Yerusalem. Arali wo vha wo kona fhedzi u limuwā! Fhedzi,” a ri, “zwino wo siiwa u wothe.” Ni a vhona? “Arali wo vha u tshi do vha wo divha fhedzi. Oo Yerusalem, Yerusalem, ndi kangana Ndi tshi do vha ndo u kuvhatedza, sa phambo i tshi ralo kha khukwana dzayo, kha khaṭhulo dzine dza do da zwenezwino! Fhedzi a wo ngo divha duvha lau.” “Iwe we wa kanda vhaporofita, nahone wa vhulaha vho lugaho, arali wo vha u tshi do vha wo divha fhedzi duvha lau! Arali wo vha u tshi do vha wo divha fhedzi, huno wo vha untha ha Lunwalo lwau, nahone wo divha uri u da Hanga ho vha hu tshiga tsha vhufhelo hau. Zwino wo pofula. Zwino wo kaidziwa. Tshifhinga tshau tsho fhela.” Huno tsho vha tshi hone. Izwo ndi zwone. “Arali wo vha wo divha fhedzi tshifhinga!”

³²² Sedzani, musi Yesu a tshi ita iyo ndivhadzo, shango lo bvela phanda. Ni a vhona? Shango lo bvela phanda, sa nga misi. Mulandu? Ngauri a vho ngo divha awara yavho.

³²³ Shango lo bvela phanda, musi Noaxe a tshi dzhena gungwani. Shango lo ya phanda. Vhagodi, nga ilo duvha, vho vha vha tshi kha di vha na zwimima zwa vhudzekani. Vha tshi kha di la, u nwa, vha mala, vha ita zwithu zwine vha ita namusi. Zwone kokotolo, sa nga misi. “Ha-ha! Uyo muvhumbuluwi-mukhethwa o vala vothi. Zwino, no no vhuya na pfa nga ha tshithu tsho raloho? Ha-ha! Ni a divha zwine a amba? Rothe ri khou yo ‘nwela khothe.’ Vhuṭafuṭafu! Naa madi a ngafhi?”

³²⁴ Vhagodi, mađuvhani a Noaxe. “Zwi do ralo kha u da ha Murwa-muthu.” Zwo luga. Noaxe o divha tshiga. Zwenezwo zwithihi mađuvhani a Loto. Zwithu zwenezwo zwithihi mađuvhani a Yesu. Zwo ralo na namusi. Vha goda lwa u fhedzisela . . . ? . . .

³²⁵ Zwi a fana na ngei Sodoma, na kathihi a vho ngo divha. Musi uyo Mudinda o ima heneffo, Mulaedza u bvaho ha Mudzimu, vho tou vha sea fhedzi nahone vha lingedza u vha shanda kha mishumo ya vhone vhane. Naa izwo ndi zwone? “Dzhenani nahone ni vhe muthihi na rine. Ivhani muñwe washu.” Naa izwo ndi zwone? “Dzhenani nahone ni vhe muthihi na rine, ivhani muñwe washu. Ni do vha muñwe wa vhatukana. Idani, ivhani muñwe washu.” Ni a vhona? Na kathihi a vho ngo divha tshiga tshavho.

³²⁶ A vho ngo zwi divha zwauri musi uyo Mulaedza wo vha u tshi khou bvela phanda, uri wonoyo . . . A vho ngo kona u zwi vhona, uri mulilo na mbiti dza khaṭhulo, sa Mudzimu, khavhu dza mulilo dza tsevhela dzo vha dzi tshi khou duga lutomboni. A vho ngo kona u zwi vhona. Vhadinda vho kona. Uh-huh.

Loto u zwi ḋivha, na ene-vho. O zwi ḋivha zwauri u hone. Zwa vhukuma.

³²⁷ Zwi a fana na ḥamusi, zwi tou vha zwenezwo zwithihi. Mbiti dzi khou duga, bomo dza atomo dzo lindela, tshiñwe na tshiñwe tshi vhufheloni. Zwi a fana na zwino.

³²⁸ Sedzani, vhathu, thetshelesani. Naa no divha . . . Inwi ni ri, “Mukomana Branham, oo, mini-ha nga halo lōthe?” Ni a divha, vhathu vha nga di bvela phanda na u rera Mafhungo-madifha sa zwe tshifhinga tshōthe vha ita, zwine vha zwi vhidza Mafhungo-madifha, zwi nga fhela. Vho zwi ita mađuvhani a Noaxe. Vho zwi ita mađuvhani a Loto. Vho zwi ita mađuvhani a Yesu. Izwo ndi zwone?

³²⁹ Na Vhayuda, nga murahu ha musi Yesu o vha vhudza uri mbiti . . . “No bala. No fhela. A hu tshe na. No fhela.”

³³⁰ “Oo,” o ri, “uyo muvhumbuluwi-mukhethwa. Naa U bva kha tshikolo-de? Naa O da ngafhi, zwenezwo?”

³³¹ Elelwani, nga itsho tshifhinga O vha o dilugisela Mururo Wa Vhuraru Wawe. Uh-huh. Izwo ndi zwone. O ri, “Ndi kangana Ndo vha ndi tshi qo vha ndo u kuvhatedza!”

³³² Loto o ita mbidzo yawe ya u fhedza . . . kana, ndi amba uri, Muruñwa o ita, muđinda, onoyo we A vha e ene. Mudzimu o imelwa ili ḫuvha, Mudzimu o imelwa ḥamani ya muthu, a ita tshiga tsha u fhedza, a ita mushumo wa u fhedza. Zwa vha zwe fhela-ha.

³³³ Noaxe o rera theroyawe ya u fhedza; vothi la vala murahu hawe. Zwa vha zwe fhela. Vho zwi sea, nahone vha tamba ngazwo.

³³⁴ Elekanyani, vhathu vha nga di bvela phanda na u rera! Khoro Ya Tshikriste Ya U Vhuedzanya i nga di vha nthihi na tshivhidzo tsha Kađolika, sa zwe vha fulufhedzisa u ita. Madzangano othe a nga di da, fhedzi luswayo lwa livhanda lwo no di vha benefho. Vha a lu dzhia, ngomu afho. Ni a vhona? Huno vha ri, “Oo, haleluya, fhađutshedzani Mudzimu, ho vha na vhanzhi nga maanda vho tshidzwaho vhusiku ho fhiraho.” Vho ralo? “Vho tshina Muyani. Vho amba nga dzindimi.” Izwo a zwi ambi na tshithu. Ni a vhona? “Oo, vha na vhulenda na u vuđa na u đitkuđuhadza. Ee, muñe wanga. Vha na mutshelo wa Muya.” Itsho a si tshiga. Na zwiđukuđuku.

³³⁵ Ntendeleni ndi ni nee mutshelo wa Muya, vhukati ha Yesu na Vhafarisei, vhonani uri ndi nnyi we a vha e na mutshelo wa Muya. Mini-ha arali ndo ima, sa zwe nda thoma u amba tshifhinganyana tsho fhiraho, nda lwa na Kristo zwino lwa tshifhinganyana? Mudzimu kha nkhangwele u vhuya nda zwi amba, ni a vhona, fhedzi u tou itela u ni sumbedza tshiñwe tshithu.

³³⁶ Mini-ha arali ndi tshi da kha inwi huno nda ri, "Ambani, inwi tshivhidzo, khonani yaṇu ndi nnyi? Naa ndi nnyi a no ṭana mutshelo wa Muya? Tshifhe waṇu wa kale wa vhulenda. Naa ndi nnyi a no da kha inwi sibadela musi ni tshi lwala? Tshifhe waṇu wa kale wa u vuḍa. Izwo ndi zwone. Naa ndi nnyi ane tshifhinga tshoṭhe a ni hadzima tshelede musi no ṭahelelwa, no hanganea? Inwi mirado ya tshivhidzo tshawe, naa a ni yi kha tshifhe waṇu wa kale wa vhulenda huno a ni hadzima tshelede? Ni a vhona? Naa ndi nnyi ane tshifhinga tshoṭhe a vha a funaho na wa vhulenda, nahone a tshi ṭana mutshelo wa Muya? Tshifhe waṇu wa kale wa vhulenda.

³³⁷ "Naa ndi nnyi uyo o gudaho lwa miñwaha na miñwaha, dzisinagogoni hafha phasi, hune makhlukuku wawe vha mukalaha vha bva hone, ndilani yoṭhe u tsa phasi? Naa ndi nnyi o gudaho huno a wana . . . a shuma nga maanda huno a wana digirii dza dokotela na DziPhD na DziLLD, u divha ili Ipfi, huno a ima hafha nahone a li ḥekedza kha inwi nga matsheloni mañwe na mañwe a Swondāha tshivhidzoni tshawe? Tshifhe waṇu wa kale wa vhulenda.

³³⁸ "Naa ili lishandukwa ndi lifhio, li no vhidzwa 'Yesu'? Naa O bva kha tshikolo-de? Naa U bva kha tshikolo-de? Naa garaṭa Yawē ya vhuṭama i ngafhi? Naa Ndi wa dzangano-de?

³³⁹ "Naa u itani musi inwi noṭhe ni na khani ya muṭa? Naa ndi nnyi a no da kha inwi? Tshifhe waṇu wa kale wa vhulenda, u lingedza u . . . Huno ni ṭaṭa khani na uyu mudzulatsini nga hangeno, huno tshifhe waṇu wa kale wa vhulenda u a da huno a ni takula. Ha pfi, 'Inwi noṭhe ni vhana vha Mudzimu. Ni songo zwi ita hezwo.' Izwo ndi zwe a . . .

³⁴⁰ "Naa ndi tshini tshine uyu Yesu wa Nazaretha a ita? Itsho tshithu u a tshi kherukanya. Naa U itani? U sasalandza nga maanda dzangano ḥanu. Naa U itani? O vhidza tshifhe waṇu 'murangaphanda o pofulaho wa mabofu.' O mu vhidza 'nowa hatsini.' O dzhia tshiṭhavhelo tshe Mudzimu a odeina, huno a rahekanya dzitafula dza thenuwa, huno a posela tshelede nn̄da, nahone a vha sedza o sinyuwa. Naa no no vhona tshifhe waṇu a tshi vhonala o ralo?" Zwino mutshelo wa Muya u ngafhi? Uh-huh. Uh-huh.

³⁴¹ A si nga u amba nga dzindimi. A si nga u tshina Muyani. A si nga u vha muthihi na tshivhidzo. A si nga mutshelo wa Muya; Saintsi Ya Tshikriste i nga fhira muñwe na muñwe waṇu kha hezwo, ni a vhona, nahone ya hana na uri Yesu Kristo o vha e Mukhethwa. A si hezwo.

³⁴² Fhedzi ndi Ipfi, li tshi khou tshila! Ngelo. Arali vho vha vho sedza fhedzi, uri O vha e Mesia. O vha e Ipfi li tshilaho, lo vhonadzwaho.

³⁴³ Huno munna a re na Muya wa Mudzimu khae, kana musadzi, u tshila ilo Ipfi, li tshila khavho la bvela nn̄da. Iyo ndi ndivhitho

ya mbilu, vho tiwaho, ngauri Ipfi la Murena li da khavho, nahone vha Ipfi kha vhathu. "Epistola dzo ñwalwaho dzi no vhalwa nga vhathu vhothe." Naa izwo ndi zwone? Mururo Wa Vhuraru u nga vha u kati?

³⁴⁴ Vhathu vha theiphi, avho ndi vhoiñwi vha no khou thetshelesa theiphi iyi, ndi tama no vha ni tshi nga sedza kha itshi tshihidzo nga tshino tshifhinga. Uh-huh. Ndi fulufhela uri ni zwi dzhia nga ndila yeneyo nthihi.

³⁴⁵ Mini-ha arali zwi zwone? Sedzani Mañwalo o khokhanaho ngomu hafha. U nga vha u wone? Naa Mururo Wa Vhuraru u khou yo rerela vho tewaho nga khañhulo lwa U Ya Nga Hu Sa Fhelí vho landulaho Mulaedza wa tshidzo?

³⁴⁶ "Zwo luga," inwi ni ralo, "tshihidzo tshi khou ̄tuwa . . ." Iina, vha ño ralo. Vha ño bvela phanda, nga ndila yeneyo nthihi.

³⁴⁷ Fhedzi, elelwani, tshifhinga itshi tshoñhe, Noaxe o vha e gungwani. Muselwa o shatelwa ngomu na Kristo, murado wa u fhedza wo no rengululwa. Pfundo La Vhuñanu Na Vhuthihi lo no dibveledza. Pfundo La Vhuñanu Na Vhuvhili li Mu vhuisa kha lifhasi. Ngwana yo ña huno ya dzhia Bugu tshandani tsha u la Tshawe, huno ya dzula fhasi nahone ya vhila Zwawe, zwe A zwi rengulula. Izwo ndi zwone? Tshifhinga tshoñhe ho vha uyo Mururo Wa Vhuraru.

³⁴⁸ Tharu ndi khunyeledzo. Mushumo u ña kha khunyeledzo yawo musi wo beba Kristo hafhu nga lwa mupo, vhukati ha vhathu, sa zwe zwa bulwa, "Sa zwe zwa vha zwi zwone maduvhani a Loto."

³⁴⁹ Oo, elekanyani, vhathu vha nga kona u bvela phanda na u rera, vha tshi elekanya zwauri vha khou tshidzwa, vha tshi tenda zwauri vha khou ita zwi re zwone, vha tshi tenda zwauri madzangano avho a khou aluwa, ngoho, nahone hu si na na sana la fulufhelo. Huno arali lila bono lo vha li hezwo, nahone lo halifhela nga maanda vhasadzi, ro ña kha iyo awara. Vothi lo valwa, lo ̄tuwa, Bugu yo no di vha tshandani Tshawe. Zwi elekanyeni.

³⁵⁰ Ntendeleni ndi ni vhudze hezwi ndi sa athu vala zwino. Ndi khou vala. Zwo ambiwa, nga ha ngei Ireland, ho livhanwa na mañi. Ho vha hu na dzingahe ljhulwane line la tsela fhasi nga thungo ya khunzikhunzi, na n̄tha kha uyu muvhundu muhulwane. Huno ho vha hu na munna we a vha a tshi khou ̄tuwa, a tshi khou tshimbila nga thungo heneñho liñwe ñuvha, nga—nga tshifhinga tsha uri madalaxa a dzhene. Huno ho vha hu na mukoma we a vha a tshi dzula muvhunduni, we a vha a tshi ñivha aya madalaxa. O ñivha tshifhinga tsha ñuvha tshe madalaxa a vha a tshi tea u ña. O ñivha tshifhinga tshe ñalaxa la dzhene ngatsho. Hoyu muthu ho ngo londa uri tshifhingade. O vha e muñwe wa avha vho-ri-a-ñivha-zwoñhe. O vha e na muhumbulo wawé. O vha e munna wa atletiki, o thanyaho,

muthu o ḥalifhaho, fhedzi u tou vha a songo ḫivha tshifhinga tsha ḥalaxa. Ho ngo ḫivha shango. Ho ngo ḫivha tshifhinga tshe tshiga tsha vha tsho tea, musi ḥwedzi wo no furalela ḥifhasi.

³⁵¹ Huno musi Mudzimu a tshi vhuya a wisa Muya Wawe kha ḥifhasi, mukomana, lo ḥuwa, zwo fhele.

³⁵² Uyo ḥwedzi wo vha u tshi do vhuya wa bva vhudzuloni hawo, maqì o vha a tshi do tibeda ḥifhasi vhunga zwe la vha li zwone musi Mudzimu a tshi li thoma, kha Genesi 1. Fhedzi ḥwedzi wo dzula henehala, huno musi u tshi vhuya wa tou rembulusa ḥoho yawo, maḍalaxa a thoma u gidimela ngomu.

³⁵³ Uyu mukalaha o ḥalifhaho we a dzula henehfo vhuhoneni hao, o ḫivha tshifhinga tshe izwo zwa vha zwi tshi itea. Hoyu muthu ho ngo ḫivha. Na kathihi ho ngo guda. Ho ngo zwi londa. Huno uyu mukalaha o ḥalifhaho a gidimela nn̄da, huno a ri, “Munna wanga wavhuḍi, u songo lingedza u ya phanda. Huma, nga u tavhanya. Hu na luvhondo. U nga si kone u gonya luvhondo. U do lovha. One... Zwiga ndi zwone zwi no khou shuma, tshifhinga. Da—ḥalaxa li do fhalalela ngomu khathihi fhedzi, huno u nga si kone u vhuya. U songo tsha ya phanda.”

³⁵⁴ Huno munna a rembuluwa, huno a mu sea, ha pfi, “Iyani u londa mushumo wanu. Ndi a ḫivha zwine ndi nga kona u ita na zwine ndi si nga zwi kone.” Huno maḍalaxa a mu fasha. Ni a vhona?

³⁵⁵ Tshifhinga tshi nga di vha tsho no ḥuwesa u fhira zwine ra elekanya. Ni a vhona? Tshi do ni fasha. Ni songo tsha ya phanda. Ni songo zwi ita, vhathu. Arali tshifhinga tshothe no ntenda sa mulanda wa Mudzimu, dzhiani zwine nda amba matsheloni ano, arali no vhuya na ralo. Tshifhinga tshi nga kha di vha tsho no ḥuwesa. Luñwalo lwo andaho lu zwi tana nga iyo ndila. Zwino, eelelwani, a thi khou ri zwo ralo. A thi ḫivhi. Fhedzi itonu sedza.

³⁵⁶ Huno ndo tumula masiaṭari a no ḥodou swika fumi hafha, e nda vha ndi tshi ofha u ni vhudza. Ni a vhona? Ni a vhona? Vho-Mme Woods ndi rekhodo ya hezwo, na Vho-Woods. Musi ndo tselu phasi u vha vhona matsheloni ano, ndo ri, “Ndi—ndi nga si kone u vha vhudza hezwo, ndi nga si ye vhukule vhungafho. Ndi do tou vhea ulu Luñwalo lwo andaho, huno nda lu sia navho, ngauri lu khou yo theiphiwa.” Lu do ḥuwa.

³⁵⁷ Huno vhathu vha do sea uyu Mulaedza. Zwo luga, u do vha wo fhiraho, nga linwe la haya maḍuvha. Iyani phanda, itonu vha murado wa tshivhidzo. Ḥunyani mavhudzi anu, penndani tshifhaṭuwo tshanu. Iyani phanda, huno ni dzhie “Khotsi, Murwa, na Muya Mūkhethwa,” arali ni tshi ḥodou ralo, zwenezwo, mu iteni Midzimu miraru huno ni vhe muhedeni. Iyani phanda, nambatelani dzangano ḥanu. Itani nga u ralo, arali ni tshi ḥodou ralo.

³⁵⁸ Hu pfi, “Ndo tshina Muyani, ndo amba nga dzindimi; ndo U wana.”

³⁵⁹ Ndo no vhona vhodiabolo vha tshi ita zwenezwo zwithihi. Ndo no vhona vhaloi vha tshi amba nga ndimi huno vha dzi ḥalutshedza; huno vha n̄wala nga ndimi dzisili, vha dzi ḥalutshedza; vhe vha nwa malofha nga dethele ḥa muthu, huno vha vhidzelela diabolo, vha tshina tuyani.

³⁶⁰ Vhasulumanī vha tshina tuyani, nga u ralo, u swika vha tshi kona u dzhia phanza huno vha dzi tshimbidza fhasi ha minwe yavho; huno vha dzhia nnthi huno vha i tshimbidza ya ya n̄tha kha tshifhaṭuwo tshavho, nga u ralo, huno vha i ḥomola, huno hu sa bve na shotha ḥa malofha khatsho.

³⁶¹ Vhaindia vha do tshimbila n̄tha ha mulilo, vha songo ambara zwienda, vhudzivha ha fiti ḥarū; na nnā-, tharu- kana u buđekanya nga fiti nnā; vha vhudzula, vha dzungudza malasha u swika a tshi tshena nga u fhisa; huno na kathihi milenzhe yavho ya sa gotshee, huno vha hana uri hu na tshithu tshi no n̄ga Yesu Kristo.

³⁶² Hai, hai, khonani. Ipfi ndi lone li no zwi amba. Vhathu na Ipfi zwi tea u vha zwithihi. Ni a vhona? Yesu na Ipfi vho vha vha tshi fana; O vha e Ipfi. Huno musi Yesu a tshi dzula kha muthu, izwo zwi mu ita uri ene na Ipfi vha fane. Ni songo... Vhutshilo hanu vhu amba zwine na vha zwone.

³⁶³ Zwino itonu disedza kha tshivhoni tsha Mudzimu, ni ri, "Naa ndi vhonala ndi hani matsheloni ano?" Musi ri tshi rabela.

³⁶⁴ [Mukomana u amba nga luñwe lulimi. Muñwe mukomana u ̄nea ḥalutshedzo. "Vhananga, ̄namusi, Ndi ri kha inwi. Iina, nahone Nne, Mudzimu Ramaandaothe, o sedza kha lifhasi ̄namusi. Ndo vhona vhuvhi he tsiko iyi ya ̄diswa khaho. Ee, Ndi vhona tshivhvi tshe muthu, nga lino ḫuvha, tsha khou lila nga ngomu. Ee, naa a ni divhi zwauri Ndo ni itela tshithu tshihulwane? Ee, Ndo rumela munna nga lino ḫuvha la u fhedzisela, ee, uri a kone u vha tshiambi kha uno murafho. Fhedzi Ndi ri kha inwi, nga lino ḫuvha, vhathu vhanga, vhanzhi vho nyefula ili dzina. Ee, vho furalela zwithu zwe a zwi amba. Fhedzi Ndi ri kha inwi, avho vhane vha do pfa Maipfi haya, Ndi do ita uri phađutshedzo khulwane dzi wele khavho. Ndi Nne Mudzimu Ramaandaothe. Ndi do ̄nea malamba, nga lino ḫuvha, kha avho vhane vha do ḥanganedza Maipfi haya nga u ̄fulufhedzea, Murena u ralo."—Mudz.]

Ndo tendelekela kule ha Mudzimu,
Zwino ndi khou da hayani;

Rabelani, arali no vhuya na rabela!

Atamisa zwanda Zwau zwa lufuno,
Murena, ndi khou da hayani.

Ndi khou da...

³⁶⁵ Musi ni tshi khou bvela phanđa na u imba, ndi ḥodou ni vhudzisa tshiñwe tshithu. Naa hu na fhethu mbiluni yanu hune

ha vhonala hu tshi swifhadzwa nga tshivhi? Arali hu hone, zwino ndi tshifhinga tsha u u sunda, zwa zwino, arali hu tshi kha di vha na khathutshelo.

³⁶⁶ Ili, ndi a fulufhela, a lo ngo ralo. Ndi a fulufhela a liho afho. Fhedzi a li vhonali unga lo vha li tshi do ralo? Thetshelesani zwe Muya Mukhethwa wa amba vhukati ha vhathe, nga murahu ha musi ndo no fhedza, “Ndi Ipfi kha inwi.”

³⁶⁷ Huno arali hu na, arali ni na swiswi kha vhutshilo hanu, ni nga si de henefha u mona na alitari zwino, musi ri tshi bvela phanda na u imba. Zwa zwino, arali hu na mbilaelo, arali hu na fhethu, ni songo tsha hu fhahea.

³⁶⁸ Ndi tshi fulufhela na u themba uri izwi a zwo ngo ralo; fhedzi zwi do ralo, nga linwe la haya maduvha, nahone zwi nga di ralo namusi.

Zwino, Murena, ndi a da . . .

³⁶⁹ Nga mufemo wa maningo anu heneffo u mona na inwi! Arali vhathe vha theiphi vho vha vha tshi nga kona u vhona fhedzi zwine zwa khou bvelela hafha mnqa zwino; vha tshi khou tou vhuthana, vha tshi khou lila, vha tshi khou bva huñwe na huñwe.

³⁷⁰ Lila bono li nga vha, musi ndi tshi kha di vha mutukana, ndi awara naa? Naa itshi ndi tshifhinga tshine avho vha vhonalaho vho neta, vho tsikwa nga mutsiko; vhudzulavhafu vhu tshi khou sikwa henefha kha lifhasi?

³⁷¹ Dzialitari na dziphatsisi, na tshiñwe na tshiñwe, zwo dala zwino. Arali ni sa koni u da kha alitari kana dziphatsisi, huñwe na huñwe vhukati ha haya madana hafha; itonu ima, arali ni tshi ri, “Ndi khou todou ima nahone nda rabela, u itela fhedzi uri vhathe vha divhe,” kana na gwadama, tshiñwe na tshiñwe tshine na todou ita. Yawee, nnenne! Zwino ni nga si kone u vhona muñwe a tshi dzula fhasi. Ndi vhathe vho imaho huñwe na huñwe.

³⁷² Ngavhe heli ndi tshi li amba. Mudzimu ha tendi, Mudzimu ha tendi zwauri zwe nda zwi amba ndi zwa zwino. Ngavhe izwi ndi tshi zwi pafesesa, muñwe na muñwe; Mudzimu ha tendi. Hu na . . . ndi na vhana vha siho ngomu. Ndi na vhananyana vhavhili na murwa. Ndi na vhakomana. Ndi na vhathe vhangha vha siho ngomu. Mudzimu ha tendi zwauri tshilidzi tsho ri tutshela; uri izwi zwothe zwi do vha zwi u hoyo fhedzi.

³⁷³ Naa hu tshee na tshilidzi, Murena? Kha ndi vhe a khakhaho kha heli, Murena. Kha zwi vhe a zwo khakheaho nga tshino tshifhinga. Zwe nne, a si zwone, uri vhathe vha nga kha di tshidzwa. Zwi tendele, Murena. Ndi a rabela, na u kumedza avha vhathetshelesi kha Iwe zwino, nga Dzina la Yesu Kristo.

³⁷⁴ Muñwe na muñwe kha rabele zwino, u tou fana na . . . Mini-ha arali zwo vha zwo ralo? Zwino, a thi qivhi uri zwo ralo, fhedzi mini-ha arali zwo vha zwo ralo? Inwi rabelani nga ndila yanu.

Inwi ni tou rabela nga ndila ine na ṭoda u rabela. Hu tou vha uri mini-ha arali izwi zwe vha zwi ngoho, ro vha ri tshi do itani, dzikhonani? Naa ro vha ri tshi do itani? Naa, naa hu khou do bvelelani? Zwino rabelani, muñwe na muñwe. Itonu—itonu lila, itonu rabela nga ndila ine na ṭoda. Itonu lilela Mudzimu, nga ndila yanu. Oo Mudzimu!

Zwanda Zwau zwa lufuno,
Oo Murena, ndi khou da hayani.

³⁷⁵ “Murena, ndo ṭodou zwi ita tshifhingani tshilapfu tsho fhiraho. Naa ndo lindelesa, Murena? Naa izwi, zwe fhela? Oo Mudzimu, vula zwanda Zwau zwa lufuno huno u ntanganedze. Hu na tshiñwe tshithu mbiluni yanga tshi no khou zwi luvheledza, Murena. Vula hafhu luthihi. Arali dzina ḥanga lo vha li kha Bugu ya Ngwana, amba na nñe zwino, Murena. Ntendele ndi zwi ṭanganedze zwino. Ndi a humbela uri u ite, Mudzimu.”

Ndi tshi da hayani, ndi tshi da hayani,
Oo, na kathihi, na kathihi a thi tsha do dovha,
Murena, u dovha nda vhimbila;
Atamisa zwanda Zwau zwa lufuno,
Oo Murena, ndi khou da hayani . . .

³⁷⁶ Bivhili yo amba, musi vha tshi limuwa Yesu, zwauri, “Muñwe na muñwe u do tswimila vhunga murwa wawe e eþe a tshi vhulawa.”

. . . -a hayani,

³⁷⁷ Inwi ni re nn̄da, inwi ni re goloini dzanu, nga tshikhala tshipfufhi, inwi no imaho u mona na tshifhaþo, vhunzhi hanu, itonu sendeka ṭohoho yanu nga tshifhaþo, ni ri, “Murena Mudzimu, nkhathutshele.”

Vu- . . .

Ivhani a fulufhedzeaho nga maanda, dzikhonani!
Elekanyani uri ri khou tshila tshifhinga-de! Naa ri ngafhi?

. . . lufuno
Murena, zwino ndi khou da hayani.

Ndi khou da hayani . . .

³⁷⁸ Murena Yesu, ndo ita zwa khwinesa nga ndila ine nda divha. Ndo ita zwe the zwine nda divha uri nga ndila-de. Zwi tendele, Murena, zwauri mahothi a khathutshelo a tshee o vulea. Kha havha vha madana, vhukuma vha madana vha no khou ṭoda Iwe nga tshino tshifhinga, ṭusela kule dondo liñwe na liñwe la tshivhi, Murena, huno u vha dzhenise ngomu ñamusi.

³⁷⁹ Ndi—ndi a luvhelela, nga mbilu yanga yoþhe, vhunga ri sa khou vhona fhedzi muñwe muthu a tshi amba, fhedzi, Luñwalo Lwone luñe lu tshi ri disa kha ino awara. Huno lila bono, la mutukana muñku, a tshi vhona avho vhatu vhe kha nyimele iyo; huno zwino, vha elekanya, zwauri vhudzulavhafu hone

hune, khathutshelo yo thuthwa kha lifhasi, huno vhudzulavhafu hone hune vhu hafha, nahone vhathu, Murena, vha kha iyi nyimele i shavhisaho.

³⁸⁰ Oo Mudzimu wa Maanda, kha itshi Tshivhidzo tsho Nangiwaho, ndi a rabela, Mudzimu, uri U do shululela phaṭhutshedzo Dzau, uri vha kone u ḥanganedza mu—mushumo wa vhutanzi, uri vhunga Loto o vha nawo, vhunga Noaxe o vha nawo, vhunga Yesu o vha nawo, kha vho xelaho lwa U Ya Nga Hu Sa Fheli, arali u tshi vha hone; uri vhone vhaṇe vho shatelwa Muvhusoni wa Mudzimu, fhedzi vha tshi khou nea vhutanzi kha Yesu Kristo e a sa shanduki mulovha, namusi, na lini na lini. Zwi tendele, Murena. Ngavhe U tshi ḥanganedza khumbelo yashu, ri tshi luvhelela nga Dzina la Yesu.

³⁸¹ Itonu rabela nga ndila ine na ḥodou rabela zwino. Ni songo dzhaha. Ni songo dzhaha. Mini-ha arali ni dzina la u fhedza la u ya kha Bugu?

Nne ndi khou da hayani.

Ndi khou da hayani, ndi khou da hayani,

³⁸² Murathu Neville, inwi gonyani huno ni vha rabelele. Mufunzi u khou yo rabela zwino na inwi musi ni tshi khou rabela. Nne ndi do imba.

Aṭamisa zwanda Zwau zwa lufuno,
Murena, nne ndi khou da hayani.

Ndi khou da hayani, ndi khou da hayani,
Na kathihi a hu tshe na u vhimbila; (Ee,
Murena.)

Aṭamisa zwanda Zwau zwa lufuno,
Murena, nne ndi khou da hayani.

Ndi khou da hayani, ndi khou da hayani,
Na kathihi a hu tshe na u vhimbila;
Aṭamisa zwanda Zwau zwa lufuno,
Murena, nne ndi khou da hayani.

³⁸³ [Mukomana Branham na tshivhidzo vho imba luimbo lu re afho nthā musi Murathu Neville a tshi khou rabela. “Mudzimu Ramaandaothe, Khotsi ashu wa Taḍulu, sa zwe zwa vha zwi zwone, namusi, ro takala nga maanda ngauri Iwe wo ri nea, sa zwe zwa vha zwi zwone, tshikhathi itshi tsha tshifhinga uri ri kone u sedzesza ndila dzashu phanda Hau. Mudzimu wanga, namusi, zwi tshi bva vhudzivhani ha myua washu, ri a U lilela, Murena, vhuimoni, vhu si hashu fhedzi, fhedzi ha muñwe na muñwe washu. Tendela ino awara, Mudzimu, i vhe tshifhinga, matsheloni ano, Khotsi, musi U tshi do ralo, arali Wo no di lapfisa khathutshelo, Khotsi, i tendele uri i vhe nga u ralo, uri havha vhe nga lino ḫuvha vha laṭa vhudzikukumusi havho hoṭhe, tshitameso, na zwiñwe zwithu. Murena Yesu, namusi, ri rabela uri U do tendela izwo kha avho vho gwadāmahō,

oo, nahone vho kotamisaho zwifhaṭuwo zwavho kha tshifhaṭo itshi tshothe. Oo Mudzimu, tendela ilo Ipfi, li bvaho Taḍulu, u amba matsheloni ano. Nea vhuṭanzi ho khwathaho, Murena. Tendela havha vhanna, vhanne vha vha vhanna vha no khou fa na vhasadzi, Yesu, ri tendele u vha na, ili duvha, phumudzo ya iyo Thanzi i tsaho i tshi bva Taḍulu matsheloni ano. Nga Dzina la Yesu Kristo, ri khou luvhelela, Murena, arali hu tshi kha di vha na u lapfiswa ha khathutshelo nga kha Malofha, hu tendele hu de kha muṇwe na muṇwe, ḥamusi, u ya nga u da havho. Ngavhe zwi tshi vha nga u ralo, ḥamusi.”—Mudz.]

[Murathu Neville u bvela phanda na u rabela. “Huno ngavhe muṇwe na muṇwe, Murena, a tshi fushea, nga lino duvha, uri Iwe u Mudzimu Ramaandaothe. Arali izwi hu u lapfiswa ha khathutshelo, hu tendele hu vhe kha muṇwe na muṇwe, nga muthihi nga muthihi.”] Zwi tendele, Murena. [“Zwi tendele zwi tshi vha zwino, Khotsi. Nahone tendela mulalo wa Mudzimu, we tshifhinga tshothe ha fhira pfeseso, u tendele u da hafhu kha mbilu dzo lindelaho.”] Ee, Murena. [“Tendela ino u vha awara.”] Ee. [“Ri tenda zwauri Iwe wo pfa Taḍulu.”] Mudzimu, zwi tendele. [“Tshiṇwe na tshiṇwe tshe ra vhlungelwa tshone, arali tsho flela, zwenezwo, Murena, ri a divha uri tsha u fhedza ndi tshini.”] Ee, Murena. [“Fhedzi, arali zwi songo ralo, tendela Thanzi u da.”] Ee, Murena. [“Tendela havha vhe vha da, vha tendele vha wane mulalo nga lino duvha,”] Zwi tendele, Murena. [“nga Yesu Kristo. Nahone nga Dzina Lawe ri a rabela. Amene.”—Mudz.]

³⁸⁴ Murena Yesu, ndi rabela uri U tshidze Becky na Sarah na Yosefa, na vhaṇwe, na vhaṇwe-vho, Murena. Izwi u songo zwi tendela zwi tshi bvelela kha vhananga, Murena. U songo zwi tendela zwi tshi bvelela kha vhakomana vhanga na khonani dzanga. Zwi tendele, Murena.

³⁸⁵ A ri divhi, a ri divhi, fhedzi ri khou vhona tshiṇwe tshithu, Murena. Naa ndi tshiga tshi dzinginyeho zwa zwino phanda hashu? Zwi tendele, Murena. Rothe ri kokodzele tsini Hau, nga u ṭavhanyedza, Murena. Ri a U funa nahone ri a U ṭoda. Zwi tendele u ralo, Khotsi, Muya Mukhethwa u ri ḥea khuthadzo mbiluni dzashu zwino.

³⁸⁶ Ri rabela uri ri kone u vha dzithanzi kha Iwe kha ino awara, ngauri ri a divha uri izwi zwi tea u bvelela. Zwo bulwa kha zwikhathi, huno ri fanela ulivhana nazwo, zwauri ri tshifhingani tsha vhufhelo musi ri tshi vhona izwi zwiga zwi tshi bvelela. Ri a divha, nahone ro no vhudzwa lwa miṇwaha minzhi zwino, uri itshi tshithu tshi do itea. Zwino ri tshi vhona heneffo vothini ḥashu, mbiti khulu dza maanda dza Mudzimu dzi tshi tshimbila zwiṭaraṭani, dzi tshi bvisa vha songo rubaho. Hune hu sa vhe na Malofha kha vothi, muruṇwa wa lufu u a dala; huno vha bvela phanda na u tshila, fhedzi vho fa musi vha tshi khou tshila, vha si

na khathutshelo, vha si na Mudzimu, nahone vha si nga tshidzwi na kathihi.

³⁸⁷ Mudzimu, nga ndila ine ra U livhuwa nga nthani ha avha vho tshidzwaho! Nga ndila ine ra... Ndi phathutshedzo khulwane hani kha mbilu dzashu, u vha nga ngomu zwino, fhasi ha Malofha, musi uyo muruňwa wa u fhedza a tshi fhira shangoni, a tshi bvisa vha...

³⁸⁸ Avho vha bvaho fhasi ha malofha, vho fa vha si na khathutshelo. Uyo wo vha u mururo wa Mushe wa u fhedza. Tsha u thoma, mu—munna muswa a tshi khou amba na Israele; tsha vhuvhili, o ya u vha phulusa; tsha vhuraru, wo vha u mulaedza wa u fhedza. Madembe o vha o no itwa, Mushe o vha e ndilani yawe ya u ya shangoni lo fulufhedziswaho, na vho rengululwaho.

Oo Mudzimu, khathutshela, ndi a rabela, nga Dzina la Yesu.

³⁸⁹ Zwino ndi do takalela u vhudzisa hezwi. Inwi vhane na khou rabela, inwi vhane na pfa uri ni na khathutshelo, na uri (Mudzimu) ni pfa uri ni Muvhusoni wa Mudzimu, ni pfa uri—uri no gimiwa nga inwe ndila—vho, uri kha Kristo ni na lutendo lwa u tenda uri ni Mukriste, no bebwahafhu huno ni a divha zwauri ni Mukriste, nahone a hu na na thimothimo. Ndi tama nothe ni tshi takuwa, inwi vhane izwo na zwi toda, izwo na zwi tenda, zwauri khathutshelo iyo yo lapfiselwa kha inwi zwino, na uri ni Vhakriste, huno ni—huno ni tenda zwauri—zwauri Malofha a dodzwa kha mbilu dzañu, na—na—na zwauri no hangwelwa tshivhi tshiñwe na tshiñwe.

³⁹⁰ Itshi tsho vha tshithu tshi kondaho nga maanda u amba na inwi vhathu. Ndi khou livhuwa nga maanda, na u vhona vhathu vha tshi bva huñwe na huñwe. Huno inwi, nga maanda ndo—ndo...

³⁹¹ A thi divhi uri itshi tshithu ndi ngoho, fhedzi tshi tea u vha nga iyo ndila, tshiñwe tshifhinga. Ni a vhona, tshi tea u da kha hetsho, huno tshi nga ralo zwino. Ni a vhona? Nga ndila inwe na inwe, shango li do bvela phanda. Vhathu vha do di da kha alitari, vha do di lila, fhedzi a zwi nga farisi tshithu. Ni a vhona? Vha do vha vho no tuwa, ni a vhona, zwi do vha two fabela. A hu tsha do vha na khathutshelo. Elelwani hezwo. “Huno fhethu kuhkethwa hu dala vhutsi.” “Ane a tshinya, a di tshinya zwawe; o lugaho, a di ita two lugaho; huno a re mukhethwa, a di vha mukhethwa.” A hu tshe na khathutshelo, musi Ngwana i tshi dzhia Bugu; ndi zwenezwo, ndi zwenezwo fhedzi zwazwo. Huno zwi vhonala nga maanda zwi tshi nga zwi nga vha zwino.

³⁹² Khamusi ri na linwe duvha; khamusi namusi ndi ilo duvha. Khamusi matshelo ndi la u fhe... Khamusi madekwana a namusi ndi vhusiku ha u fhedza. Khamusi uyu ndi nwaha wa u fhedza. A thi divhi, dzikhonani. Ndi khou ni vhudza, a thi divhi. Na kathihi ndi nga si vhudziwe zwone.

³⁹³ Fhedzi musi Mudzimu a tshi dzhia iło dzina la u fhedza huno a li rengulula kha iyo Bugu ya Vhutshilo, ndi zwenezwo fhedzi zwazwo. Ni a vhona, a zwi tsha do ralo, naho zwo ralo. A zwi tsha do ralo, naho zwo ralo. Ndi zwenezwo fhedzi. Zwo guma.

³⁹⁴ Naa ndi vhangana vha no divha uri ndi Ngoho? [Tshivhidzo tshi ri, "Amene."—Mudz.] Zwo luga. Ndi—ndi Ngoho. Zwino ngauri ri pfa . . .

³⁹⁵ Huno ndi vhona itshi tshivhidzo tshe nda tshi rerela nahone nda tshi tsivhudza, iyi miñwaha yoþhe, huno nda vhona Mulaedza u no nga uyu lwe nda . . . lwe nda—nda qisa iyi fomo ya amatshoro. Huno itonu elelwa, ndi zwi amba lune na do zwi pfesesa, fomo ya *amatshoro*; zwiñwe zwithu zwo engedzeaho katukutuku zwo vha zwi tshi nga tou ni dzinginyisa na bva zwipiða, ni a vhona. Fhedzi ndo tou zwi pfuka, ndo pfa ndi tshi tqodou zwi ita, ngauri nne a thi na ngoho. Arali nne ndi si na ngoho ya hune nda kanda, ndi do kanda nga ndila i leluwaloh, ni a vhona, fhedzi ndi khou tou ni vhudza.

³⁹⁶ Thetshelesani. Naa a no ngo takala? Hu nga vha na tshiñwe tshihulwane u fhirisa, tshe na vha ni tshi nga tshi elekanya, tshe na tshi ita vhutshiloni hanu?

³⁹⁷ Mini-ha arali zwo fhela zwino? Mini-ha arali zwo fhela tshoþhe? "Oo," inwi ni ri, "Mukomana Branham, khamusi . . ." Iina, ndi a divha. Vho vha vha tshi nga bvela phanda. Vho ralo, misi yoþhe. Izwo ndo no zwi tqalutshedza nahone nda zwi sumbedza nga Luñwalo, ni a vhona, shango lo bvela phanda na u kunguluwa, fhedzi zwa itiwa. Ni a vhona?

³⁹⁸ "Vhutsilu ha u rera vhu tshidza vho xelaho. Nahone ndi vhutsilu, kha vhatu. Ndi vhutali ha Mudzimu." Ni a vhona? Mudzimu ndi Muya. U shuma nga ndila dza maya, ni a vhona, U ita zwimangadzo; ndila dzi mangadzaho. Fhedzi, riñe ri vhatu, ri a guma. A ri divhi; ri tou sedza kha zwine ri nga zwi vhona. Fhedzi Tshiñwe tshithu ngomu hashu . . .

³⁹⁹ Musi ni tshi bva lufherani ulwo hafha, arali ni sa athu lu vhona vhutshiloni hanu na kathihi, ni sa athu vhona tshedzari na kathihi, no vha ni tshi do divha zwauri no fhira kha ulu lufhera hafha, na dzhena kha tshedza tsha duvha kana tshiñwe tshithu. Lwo vha lu tshi dudela. No kona u zwi pfa. Arali hu si na tshipfi tsha muvhili wañu u zwi divhadza, no vha ni tshi do divha, oo, hu si na tshipfi tsha mbono uri ni lu vhone. Hu si na na ndila ya u vhona miri midala, u vhona mupo; ni songo vha na mbono, a hu na muthu we a vhuya a vha nayo. No vha ni tshi do divha zwauri ni do vha vhuhoneni ha tshiñwe tshithu; vhudipfi hanu ho vha hu tshi do ni vhudza hezwo. No vha ni tshi do zwi divha hezwo. Arali ndo vha ndi tshi do lingedza u ni vhudza, "Ndi duvha. Li a vhonisa. Li a tana zwithu." Ni a vhona, no vha ni tshi do divha zwauri lo vha li hone nge na kona u li pfa nga vhudipfi hanu. Naa izwo ndi zwone? [Tshivhidzo tshi ri, "Amene."—Mudz.]

⁴⁰⁰ Zwino, ri a divha zwauri Kristo u fhano. Ni a vhona? Khamusi a ni Mu vhoni nga maṭo anu. Ni a vhona? Khamusi a ni ralo. Fhedzi nga bono, ndi a ni vhudza, U hone fhano. Ri a Mu pfa. Ri a divha zwauri hu na Tshiñwe tshithu hafha tshire zwipfi zwashu zwi sa tshi divhadze. Muya ndi wone u no zwi divhadza, zwauri Kristo u fhano.

⁴⁰¹ Ndi a pfa uri O ri rengulula. Ndi a pfa uri madzina ashu a kha Bugu Yawe. Ndi a tenda uri ro rengululwa nga Malofha a Ngwana.

Ndi a ni funa, huno ndi a divha zwauri ni a funana.

Oo, mashudu tshivhofhekanyi tshi
vhofhekanyaho
Mbilu dzashu nga lufuno lwa Tshikriste;
Vhuṭama ha ḥhalukanyo i fanaho
Vhu nga uvho ha Taḍulu.

⁴⁰² Tshifhinga tshoṭhe ri tea u pfelana nga iyo ndila. Ni a vhona, ri fanela, ri fanela u pfelana nga iyo ndila. Ni a vhona? Ngauri, musi ri tshi funana, ri funa Mudzimu. “Naa ni nga vhenga mukomana waṇu we na mu vhona, huno na ri ni funa Mudzimu We ni si mu vhōne?” Ri fanela u funana. “A hu na muthu a re na lufuno lu fhiraho lwa Uyo ane a naledza vhutshilo Hawe a tshi itela swina Ławe, uri vha kone u vha khonani Dzawe.” Oo!

⁴⁰³ Naa ulwo luimbo ni a lu divha, *Mashudu Tshivhofhekanyi Tshi Vhofhekanyaho?* Naa a tshi mangadzi? Mashudu tshivhofhekanyi! Naa ni do ri nea tshuni yalwo, khaladzi, heneffho? Itonu ri i tambe lwa tshifhinganyana.

⁴⁰⁴ Mini-ha arali hu uri zwo fhela? Mini-ha arali Mururo Wa Vhuraru, u no khou da zwino, u wa u yo rereha vho xelaho? Mini-ha arali zwifanyiso zwoṭhe zwi tshi khou yo ḥana zwino? Huno ri ngomu, huno ri ngomu, izwo a zwi nga do mangadza? Ndi vhuṭama-de!

Oo, mashudu tshivhofhekanyi tshi
vhofhekanyaho (hafha hu na tshire tsha
zwi ita)
Mbilu dzashu nga lufuno lwa Tshikriste;
Vhuṭama ha ḥhalukanyo i fanaho
Vhu nga...

⁴⁰⁵ Naa uvho ho vha vhu mini? Vhuṭama ha ḥhalukanyo dzi fanaho. “Muvhuso Wau u de. Lufuno Lwau lu itwe.” Ni a vhona?

⁴⁰⁶ Ri lingedza u ita Mudzimu mu—mutukana a no tea u disa mashudu, tshithu tsha lwendo kana tshiñwe tshithu, “Mudzimu, ita hetshi, ita hetsho.”

⁴⁰⁷ Yesu o ri, “Rabelani, ‘Muvhuso Wau u de. Lufuno Lwau lu itwe kha lifhasi, vhunga ngei Taḍulu.’” Zwenezwo, Taḍulu li tsitselwa fhasi kha riñe, huno riñe ri—riñe ri diswa Taḍulu, huno ro dzula fhethu ha Taḍulu zwino kha Kristo Yesu. Roṭhe ri

tenda uri Mulaedza uyo ndi Ngoho, uri Yesu Kristo, Murwa wa Mudzimu, u a ri rengulula.

⁴⁰⁸ Kha ri vale maṭo ashu zwino huno ri imise zwanda zwashu, musi ri tshi lu imba.

Mashudu tshivhofhekanyi tshi vhofhekanyaho
Mbilu dzashu nga lufuno lwa Tshikriste;
Vhuṭāma ha ṭhalukanyo i fanaho
Vhu nga . . . (Dzulelani u i tamba.)

⁴⁰⁹ Zwino, hu si na u ḥwethuwa na huthihi. Hetshi a si tshifhinga tsha u ḥwethuwa. Nga vhufulufhedzei ha ngoho-ngoho, musi ulwo luimbo lu tshi khou tamba, kha ri khadane na muṇwe a re tsini haṇu, ri tshi ri, “Mudzimu a ni fhaṭutshedze, Mukriste,” nga vhufulufhedzei.

⁴¹⁰ Mudzimu a ni fhaṭutshedze, Murathu Neville. [Murathu Neville u ri, “A ni fhaṭutshedze, Mukomana Branham!”—Mudz.] Miñwaha ya mahumi maṭanu na miṭanu na miña nga vhukale. [“Izwo ndi zwone.”] Ndi kale!

Mudzimu a ni fhaṭutshedze, Mukomana . . . ? . . .

Zwino kha ri imisele zwanda zwashu Khae.

Musi ri tshi fhambana,
Zwi ri qea vhutungu ha nga ngomu;
Fhedzi ri kha dī do vha vhathihi mbiluni,
Nahone ri fulufhela u ḥangana hafhu.

⁴¹¹ Zwino kha ri kotamise zwifhaṭuwo zwashu, nahone, roṭhe, ri sa ḫivhi zwe matshelo ha ri farela, nga tshino tshikhathī, ri sa ḫivhi nga nn̄da ha zwo fhelaho. A thi ḫivhi. Ndi nga si ambe. Ndi nga si ambe. A thi ḫivhi. Fhedzi ro livhana na mbuno dze ra dzumbulula matsheloni ano, kha ri rabele thabelo ye Murena a ri vhudza uri ri i ite. Naho arali hu, “Muvhuso Wau u de. Lufuno Lwau lu itwe.” Kha ri i ite roṭhe.

⁴¹² [Mukomana Branham na tshivhidzo vha ita thabelo i tevhelaho mazha, i tshi bva kha Mateo 6:9-13—Mudz.]

. . . *Khotsi ashu a re ḫaḍulu, dzina lau li Khethwe.*

Muvhuso Wau u de. Lufuno Lwau lu itwe kha ḫifhasi, vhunga ngei ḫaḍulu.

Ri ḫee ḫamusi vhuswa ho ri eḍanaho.

Huno ri hangwele milandu yashu, vhunga ri tshi hangwela avho vhane vha ri khakhela.

Huno u si ri ise mulingoni, fhedzi u ri phuluse vhuvhini: Ngauri muvhuso ndi wau, na maanda, na vhugala, u ya lini na lini. Amene.

⁴¹³ Zwino mbilu dzashu dzo kotama. Bivhili yo ri, “Vho imba luimbo, huno vha bva.” Elelwani, musi vha tshi ita hezwo Luñwaloni, ho vha hu nga n̄thani ha uri vho no vhamba mushumo wa Mururo Wa Vhuvhili wa Murena washu, huno

Mururo Wa Vhuraru wo vha wo lugela u dzhena. Awara dzi si gathi nga murahu ha hezwo, A ya vhudzulavhafu huno a rerela vho xelaho vhe vha landula khathutshelo yavho.

⁴¹⁴ Tshuni ya *Lutendo Lwanga Lu Sedza Kha Iwe*.

Lu—lutendo lwanga lu sedza kha Iwe,
Iwe Ngwana ya Khalivari,
Mutshidzi mukhethwa;
Zwino mpfe musi ndi tshi rabela,
Tusela kule zwivhi zwanga zwoṭhe,
Kana wa ntendela . . . u bva ḥamusi
U vha Wau tshoṭhe!

Musi ndi tshi kanda ndilani ntswu ya
vhutshilo,
Huno vhuṭungu vhu tshi balangana u mona na
nne,
Iwē ivha Muendedzi wanga;
Ita uri swiswi li vhe masiari,
Tanzwela maṭungu, dzinyofho kule,
Oo ntendele u bva ḥamusi
U vha Wau tshoṭhe!

⁴¹⁵ Murena a ni fhaṭutshedze, a ite uri Murwa Wawe na tshilidzi zwi ni penyele. Huno Murena a ni ḥnee Vhutshilo Vhu Sa Pheli, huno a vhe na inwi hafha shangoni ili, na shango li no do da ngavhuya. Huno, Vhutshilo Vhu Sa Pheli, ngavhe u tshi Mu shumela kha phirido dzoṭhe dza tshifhinga tshi daho.

⁴¹⁶ Arali itshi tshi tshifhinga, nahone ro swika afho fhethu, a thi na ḥtoni nga ha zwe nda rera. Huno arali mushumeli muñwe na muñwe a tshi tea u ima na tshivhidzo tshawe huno a hatulwa, sa zwe nda vhona kha bono, ndi livhuwa Mafhungo-mađifha e nda rera, ngauri ndi Mafhungo-mađifha eneala mathihi e Paulo na vhañwe vha rera.

⁴¹⁷ Ndi a ni takalela. Ndi a takala nge na ḥanganedza Kristo sa Mutshidzi wañu. Mu funeni, nahone ni rabele.

⁴¹⁸ Huno ndi do ni vhona nga masiari, Murena a tshi funa, nga awara ya sumbe ntha ha tshithoma, hafha tshivhidzoni. Mudzimu a ni fhaṭutshedze. Ni nga balangana.



MIMUYA I RE DZHELE ZWINO TSV63-1110M
(Souls That Are In Prison Now)

Hoyu Mulaedza nga Mukomana William Marrion Branham, u rangani wo ḥewa ngaTshisimane nga matsheloni a Swondaha, Lara 10, 1963, Thaberenakele ni ya Branham kha la Jeffersonville, Indiana, U.S.A., wo dzhiwa kha rekhodo ya theiphi ya maginete huno wa gandiswa u songo pfufhifhadzwa nga Tshisimane. Heyi ṭhalutshedzo ya Tshivenda yo gandiswa huno ya phaḍaladzwa nga vha Voice Of God Recordings.

TSHIVENDA

©2014 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Ndīvhadzo ya nzivhanyedziso

Pfanelo dzōthe dzo londolwa. Heyi bugu i nga ɖi gandiswa nga tshigandisi tsha hayani u itela u shumiswa nga muthu ene muñe kana uri i anđadziwe, hu si na mbadelo, sa tshishumiswa tsha u phađaladza Mafhungo-mađifha a Yesu Kristo. Heyi bugu i nga si kone u rengisiwa, u bveledzwa hafhu nga maandesa, ya poselwa kha website, ya vhulungiwa kha sisteme ya u wana mafhungo, ya ɬalutshedzelwa kha dziñwe nyambo, kana ya shumiswa kha u ɬuɬuwedza u humbela tshelede hu si na thendelo yo ñwaliwaho zwi khagala nga Voice Of God Recordings®.

U itela u ɖivha zwinzhi kana u itela zwiñwe zwishumiswa zwi wanalaho, kha vha kwame:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org